

**AD FRANC.
HOTOMANI
FRANCO-
GALLIAM
ANTONII...**

Jean Papire Masson





Ad Franc. Hotomani Franco-galliam

ANTONII MATHARELLI,
Reginæ Matris à rebus pro-
curandis primarij,
Responsio.

In qua agitur de initio Regni Fræciæ, successio-
ne Regum, publicis negotiis, & politia, ex fide
Annalium nostrorum, Germaniæque, & alia-
rum gentium, Græciſque & Latinis Scripto-
ribus.



LVTETIÆ.

*Ex Officina Federici Morelli
Typographi Regij.*

1575.

CVM PRIVILEGIO.

11.



HENRICO III. CHRI-
STIANISS. ET INVI-
ctiss. Franciæ & Polo-
niæ Regi

ANTONIUS MATHARELLVS
Fœlicit. & Immortalit. optat.



V M sæpius apud me
cogitarem (Rex Chri-
stianissime, Regúmque
inuietissime & optime)
quo genere officij man-
data Procuratori tuæ generali, qua me
dignatus eras, satisfacere possem, testa-
ri que non futurum Maiestati tuæ ser-
uum inutilem: non potui ob temporis an-
gustias perficere quæ optabam, & spera-

A ij

bam, auspiciis clarissimi viri Huraldi
 Cheuernij, sacri scrinij tui magistri.
 Statim enim, tanquam tibi foret desti-
 natus orbis, uno ferme momento, duo
 Regna (quod nemini antè accidit) ultro
 sese offerunt, Polonicum scilicet, cum
 totius Europæ & Asia, imò orbis, desi-
 derio & expectatione: alterũ, auorum
 tuorum, & ut Plato ait, secundum
 genus, Carolo Rege fratre amantiß. &
 chariß. fatis functo. Quod me ab insti-
 tuto aliquantulum reuocauit, ut pote
 mandato munere cessante. Licet enim
 non deesset animus, attamen prærepta
 mihi quodãmodo occasio videbatur ali-
 quid audendi. Præterea quid homuncio
 poteram dignum tanto Rege? Proinde
 in his angustiis ad Hotomani Franco-
 galliam conuellẽdam, & latratum exu-
 lis vinciendum, qui Regnum tuum &
 Regni huius politias subuertere contẽdit,
 animum adieci, & tot doctis viris oscitã-
 tibus

5

tibus, munus hoc lubens suscepi : eò facilius, quò aduersus mēdacia, quibus libellus ille scatet, veritatem pugnare sciebam : qua duce non dubitavi hostem illum profligatum iri. Itaque responsum aduersus libellum huiusmodi meditatus, Maiestati tuæ (cui me totum addixi) dicare ausus, ea humilitate, qua debeo, offero. Accipe ergo, Rex Christianissime, munus hoc quantulūcunq; serui tui, qui, si maiores forent vires, maiora erat oblaturus. Dominus noster Iesus Christus Maiestatem tuam incolumem, Regnūmq; tuum conseruet.

E^a Lutetia Parisiorum, 8. Id. Martij,
Anno à Christi natiuitate, 1575.

A iij



IVDICIVM PAPIRII MASSONI
DE LIBELLO HOTOMANI.

IN famoso libello Francisci Hotomani plus iracundię est quàm scientiæ : & qui Iurisconsultum se esse profitetur, grauitè in eo peccat, quòd ius suum tribuit nemini: nisi fortè antiquato veteri iure, nouum nomen & adhuc inauditum Hotomanicę scientiæ ciuibus suis exul mittit . Exulem esse turpe est , & patrię nihilominus desiderio teneri, cuius mores, ritus, leges, instituta plurimùm damnes . Multa ex Annalium monimētis de Francis & Franco-gallia ad mendacij sui defensionem, & oppugnationem sacrosanctę veritatis profert, malignè simul & impudèter aliquid falsi singulis capitibus addens de suo . Gregorij Turonensis, Aimoini, Reginonis, & Sigeberti monachorum testimonia probans, facit cōtra decus & dignitatem Geneuensis doctrinę, quę talium hominũ, propter dissimilitudinem religionis, Annales, quasi viliores Volusianis, improbare cōsueuit. Multus in eo est vt doceat, Reges in Gallia, spreto successionis iure, electos vocatósque ad regnum : quod si factum est, & rarò accidit, & exemplo, non iure factum constat . Quod enim exemplo fit, non etiam iure fit. Annis ab hinc sexcentis perpetua
serie

serie nostri Reges ad heredes suos regnum trans-
 misere : quod instar optimæ legis esse potest, ne
 tricennij præscriptionem aut centenariam oppo-
 nam Iurisconsulto, cuius beneficio posteritas
 satis tuta esset. Neque nouum est, propter ata-
 tem, vel propter socordiam paucorum Regum,
 iura successionis violata esse, vt sub Childerico
 accidit, quem gratia Pipini, Regni opibus apud
 Pontificem Zachariam, & Galliæ Proceres quæ-
 sita, dignitate & sceptro spoliavit, Rege illo na-
 tura imbelli, & ad omne genus otij relegato, cùm
 Reges roto anno in gurgustiiis potarēt, & Calen-
 dis Maiis similes pinguibus porcis sese populo
 spectandos committerent, vt Hotomānus ex
 Cedreno annotauit. Cuius orationem illam ne-
 scio an legerit, Reges Francorum καὶ γένος succe-
 dere parentibus suis solitos. Sed ille locus ad
 mēdacij defensionem peti non debuit. Hoc vio-
 lati iuris exemplum in Childerico, renouatum
 est, & mox damnatum à Concilio Francorum,
 Carolo Simplice rege, qui posthumus patri de-
 sertus est ab Aulicis, infido hominum genere: &
 reges dicti, Crassus vrgēte Normanico tumultu:
 post eum Odo, qui ipse supremis verbis proce-
 res hortatus est, vt Carolum tandem agnosce-
 rent legitimum hæredem, vti factum est. Sed vis
 iterū & carcer iura violauit, electo Rodulfo, bene
 iudicantibus Superis, qui breuē tot falsis regibus
 vitam, diuturnā autem Carolo, modò Regi, mo-
 dò priuato, semper ramen afflicto, concessere : vt
 quod iuris erat ad Ludouicum filium hæredita-
 tem transmitteret. Et ista pessimi nominis exem-

pla Iurisconsultus proferre audet, qui apud Iustinianum legit, non exemplo, sed legibus iudicandum? Hugoni verò Capeto, fato functis Caroli magni nepotibus, authoritatem & gratiam qua sibi Proceres, qua plebem & omne genus hominum deuinxerat, iter ad regnum fuisse constat: cùm hominem clarissimis natalibus in Gallia natum maiores nostri extraneis preferendum iudicarent. Quod euentus docuit huic regno prodesse nunquam, tot seculis mota super iudicio gentis querela. Nec satis erat Hotomanum, vt maiestatis reus esset, fulminasse aduersus Regiam potestatem, quam homines malenari ferre non possunt, Senatum Parisiensem iaculis veneno delibutis laceßere ausus est, qui in illo suo exilio (in quo æternùm pereat) neque vidit neque vnquam videre poterit quicquã augustius. Quid enim simile habent tabernæ Heluetiorum aut Germanorum popinæ vino madentes? Et quidem affirmare non dubito, in Basilica Parisiensi sola plures esse doctissimos homines & iuris peritissimos, quàm in altera patria magni huius Catonis, qui non, vt ille, sapiens: sed, vt ille, potus in aliquo ænopolio, fortè hunc libellum furoris & insanix plenum euomuit: vt verissimè Cuiacius dixisse videatur, quod penè præterieram, scripta Hotomani scutica egere. Hoc est iudicium meum de Franco-gallia. quod nomen malus Grammaticus parùm aptè iunxit. Ad illos mendaciorum acervos Vir clarus Antonius Matharellus ita respondit, vt possit cæteros à refutando detertere: nec rogati sumus vt respõsioni
cius

eius hanc breuissimam orationem veluti præuiam infereremus. Quod fecimus, sponte factum est: vt sciat Hotomanus esse in Gallia Tyrones qui cum Æsarnino certare audeant. Tamen si quid necesse est hunc Æsarninū dicere, qui Romani Marforij, aut Pasquilli, nomen potius sibi vindicare debeat.



ANTON. MATHARELLVS
LECTORI S.

IBELLVM cui titulus est, Hotomani Franco-gallia, cū percurrissem, inspecto titulo existimabam, motus quodammodo viri eruditione, quod inter eruditos partes non vulgares obtineret, aliquid ad Iurisprudentiam intelligendam, vel certè ad historiæ nostræ cognitionem, allaturum. Nam Primum Caput eò spectare videtur, quo disputat de statu Galliæ priusquam à Romanis in prouinciam redigeretur. Verū cū aliud agere, aliud simulare authorem comperissem, perculsit illico animum, inani ista narratione fucum fieri. Sed ne opinio mea temere concepta videretur, consului doctissimos quosdam, eosque acerrimi iudicij: quibus cū nihil huiusmodi lectione viderint doceri, quàm Imperij, legum, & politiarum nostrarum antiquarum solutionem, plebisque aduersus Regem & magistratus suos secessionem & rebellionem, idem fuit iudicium. Itaque detecta fraude, placuit lectorem monere, vt lectione illa penitus abstineat: facili enim talibus libris mores corrūpi possunt, potissimum si artificio & suauitate orationis errores tegā-

tur, vt facere solent qui veritati bellum indixerunt: cū tamen, si fucum verborum detrahas, nihil præter nugas & mendacia elicere possis. Cuius artificij tota est Hotomani oratio, licet non cōuiciis agat vt author libri de furoribus Gallicis: neque vituperando, sed laudando, quo magis timendus est. Nullæ enim sunt occultiores insidiæ, quàm eæ quæ latent in simulatione officij, aut in aliquo necessitudinis nomine. Nam eū qui palam est aduersarius, facile, cauendo, vitare possis: hoc verò occultum, intestinum ac domesticum malum, non modò non existit, verū etiam opprimit, antequam perspicere atque explorare poteris. Proinde aduersus huiusmodi libellum Responsionem meditatus, in lucē emittere volui, vt tādē patefactis & detectis huiusmodi insidiis & mendaciis, sola nominis fama, qua tumescere videtur author, non ad eò insultet, neque sibi solus sapere videatur: lector autem benignus comparatione possit iudicare quid inter veritatem & mendacium intersit. Cæterum quid sibi velit Hotomanus, & ad quam Rempub. nos reuocare contēdit, ex sequentibus sciri poterit.



AD FRANC. HOTO-
MANI FRANCO-GALLIAM,
Antonij Matharelli, Reginae
Matris à rebus procu-
randis primarij,
Responsio..



PRIMO Capite, vt diximus, Hotomanus differit, quo in statu esset Gallia priusquam à Romanis in provinciam redacta fuerit, idque luculenter certè, non tamen adeò latè, & ab origine, vt nihil desideretur: plura enim de gentis antiquitate, & præclaris Gallorum gestis dicenda erant, prætermittis quæ de eorum origine Berofus, Manetho, Metasthenes, Philo, Iustinus & alij veteres scripserunt. Nullus enim scriptorū fere inueniri poterit, quin eorum aliquam mentionem faciat: tanta erat eius gentis belli gloria, quæ orbem famam nominis impleuit. Licet de nostris Gallis dici possit, quod

Salustius de suis Romanis, illis nūquam copiam scriptorum fuisse. Quia prudentissimus quisque maximè negotiosus erat, ingeniū nemo sine corpore exercebat, optimus quisque facere quàm dicere, & sua ab aliis benefacta laudari, quàm aliorū ipse narrare malebat. Cōstat tamen Galliam (antequam à Romanis petita armis fuisset) tam opulentam, tam validā, tamque populosam vrbibus, ciuitatibus, vicisque refertam, & ornatā, vt nulla alia gens, populus, aut natio se illi equare ausa sit, quemadmodū testantur historiographi & Græci & Latini. Quibus autē legibus & institutis vixerunt, in citatis ab Hotomano locis, nihil præter vmbra & coniecturas quasdā inuenies. Notum est tamē vrbes primarias sui iuris fuisse, nulliusque addictas imperio: easque populi & gētis nomine dictas & vocatas, licet in Gallia, vt Cæsar testatur, reguli plurimi fuerint, qui multos habebāt clientes, quos ambactos vocat. Sed hoc veritati eorum quæ dicta sunt nihil detrahit, nempe vrbes & ciuitates sui iuris fuisse, nemini que (nisi illi cui à totius gentis conuentu summa rerum permittebatur) paruissē. Solebant enim Galli quoties de totius gentis commodis, vtilitate vel negotiis agebatur, cōuentum indicare, ad quem confluebant, vt idem Cæsar refert, principes ciuitatum. Itaque non ineptè & insulsè diceremus Gallias tunc fuisse, vt nunc sunt, in tres diuisas ordines. Primus erat eorum qui sacra tractabant, quos Druydas vocabant, quorum tanta erat auctoritas, auctore Cæsare, & Strabone libro quarto Geographiæ, vt nihil siue in bello, siue in pace,
his

his nolentibus, & non suadentibus, tentatum extiterit. Ii enim, ut ait idem Strabo, præter cognitionem rerum & causarum naturalium, moralem exercebant disciplinam, qui & iustissimi omnium erant opinione. Ideo & priuata & publica iudicia fidei eorum mandabantur, adeo ut rem bellicam indicarent, & martem collaturi illis iubentibus desisteret, quibus capitis iudicia permittebantur, & animas esse immortales existimabant. Secundus, nobilium regulorum: Tertius plebis nullius ferme pretij, ut idem Cæsar testatur, & suo loco dicitur. Quæ certè egeret altiore indagatione, & longiore oratione, si locus hic pateretur, & non essent à quorum laboribus & vigiliis ista sciri possint. Dicam tamè de veteris gentis nostræ excellentia, magnitudine, rei militaris peritia, urbium & ciuitatum frequentia, quod Agrippa rex apud Iosephum lib. ij. belli Iudaici, cap. xvij. Veruntamè, inquit, si aliquos magnæ causæ, ad defectionem incitare deberent, Gallos potissimum oporteret assurgere, quos videlicet tantis munimentis natura cinxisset: ab Orientali plaga, Alpium montibus: à Septentrionali, Rheno flumine: à Meridie, Pyreneis montibus: ab Occidente verò, Oceano. Sed tali munitione gaudentes, cccxv. gentibus numerosi, fontes autem, ita ut dixerim, felicitatis domesticæ habentes, omnibusque bonis penè totum orbem irrigantes. & quæ sequuntur. Et ipse Strabo eo loci de Gallia sic loquitur: Nulla pars ipsius inculta iacet, excepto duntaxat, si quid paludes, ac sylvæ coli prohibeant. Atqui magis hominum frequentia, quàm cura incolitur,

aut diligentia: mulieres fœcunditatē & educandi studio optimæ, viri bellorum magis, quàm agricolendi studiosi. Quibus tamen addere dignum iudico, vt notum omnibus sit, Gallos veteres insignes & fortissimos viros fuisse, vnum aut alterum eorum fortitudinis exemplum. Primum est, quòd bello Cæsaris Africano, xxx Galli (dictu mirum) dicuntur duo equitum millia loco pepulisse & fugasse. Secundum refert Strabo lib. quarto, nempe, Alexandrum Magnum Gallos quosdam milites interrogasse, quidnam maximè timerent: cùm ille existimasset, se, dicturos, (tunc enim Dariū vicerat) responsum accepit, nihil aliud, nisi ne super ipsos cælum rueret. Et Cæsar lib. quinto Commentariorum testatur, causas odij Gallorum aduersus Romanos has fuisse: Tum maximè, inquit, quod ij qui virtute belli omnibus gentibus præferebantur, tantum eius opinionis se deperdidisse, vt populi Romani imperia perferrent, grauissimè dolerēt. Sed de his satis: ad secundum Caput venio.

IN CAP. II.



vo quærit Hotomanus, quæ priscis temporibus Gallorum lingua fuisse videatur, & non planè soluit: locus enim hic plenus est coniecturis, cùm nulla horum temporum extent illius idiomatis volumina. Sed vt nobis ac illi liceat coniectari ac diuinare, existimo non multum differre

differre ab hac nostra vulgari qua hodie vtimur, vt ex eo apparet, quòd nomina earum rerum quæ immutabiles dici possunt, vt puta nationum, prouinciarum, ciuitatum, urbium, montium, sylvarum & fluminum, videmus etiam hodie retinuisset antiquum nomen, iisdemque nuncupari nominibus, quibus olim, paucis immutatis. Sic apud Ammianum Marcellinum, Annalium lib. xv. legimus, Ararim, quem incolæ Sauconam vocant. vt etiam hodie vulgari sermone dicitur. Præterea illius idiomatis apud antiquos scriptores extant nonnulla vocabula, quibus etiam hodie Galli vtuntur, veluti apud eundem Marcellinum eodem libro, Exinde non millenis passibus, sed leuicis itinera Galli metiuntur. Suetonius in Vitellio, cap. vlt. in fine, Cui Tholosæ nato cognomen in pueritia Beco fuerat: id valet, inquit ille, gallinacei rostrum. Et Tacitus lib. 3. Quibus more gentis continuum ferri tegimen, Crupellarios vocant. Cacumina autem montium hodie etiam Burgundi, Aruerni, & plerique Gallorum vocant Crouper, vt inde tractum dici possit. Plura apud Gregorium Turonensem exempla illius idiomatis leguntur, veluti lib. 4. cap. 51. Quos vulgo Scramasaxos vocat, & libro 9. cap. 28. Cum duabus pateris ligneis, quas vulgo bacchinum vocat. & appendix ad Aimoinum lib. 5. cap. 38. Purpriasiam pro villa. Ibi, Et si aliquis nostrorum fidelium de regno patris sui purpriasiam habet, iussu nostro illud dimittatur. Longè plura licet videre apud Cæsarem, veluti Solduarios, & huiusmodi. Alia in legibus & capitulis

Caroli Magni: quæ, qui volet, quærat: ista sufficient, cum nihil Hotomanus in contrarium adferat. Sed cum verum sit quod ipse Cæsar, Strabo, & post eos Marcellinus eodem libro aiunt, Gallos, Celtas, Aquitanos & Belgas, lingua, institutis, legibusque discrepare, difficile est quaestionem istam soluere: cum etiam hodie discrepēt, & dissentiant, ut vix inuicem sese intelligant. Itaque viderit lector quid sequendum iudicet. Non tamen placet quod idem Hotomanus ex Beato Rhenano probare videtur, Britonum nostrorum linguam, idioma vetus esse Gallorum, cum nullum proferat præter Rhenani testimonium, & id sine ratione aut demonstratione. Imo verò non est probabile illis solis permissum fuisse tum à Romanis, tum à Francorum Regibus, à quibus sub iugum missi fuere, & leges acceperunt, idioma Gallicum retinere, remotioribus scilicet Vasconibus, Aquitanis, & aliis non item. Præterea illorum historia eos profugos Britānos asserunt, tantum quisque sibi placet in mētienda origine, licet à vilissimis latronibus, piratis & huiusmodi, genus & originem iactent, hoc gloriosius ducentes quàm proprium solum in quo sati, educati & nati sunt, authorem profiteri. Labet addere Britones penuria dictionum cogi miscere integras voces & dictiones gallicas, & eas præcipuè, quæ asserendi vim habent, veluti Certainemēt, Veritablemēt, & similes. Quantum verò attinet ad Britannos, quos Anglos vocamus, tantum abest idioma quo nunc utuntur, vetus nostrum fuisse gallicum, ut plerique volunt

lunt. Nam & ipsi leges patrias habent sermone Gallico scriptas, nō multum dissimiles à Northmanorū legibus municipalibus, acceptas & latas, scilicet, à Guillelmo notho duce Northmanorū Regis Francogallici cliente, postquam regnum Angliæ subegit, circa annū Domini 1068. Quod ait Hotomanus ex Turonensi & Aimoino, Francogallos vsos literis & notis Græcis, nihil detrahit de huiusmodi opinionis veritate. Simile de Gallis Cæsar in suis Commentariis lib. 6. videtur annuere: Ait enim ille, cū in reliquis fere rebus, publicis priuatisque rationibus, Græcis literis vtuntur: qui tamen sibi ipsi non constat, imò dissentit. lib. enim 5. dicit, se ad Ciceronem epistolam misisse Græcis conscriptam literis, ne intercepta ab hostibus consilia sua cognoscerentur. Ego verò existimo, debellatis Gallis per Cæsarem, & ipsa Gallia vectigali facta, cū iudicia & magistratus à Romanis acciperent, in iudiciis & contractibus coactos Gallos Romana lingua vri: id enim ad conciliandos animos, in fidēque retinendos prouinciales, magnum sciebāt habere momentum, vt Plato lib. 4. de legib. Nam, inquit ille, quod genus vnum est, vnus linguæ, earundēque legum, cū sacrorum & huiusmodi communionem habet, amicitia quidem inter se copulatur. Et Cicero lib. 1. Officiorum ait, plures gradus esse societatis hominum: vt enim, inquit ille, ab illa infinitate discedatur, proprior est eiusdem gentis, nationis, linguæ, qua maximè homines cōiunguntur. Inde à Romanis aliquando sancitū fuisse existimo, decreta latinè fieri in toto

Romano Imperio . Quod obseruatum fuit in Gallia, donec Franciscus rex, huius nominis primus, id vetuit, anno Domini 1539. Cuius adhuc frequens est vsus in foro ecclesiastico, & eo vtitur Ecclesia Catholica, nullo alio admissio & recepto. Non esse maxima obseruatione dignum quod Hotomanus ait, nostrum idioma mixtum esse ex pluribus Latino, Græco, & Germano, melius si Germani loco (cuius nullus planè vnquā, aut saltē exiguus, vsus in Gallia fuit) adiecisset Italicum, Hispanum & Lusitanū. Sed nihil ex eo inferri potest, Gallis, quemadmodum & Latinis, & cæteris propriū non fuisse idioma: idē enim dici posset de Latino, & quouis alio, cū nullum sit quod non (siue à vicino, siue peregrino) aliquid sit mutuatum, si deerant natia & propria. Non fuisse autem frequentē vsum Gallis linguæ Græcæ, vel ex eo probari potest: Fauorinus enim philosophus Arelatenſis cantatissimus apud Aulum Gellium gloriabatur, sibi tria cōtigisse. Primum, quòd Gallus literas Græcas didicerat. Non tamē magis verum esse Gallos lingua Germanica aut Germanorū vsos vnquam fuisse, vt vult Hotomanus, manifestum sit ex ipsius Cæsaris Cōmentariis, lib.1. Ait enim se ad Ariouistū Germanorū regem misisse Marcum Valerium Procillum, propter linguæ Gallicæ scientiam, qua multa iam Ariouistus cōsuetudine utebatur. Non ergo erat idem sermo Germanicus ac Gallicus: nam si idem fuisset, non erat mittendus Valerius ob linguæ Gallicæ peritiā, quam non habebat Ariouistus Germanus propriam, imò ea rātūm multa cōsuetudine

fuetudine utebatur. Extât huius opinionis duo grauissima & indubitata testimonia, Lupi Ferrariensis archimandritę in agro Senonęsi qui epistola ad Immonę sic loquitur, Simpliciter vobis aperio, principem operā me in Germania destinasse lectioni, & ad obliuionis remedium & eruditionis augmentum libros pauculos parauisse, nec Germanicę linguę captum amore, vt ineptissime quidam iactauerūt, sarcinam subiisse tanti tamq; diuturni laboris, & alia eiusdem ad Marcuadum Prumiensem Abbatem, Inter alia quę nobis iam plurima pręstitisti, linguę vestrę pueros nostros fecistis participes, cuius vsum hoc tēpore nemo nisi tardus ignorat. Vixit enim Lupus tēporibus Caroli Calui Francorū & Germaniæ Imperatoris, ob id ait illo tēpore linguę illius cognitionem pernecessariam ob commune cōmercium quod intercedere poterat inter Germanos & Francos. Aliud est exemplum Sidonij Apollinaris lib. epistolarum 6. epistola 5. ad Sisagriū, quem Burgundionum vatem ridens vocat (Burgundi Germani erant, vt notum est) Velim dicas, inquit ille, vnde subito hauserunt pectora tua euphoniam gentis aliene. Ex quibus satis manifestum fieri omnibus existimo, Gallis proprium fuisse idioma, quo nunc utimur, licet corruptius, non Græcum, minus Germanicum aut Germanum, vt vult Hotomanus, qui nos etiam Germanos faceret si posset.

IN CAP. III.



CAPITE Tertio de statu Galliarum à Romanis in prouinciæ formam redactæ tractat Hotomanus, sed & ille locus pluribus egeret: extat enim apud Tacitum, Suetonium, Lampridium, Spartianum, Dionem Cassium, Capitolinum, Pollionem, Vopiscum, Eutropium, & ipsum Marcellinum, Imperatorum Romanorum, aduersus Gallos magna & multa tyrannidis exempla. Cum enim omnibus notum sit, Cæsarem illum dictatorem, milite Romano Gallias subegisse, Romanos autem milite Gallo, eorumque opera fidelissima & fortissima usum semper fuisse aduersus Pompeium, ipsamque rempublicam. ut satis ipse faretur in suis Commentariis: non tamen ita subegisse, quin posteris multæ bellorum reliquiarum superfuerint. Tandem posteriores Imperatores coacti fuerunt Romanum illud Imperium diuidere, partem unam Orientem vocantes, alteram Occidentem: Occidentis partem Gallias vocantes ad continendos in fide prouinciales, comprimendos & prohibendos Alemannos, qui tunc irruptionibus crebris Gallias vexabant. Galliarum autem statum fuisse miserrimum dubitare non oportet, ut pote tot auarissimis & nequissimis dominis, vel potius monstris, coacta multis seculis seruire. Nam si obserues quos principes Romanorum habuit Imperium, paucis exceptis, non homines, sed immanissimas belluas & feras, crudelissimosque tyrannos inuenies. De quibus probe Vopiscus in Aureliano. Vides quæso, inquit, quæ pauci sint principes boni, ut bene dictum fuit à quodam Claudij Scurra,

Scurra, In vno annulo bonos principes posse præscribi atque depingi. At cōtrā, quæ series malorum? vt enim omittamus Vitellios, Caligulas & Neronēs, quis ferat Maximinos & Philippos, atque illam ineruditæ multitudinis faciem, in quo numero ipsos, Commodum, Domitianum, Ortonem, Galbam, Heliogabalum, Triginta tyrannos, & similia monstra, comprehendere videtur. Ex quibus satis constat Hotomanum, cū temporibus istis miserrimè Galliam afflictam & cruciatam sciat, non probare statum illum in quo tunc erat: neque ad rempub. horum temporum nos vellet deducere, cū patriæ suæ sit, vt ipse asserit, amantissimus.

IN CAP. IIII.



DE ortu verò Francorū, qui Gallia occupata eius nomen in Franciam vel Francogalliā mutarunt, differit cap. 4. Hotomanus. Sed neque hac parte satisfacere videtur. Nā quod ex Nauclero de Carolo Magno rege Francorum ait, idem esse, ac si nominatus fuisset Rex Germaniæ & Galliæ: quòd eo tempore, omnis Gallia transalpina, & Germania etiam à montibus Pyreneis vsque in Pannonias, Francia dicebatur: illa quidem Germanica, Francia Orientalis: hæc, id est Gallica, Francia Occidentalis: non mihi videtur ad ortum Francorum aptandum. Certum enim est multis, ante Carolum magnum, temporibus, Regnū Franciæ satis stabilitum, multosque

B iij

reges habuisse, toti Galliæ & magnæ parti Germaniæ imperantes. Itaque ortum Francorum inde quærere nihil absurdus. Sed quia locus ille lubricus est, & non desunt authores non contemnendi, qui Francos ipsos ascitos & extraneos dicunt à Germanis vel profugis Troianis: Ego aliunde testimonia esse petenda existimo, in qua quæstione, ut in re incertissima, non consentiunt authores, nec inuicem satis sibi constant: Nam ut illa de Francione Hectoreo Troiano narratio tanquam fabulosa reiiciatur, in disputationem cadit, an Franci Germani sint, an verò Galli: an id nomen gentis sit, an verò factionis, eorum scilicet, qui pro libertate nomen illud sumpserint, quod vernacula lingua liberum etiam hodie significat. Quæ opinio non est vana, nec ab authore improbat: licet primæ videatur assentiri, nempe Fracos Germanos fuisse, ex illo Naucleri loco, & aliis ab eo citatis (credo ut in Germania ius ciuitatis facilius posset consequi.) Quæ tamen opinio improbari potest. Aliud enim est Francis & Germanis imperare, aliud Germania & Francia, aut alterius vocabulo, alteram complecti: Nam & si verum sit, sub regno Pipini, Caroli Magni, Clotarij, & aliorum qui Franciæ & Germaniæ iura dederunt, vnius vocabulo (Francorum scilicet) quicquid eorum parebat Imperio contineri: non tamen idem erat Gallia & Germania, alioquin dicendum esset, totum orbem qui Romano parebat Imperio, isto dici & nuncupari nomine, proprio prouinciarum & nationum antiquato, quo nihil ineptius. Illud certe magis

magis probarem, quod Connanus vir doctissimus, in suis Commentariis Iuris Ciuilis, libro 2. cap. 9. asserit, Francos non aliam quàm Gallicam habuisse originem, non Germanicam, aut Troianam, idque ex Cæsaris lib. 6. Liuij lib. 5. & Beatri Rhenani ad Tacitum, à qua opinione multi, iiq̃ue grauissimi viri non abhorrent. Certè non fuisse Germanos, quos Ammianus Alemannos vocat, mouet me authoritas tanti viri, & ipsius Ammiani fides constans, qui Alemannorum & Germanorum seorsum à Francis crebram mentionem facit, nempe lib. 15. vbi sic ait, Alemannicis pagis id est Germanicis indictum bellum, Conlimitia sæpè Romana latius irrumpentibus. Et paulò pòst eodem lib. Ob quæ Alemanni sublati animus. De Francis verò eodem lib. ita, Hæc Malarichus subito nactus, etiam tunc squalens & mæstus, suamque & popularis Syluani vicem grauitè ingemiscens, adhibitis Francis, quorum ea tempestate in palatio multitudo florebat, erectius iam loquebatur: ex quo solo loco facilè iudicari potest, Francos Gallos fuisse, inter Palatinos & milites prætorianos numeratos, & in castris Romanis militasse, quod de Germanis Alemannis quibuscum bellum semper fuit non dicit Marcellinus, imò eos vt hostes tunc Romani persequabantur. Germanos autè Alemannos à Marcellino dici, eumque his nominibus promiscuè vsum probatur eiusdem Marcellini lib. his verbis: Indicabat autè Coloniam Agrippinam ampli nominis urbem in secunda Germania. Et lib. 16. Alemannicam aggredi plebem. Et statim, Eiq̃;

B iiij

aduentanti Germanorum manus. Et paulò pòst, Hoc comperto residui Germani. Ibidem, Quo ædificato constabat ad intima Galliarum, vt consueuerant, adire arceri Germanos. Mox, Quo dispalato fædo terrore, Alemannorum reges Chonodomarius & Vestralpus, quos eodem lib. Germanorum reges vocat, in ea grauiissima & memorabili pugna, cuius circa finè eiusdem lib. meminit, Iuliani tunc Cæsaris mox Imperatoris aduersus eos reges: vbi sic ille, Hoc comperto Chonodomarius (quem paulò antè pluribus locis regem Alemannorum vocarat) iumento ac statim desiluit: & secuti cum residui idem fecere, nihil morati (nec enim eorum quisquam ambigebat partem suam fore victricem) dato æneatorum cantu, solemniter signo ad pugnandum, vtrinque magnis concursus est viribus populi, propilabantur missilia; & properâtes cito quàm considerato cursu Germani, relâque dextris explicâtes, inuolauere nostrorum equitum turmas. Ibidem, Et cùm cornu sinistrum altius gradiens, vrgentium tot agmina Germanorum vi nimia propulisset. Et paulò pòst, Proinde Alemanni pullis disiectisque equitibus nostris (de Germanis id dictum liquet, quos in principio initi certaminis, equitum turmas Romanorum aggressos dixerat) sicque promiscuè istis nominibus, pro eadem re eodémque populo vtitur. Aliter de Francis, quorum aliquos in comitatu fuisse Imperatoris dicit, & ideo populum fuisse à Germanis, siue Alemannis, separatum, nemo posthac ibit inficias. Quibus liber addere testimonium

Flauij

Flauij Vopifci in vita Proculi. Ibi, Nam Aleman-
nos, qui tunc adhuc Germani dicebantur. Extat
aliud eiusdem Marcellini, eodem lib. 16. circa
principiũ, his verbis: Igitur Agrippinam ingres-
sus, non antè motus est exinde, quàm Francorũ
regibus, furore mitescente, perterritis, pacem
reipub. firmaret: Francos autem à Germanis siue
Alemannis fuisse, vt nunc sunt, omnino distin-
ctos & discretos. Docet idem author lib. 17. cir-
ca principium. Ibi, Seuerus magister equitum,
per Agrippinam petēs & Iuliacum, Francorũ va-
lidissimos cuneos in sexcentis velitibus, vt postea
claruit, vacua præsidij loca vastantes offendit: hac
opportunitate in scelus audaciam erigēte, quod
Cæsare in Alemannorũ secessibus occupato, nul-
lòque vetante. Mox, Ad quos eximēdos pericu-
lo, multitudo Francorũ egressa, cùm captos cõ-
perisset & asportatos, nihil amplius ausa, repeda-
uit ad sua castra. Ex quibus verbis verũ esse quod
diximus constat. Nempe, cùm Marcellinus dicat
Francos bellum Cæsari mouisse, occupato in
Alemannorum secessibus: Si Franci Germani aut
Alemanni erant, non ita loquutus fuisset, Cæ-
sarem occupatum in Alemannorum secessibus.
Distinguit ergo author & separat eo loco Fran-
cos à Germanis aut Alemannis, non facturus si
vnus esset populus. Hæc opinio, clarius proba-
tur eodem lib. 17. At Cæsar, inquit ille, hyemem
apud Parisios agens, Alemannos præuenire stu-
dio maturabat ingenti, paratĩsque quæ necessa-
ria videbantur, petit primum omnium Francos:
Eos videlicet, quos consuetudo Salios appella-

uit, ausos olim in Romano solo apud Toxandriam locum, habitacula sibi figere prælicenter: quos dedêres se, cum opibus & liberis, suscepit: mox debellatis Chamauis eorum vicinis, sedato tumultu militari ob cōmeatus inopiam in castris exorto. Subdit, Nauali ponte Rheno trāsito, terris Alemānorum calcaris. & quæ sequūtur. Hic disertè author Francos à Germanis nomine, situ & re non minus separat, quàm Gallos ipsos: ad Rhenum enim vsque Gallias protendi ipse Ammianus post Cæsarem & Strabonem fatetur. Itaque, vt eò reuertatur oratio vnde digressa est, & multis quæ ad hanc rem faciunt prætermisissis: cū inde non magis sciri possit vnde orti sunt Franci (quod tamen disputat Hotomanus) quàm ex iis quæ ab eo dicta sunt, non erit absurdum, eos Gallos dicere. Si Galliam ad Rhenum termines & Oceanum, vt Strabo, Cæsar, ipsæque Marcel. faciunt, qui lib. 17. ait, Pace cum Francis cōposita, debellatisque Chamauis eorū vicinis, nauali ponte Rheno trāsito. Et xxi lib. gloriatur Iulianus, quòd Francorum populi iugem licetiam fregisset, Rhenumque peruium fecisset. Nolo tamen negare, fuisse quosdam authores, & inter eos Procopium lib. de bello Goth. primo, qui non dubitarunt asserere Francos Germanos fuisse, Galliāsque inuasisse: Sed nullis testimoniis aut repetita altius origine, nisi eos dicas Germanos, quemadmodum Belgæ Galli sese fatebantur, vt Cæsar refert lib. 2. suorum Commentariorum. tantum quisque sibi aliquando placet, vt dixi, in mentiendā origine.

Itaque

Itaque viderit lector, quid in re tam dubia & incerta sequendum existimabit: Non enim contradicendi studio hæc à me dicta sunt, sed veritatis quæredæ causa. Quæ de Chaucis asserit Hotomanus, quos Francis vicinos esse retur, non improbo: & eos dici à Marcel. Chamauos, locus ille xvij lib. eiusdem annuere videtur. Romanam autem linguam vsitatam in ea Galliæ parte quam à Francis occupatam dicit. Inde natum prouerbiû, Loqui Romanum, non inficior, licet satis cap. 3. demonstratû fuerit, Frâcogallis proprium fuisse idioma quo nûc vtimur, corruptius & fortassis rudius quàm nûc, sed tamen eiusdem ferme prolationis & significationis. Caterùm certû esse nemo negabit, vt iam à me dictum est, Galliam in prouinciæ formam redactam, & vctigalem à Romanis factam, in iudiciis & cōtractibus lingua Romana vsam. Extant adhuc huius opinionis magna & indubitata indicia, non tamen ex eo probatur Francogallos Germanos fuisse, vt vult Hotomanus: licet enim id admitteremus, nihilominus non sequeretur idioma nostrum esse vetus Germanorum, quod per facile cum sedibus solet mutari: migrantes enim propriis sedibus assumunt faciliè idioma eius nationis, aut prouinciæ ab eis occupatæ, vel in qua sedes constituunt, vt ex Turcis ipsis discere possumus, qui licet Arabicam linguam habeant propriam, & ea in suis prophanis sacris vtantur, attamen Illyrica & Græca vulgari vt solent: nam vt Liuius bello Asiatico ait de Gallogræcis, Planta faciliè vertitur in id solum in quo seritur: quod

fit cū indigenis exteri miscētur: vt de profugis Troianis, Ænea duce, cum Rege Latino, refert Liuius lib. primo vrbs cōditæ: & Diogenes Laërtius in Solonis vita ait, Solonem occupata Atheniensū Repub. à Pisistrato profectū ad Cræsum Regem, à Cræso verò in Ciliciam: ibique urbem condidisse, eamque ex suo nomine Solos appellasse, & in ea aliquot Atheniensium collocasse, quos tractu temporis, cū patriam vocem corrupissent *σολοικίζεν* dictos asserit. Cæterum quod postrema capitis parte Hotomanus ait, Francorum exiguas copias Siciliam inuasisse, Syracusas cepisse, verum est: innata enim illis fortitudo à maioribus Gallis, indigenæ quorum Frāci sunt, hoc effecit: quibus (vt suprā diximus) familiare fuit, parua manu magnum fugare exercitum. De quorum etiam virtute Salustius sic loquitur, Facundia Græcos, gloria belli Gallos, ante Romanos fuisse. Plura ad hanc rem adduci possent: Sed aliò me reuocat instituti ratio.

IN CAP. V.



Væ proximo superiori capite dicta sunt, ad quintum sequens referri & aptari possunt. De ortu enim Francorum, nisi nomen cognoris, dicere non possis: & superius disputauit Hotomanus an esset nomen populi & nationis, an verò factionis, quod etiam hoc cap. differit. Itaque quæ à me ad hanc rem dicta sunt, quæ cum ipsius authoris

thoris dictis consentiunt, lubens prætereo: nec ab hac opinione diuellor, nempe Frācos partem illam Galliæ habitasse, Gallósque re vera fuisse, nomen verò Francorum obscurum aliquando fuisse, non est incognitū: eorum enim nemo antiquorum meminit ante Trebelliū Pollionem, & Vopiscum in vita Gallieni, & Aureliani, dicique de eis potest quòd Tacitus circa finem libri secūdi, Ignoti Græcorum annalibus, qui sua tantum mirantur, Romanis haud perinde celebres, dum sua extollunt, externorum incuriosi: Francis etenim, vt diximus, nunquam copia scriptorum fuit. Sic videmus magnum & formidabile toti orbi Romanorum nomen, licet paruis & obscurissimis initiis: sic Tammerlani, cuius origo adhuc ignoratur, qui totam Asiam vno momēto subegit. Fuisse tamen in Germania, aut Alemania, prouinciam Franciam nuncupatam, quæ etiam hodie Franconia dicitur, nolo inficiari, vel ex eo Marcel. lib. xx. loco: fortassis quòd à Frācis olim occupata armis fuerit, vt nunc tota Gallia Francia dicitur. Sed quàm obscurum fuerit tēpore Constantis nomen Frācorum, ex Socratis ecclesiastici historiographi lib. x. patet, qui Frācos gentem quādam vocat, his verbis: Nam gens quādam, quam Francos appellant, cum Romanis in Gallia constitutis, bellando confligit: & cap. xiiij. ait, Consulatu duorum Augustorum Constātij iij. & Constantis ij. Constātem Francorum gētem superasse, confederatāquereddidisse. Hoc Hieronymus presbyter ad Chronicon Eusebij ait accidisse circa annum Domini, 340.

Eorum etiam meminit Sidonius Apollinaris, qui vixit temporibus Maioriani, Anthemij & Auri Imperatorum. Itaque non possum satis mirari cum sæpius à Romanis pugnatum aduersus Francos sit, dubioque Marte, originem tam validæ & pugnacis gentis: quæ postea imperium orbis, saltem occideris, sibi parauit, prætermisisse: cum tamen magnum eo tempore fuerit nomen Francorum in Gallia, ut ex epistola ipsius Iustiniani ad Fracos patet: cuius meminit Procopius lib. I. de bello Gothorum, in hanc, ut ille asserit, sententiam, Nostræ ditionis Italiam per vim Gothi ceperunt, nec solum restituere nobis haudquaquam decernunt, sed iniuria insuper nos afficere, nec toleranda quidem, nec mediocri: quocirca exercitus aduersus mittere cogimur. Vos verò par fuerit, nobis hoc bello ut auxilio sitis, quod utrique utrique nostrum commune, rectior illa ac vera de Deo opinio facit, in Gothosque odium, ut Arianorum errores reiiciendis detestandos. Non tamen placet opinio eorum, quæ vult Fracos dictos esse à ferocitate, quod Valentiniano Imperatori stipendium recusarint: nomen enim illud multis ante Valentinianum temporibus fuisse, Regesque habuisse Francos, Marcellinus testis est. Quo autem tempore Regnum in Gallia constituerint, profligatis aut eiectis Imperatoribus Romanis, id longiore sermone & indagatione eget: institutumque nostrum excederet, si singula tractanda forent. Extant enim non pauci & cōtemnēdi authores, ex quorum labore ista petēda sunt. Itaque ad cætera pergo.

IN

IN CAP. VI.

Differit Sexto Capite Hotomanus, utrum Regnum Frācogalliæ hæreditate, an suffragiis deferretur, & de Regum creandorum more: quam quæstionem mouet ille, non ut historiam nobis aperiat, sed ut Francogalliam satis seditionibus agitatam funditus euerat. Cùm enim populi iudicio & suffragiis Regnum nostrum deferri vult, ut de Regibus Germanis ex Tacito, & quem adhuc morem retinere Germanos, Danos, Suenos, & Polonos, ait, qui Reges in Concilio eligūt, ita tamen ut filij Regum præferātur cæteris: *Quid*, inquam, aliud vult, cùm tantopere electionem istam probet, ut ex sua sententia nihil sapientius, aut reipublicæ salutarius excogitari dicat, quàm, formam illam, neque nobis, neque nostris tritaui cognitā, & quæ è memoria nostra, tanquam quæ de lapeto dicuntur, penitus exciderit, imò quæ nunquam fuit, inducere, nostrumque Regnum tam bene stabilitum & fundatum, ad illam terribilissimam, immanem, & sanguinolentam bestiam electionis reducere? Quod ille tamen sanctum & salutare vocat, & ex testamento Caroli Magni apud Naucler. generat. xxviii. cōfirmare nititur. Cùm tamen ex illo testamento nihil, quod ad hanc rem pertineat, elicere possit. Continet enim diuisionem totius Regni & Imperij eiusdem inter liberos, Ludouicum, Pipinum, &

Carolus, idque per modum institutionis : tantum abest ut iudicio populi, aut concilij id permiserit. Sciebat enim nihil esse inconstantius, nihil mutabilius & periculosius, quam ab imperitæ multitudinis iudicio pèdere, quæ (ut inquit Liuius Decad. 3. lib. 4.) seruit humiliter, aut superbè dominatur. Docet enim Imperium Romanæ vrbis (quam æternam Marcel. vocat) quid inter successionem & electionem intersit, tot tyrannos, tot monstra passim, in tot partes diuisum, ut tandem nullû sit relictum vestigium, præter umbram quâdam Imperij in Germania, quod tamen seditionibus & furiis agitata exitit quandiu populi iudicio subnixum fuit, ut tandem mortuo Federico secundo, qui obiit anno salutis 1250. ius eligendi Imperatoris ad septem Principes Germanos delatum fuerit, tres Ecclesiasticos, quatuor Laicos, ut vocant. Quare ergo vocas sanctum & salutare bellorû seminarium, & quod consensu omnium explosum fuit. De electione autem Pharamundi ex Aimoino, non est cur tantoperè Hotomanus sibi placeat, neque locus ille Aimoini plurimum facit, qui magis intelligi & referri debet ad formâ inaugurationis quàm electionis, vel ut verius dicatur, in Regem Francorum illum electum fuisse, fortassis propter sublatam veterû Regum stirpem. Multos enim Reges Francorum præcessisse Pharamundum ex ipso Marcel. lib. 3. patet. Meminit enim ille Mellobaudis cuiusdam Francorum Regis, quem domesticorum comitem vocat. Tandem constat, mortuo Pharamundo

mundo, Clodium Crinitum eius filium illi successisse, cui successit, ex eiusdem Aimoini sententia cap. 6. Meroueus eius affinis, non electione, licet constet absque prole mascula Crinitum decessisse, sed successione: Ait enim ille, Regni Francorum gubernacula Meroueam accepisse: cui Childericus successit: Childerico ex eiusdem Aimoini cap. 12. Clodoueus filius hæreditario iure, non electione. Quid plura? mortuo Clodoueo primo Francorum Rege Christiano, quatuor illius filij Theodoricus, Clodomirus, Childebertus, & Clotarius, regnum inter se æqua lance diuidunt, ut verbis Aimoini utar, qui te iam, Hotomane, quater mendacij arguit: in qua diuisione, quæ aliter facta non iudicabitur, quàm hæreditario iure, nullum consensum concilij accessisse satis constat. Atqui si ista non sufficiunt, series ipsa regum post istos te etiam mendacem probat. Childeberto mortuo sine liberis, solus ex Clodoueo regnauit Clotarius, cæteris fratribus mortuis, qui etiam ut idem author est, cap. ultimo lib. 2. reliquit filios regni hæredes: quorum hæc sunt nomina, primus Cherebertus, sequens Gunthranus, tertius Chilpericus, quartus Sigebertus, & sic de cæteris Merouingis usque ad Carlouingos. Ita enim Hotomanus progeniẽ Merouei & Caroli Magni appellat. Sed ait ex eodem Aimoino lib. 4. cap. 51. mortuo Dagoberto Franci, Daniele quendam clericum cæsarie capitis crescente, in regnum stabiliunt, atque Chilpericum nuncupant. At, proh dolor, quantũ sudoris impendit in mendacio struendo! Debebat Iuriscõsultus ani-

mauertere, iura ad eas res aut negotia aptari, quæ frequenter accidunt, non quæ perraro. Sic ille meminisse illius non debebat: à Pharamundo enim, quem ille primum Francorum regem nominat, ad Danielem Chilpericum, trecenti anni elapsi sunt, & sic iure hæreditario, & non electione, per trecentos annos regnum Francorum delatum extitit. Pharamundus enim regnum adeptus est anno Christi 420. ex Tilio & aliis: ex ipso Aimoino Daniel Chilpericus anno 722. eo scilicet tempore, quo successio illa (quam tu Merouingorum vocas) defecit. Atqui non animaduertis, non successionem istis exemplis damnatâ, sed successores. Nescis bonos principes, malos habuisse successores & hæredes, hæreditatem tamen bonam, iustam & legitimam dici. hîc virus ostendit Hotomanus, hîc qua mente, quòve animo scripserit, docet, nempe vnico exemplo regni successionem auferendam: imò quoties Hotomano & aliis seditiosis libuerit, regem creandum. Sic Tyrâni in Romano Imperio prætexentes Imperatorum quorundam ignauiam, Imperium Romanum arripuerunt. Occisis enim duobus Gallienis A. A. xxx. tyrâni Imperium Romanum lacerarunt, totumque vastarunt. Probo imperante, quem verè probum testatur Vopiscus in eius vita, quatuor tyrannos Imperium Romanum sustinuit, Firmum scilicet, Saturninum, Proculum & Bonosum, quos tamen electio & fauor militaris prouexerat, & fortasse non sine causa, saltem probabili. Vide quid sibi vult caratissima tua electio, vide quo tendat: nempe vt suffragiis vilissimorum

morum seditiosorum & factiosorum hominum Frâncogallia Reges habeat, posthabita propagine regia, eaque cœlitus donata: imò, vt liceat Hotomano, quemadmodum Didio Iuliano Iureconsulto, regnum emptis suffragiis arripere: Eò enim tendunt illa exempla tua mendicata: eò tendit tota Hotomani oratio, eò spectat libellus. Sic Catilina statum reipub. Romanæ bene constitutum non ferens, bellum patriæ indixit, ascitis secum (vt ait Salustius) quibus opes nullæ erāt, qui semper bonis inuidēt, malos extollunt, vetera odere, noua exoptant, odio suarū rerum mutari omnia student: turba atque seditionibus sine cura aluntur, quoniam egestas habetur sine damno. Item, Qui vbiq; probro, atque petulētia maximè præstabant: alij per dedecora patrimonij amissis: postremò omnes, quos flagitiū & facinus domo expulerat. Præterea multi memores Syllanæ Victorix quod ex gregariis militibus alios Senatores videbant, alios ita diuites vt regio victu atque cultu ætatem agerent, sibi quisque, si victoria in armis foret, talia sperabat: Ascitis præterea tibi & tuis similibus, quorū parentes proscripti, bona erepta, ius libertatis imminutum erat: qui, vt inquit ille, haud sanè alio animo euentum belli expectabant: & quicunque aliarum atque Senatus partium erant, conturbari rempub. quàm nimis valere, ipsi malebant: &, vt vno verbo dicam, quibus ille artibus rempub. Romanam perdere cogitabat, Hotomanus cum suis nostrū Regnū à Deo constitutum, ope illius auctum & conseruatum, euertere conatur: idem illi animus, eadem

C ij

voluntas, idem præmium. Vide quàm bene Sallustius de vobis in personâ Catilinæ vaticinatus est: vide quàm benè tibi conueniunt, quæ de eo dicta sunt: restat & manet similis exitus: hoc enim seditiosorum præmium est, vt tandem pœnas impietatis suæ persoluant. Nam, vt inquit Marcellinus libro 14. post Platonem, hæc & huiusmodi quædam innumerabilia, vltrix facinorum, impiorum bonorûmque præmiatrix operatur Adrastia, quam Nemeseim & angelum iudicij, omnium malorum consideratricem, Plato lib. 4. de legibus vocat: plura, verâque, ad hanc rem dici possent, quæ prætermissa volui: non enim conuiciis cum istis ago, quos superiores hac parte scio. Sed veritate mendacia tollo. Proinde quod Hotomanus ex eodem Aimoino libro 4. cap. 67. ait, mortuo Rege Pipino, filios eius Carolum & Carolomanum, consensu omniû Francorum Reges creatos fuisse, non magis probat suam electionem, quàm locus Pharamundi. Sed quia Hotomanus per centones argumēta petit: ego rem repetam, quam tamen silentio perpetuo non regendam, sed obruendam existimarem, quia exemplis talibus non territi mali, sed magis docti videntur. Qua ratione Plato lib. 1. de legibus culpât Cretensem fabulam de Ganymede, quod aduersus Iouem ficta sit, vt cum ab eo (vt ille inquit) leges ipsorum originem habuisse credantur, eum Deum imitantes qui leges tradidit, hac etiam voluptate fruâtur. Et Terentianus ille Chærea exemplo fuci facti mulieri per Iouem, vim puellæ infert lubens. Benè igitur Lampridius protestatur

protestatur in vita Heliogabali, ad Constantinum nūquam se vitam illius in literas missurum, ne quis fuisse Romanum principem sciret, imò magis ne imitaretur. Scio ego Regnum Francorum multos eòsque probos, pios & Christianissimos habuisse principes: & ignauos quosdam, ut sunt res humanæ. Sic Romanum Imperium: sic denique regnum Iudæorum: sic monarchia Assyriorum & Persarum. Nullum enim fuit regnum, nullus principatus, nulla denique respub. quæ bonos semper tulerit Principes, aut magistratus: eadem enim terra, ut ibidem Lampridius, & venenum fert, & frumentum: alia salutaria, alia contraria: eadem serpentes, & ciconias. Hoc tamèn interesse inter bonos principes & malos, quod ij diu imperarunt, & exitu naturali ut plurimum functi sunt: alij amisso regno, vita deniq; miserè priuati. Ii memoriã sui præclaram & optabilem reliquerunt: alij interfecti, tracti, tyranni meritò appellati: & cum vita, dānata eorum fuit memoria. E quorū numero, scilicet ignauorū, in regno Francorum, & è Merouingis fuere vltimi Chilpericus, antea Daniel dictus, Theodoricus Cala, & Childebertus. Stupidus: qui nudū nomē Regis habētes, summa rerum penes Carolū illum Malleū Austrasij Pipini filiū erat. Cui facilè fuit, licet nomen Regiū dicatur repudiassè, in suos regnū traducere: quod quia per successionē facere non poterat, tanquā alienus à Meroueo, alia via aggreditur, nempe partim vi, partim cōsensu eorum quos beneficiis sibi cōciliarat & deuinxerat. Itaque tribus filiis relictis, Pipino, Grifone, &

Carolomano, duobus sublati, Pipinus, consulto prius Zacharia Romano Pontifice, Rex Francorum appellatus est, & in Regem inunctus & inauguratus Bonifacii Moguntini episcopi manu, ut idem Aimoinus testatur eodem lib. cap. 61. mox ab Stephano summo pontifice, tunc in Gallia profugo, filij eius Carolus, qui Magnus postea dictus est, & Carolomanus, reges vncti fuerunt, ut eodem cap. quod Hotomanus silentio regit, & solius consensus populi facta mentione, suam electionem ex illo Aimoini loco probare contendit, cum tamen locus ille, nihil ad illius mendacium & commentum faciat, ut cæcutienti patere potest. Quem etiam non iuuat testamentum Caroli Magni, quo constat Magnum, Ludouicum Pium scripsisse hæredem Regni Francogalliæ, Bernardo nepote creato rege Italiæ, ut ex Naucleri loco supra citato liquet. Quod etiam Aimoinus libro quarto, cap. 102. testatur his verbis: Cuius rei nuntium (loquitur de Caroli Magni obitu) cum Ludouicus filius eius in Aquitania apud Theoduadum villam, vbi ipse tunc hybernabat, plurimis deferentibus accepisset, tricesimo postquam id acciderat die Aqualgrani venit, summoque omnium Francorum consensu ac fauore patri successit. & quæ sequuntur. Quod autem consensus mentionem facit, ad electionem referri nullo modo potest. Sed intelligendum est omnium consensu, id est omnium votis, omnium expectatione & desiderio, quod clarum efficitur lib. 5. cap. 10. Appendicis ad Aimoinum

moinum his verbis: Venit ergo Imperator (loquens de Ludouico, quem à patre Diadema accepisse, cap. 9. dixerat) Aquisgrani in palatium, & à propinquis atque multis Francorum millibus cum multo fauore est receptus, Imperatorque secundò declaratus. Quid plura? sedato tumultu, qui inter Pium & filios exortus erat, cum maximo Francogalliæ incommodo, & horrendo tacendòque exemplo, à Pio regnum inter filios diuisum testatur idem Aimoinus libro 5. cap. 18. non electione populi: vt verum sit, non solum Merouingorum temporibus, sed & Carlouingorum filios in regno patribus successisse. Sed quia res humanæ instabiles & mutabiles sunt, & nihil est quod perpetuò stare possit, quemadmodum Merouingis perperam & per ludibrium administrantibus, vt superius docuimus, summa rerum illis adempta est, & ad progeniem Pipini translata: Sic vicissitudine quadam, & occulto Dei iudicio ex Carlouingis, non minus luxuriosè agentibus, & administrantibus, transiit ad Capetum, siue in vltionem prioris perfidiæ, siue quòd progenies Pij ita erga parentem sese impiè gesserit: vindicat enim Deus & vlciscitur filiorum delicta erga parentes, etiam si sera sit vindicta. Cùm enim, vt sacra docet scriptura, secundus à Deo honos parentibus debeatur: Et, vt Plato libro quarto de legibus inquit, putare quisque debet, omnia quæ possidet eorum esse qui genuerunt, & educarunt, ita vt illis omnia pro viribus ministrare debeat: Primùm quidem externa bona,

C iiij

deinde etiam corporis, postremò quæ ad animû
pertinent: hæc omnia videlicet mutuo data per-
soluens, & pro curis doloribûsque priscis paren-
tum, in senectâ recentes reddens, quando maxi-
mè indigêt: in verbis quinetiam per totam vitam
parentes venerari maximè deceat, adeò vt leuiû
ac volatilium verborum grauissima immineat
pœna: &, vt ille ait, omnibus proposita sit Neme-
sis iudicij angelus, huiusmodi omnium confide-
ratrix: adeò vt oporteat iratis animûmque ex-
plentibus cedere, seu verbis siue rebus id faciant,
non ignorantes patrem iure admodum filio val-
de succensere, si quando iniuriam sibi fieri arbi-
tretur. hæc ille. Itaque non mirum si parêtum
nequissimorû proles paternas luerit pœnas: quæ
tamen quia Dei iudicio summittenda sunt (qui
vt dicebat Chilo ille Lacedæmonius, vnus ex
Septem sapientibus, excelsa deprimit & humilia
extollit) lariùs proferre, nec pium nec æquum
existimo. Regna enim & potestates à Deo con-
stitutas docet sacra scriptura, & Reges in manu
illius esse: nec mirum si illi maximæ curæ sint,
quos Pythagoricus Ecphantes vocat vnicum
& excellens quoddam opus, quia sit Imago su-
perni illius Regis, creatori suo semper fami-
liaris. Quod verò de Childerico Clodouci pa-
tre à suis expulso citat Hotomanus ex Grego-
rio Turonensi, libro quarto cap. 51. non pro-
bat ille locus, electione in Francia Reges fieri:
Aliud est enim Regem ob facinora pellere,
Regno deturbare & deiicere, aliud Regem
eligere. Præterea non debebat vir ille veru
illu

illud exemplum proponere, ut pote Regis idolatræ, & non Christiani: sed non veretur belluina illa exempla nobis adducere, dum modò mēdacium suum illis iuare possit. Itaque aliud de Sigeberto ad Chilpericum è regno Franciæ deturbandum, euocatum à Francis quibusdam, magis tacendum quàm vulgandū profert exemplum. Nam certum est Sigebertum à quibusdam flagitiosis tui similibus euocatum: nec mirum, si spreto sancti Germani Episcopi consilio, tragicè Sigebertus obierit, pœnâsque infidelitatis luerit, ut ex eo Turonensi loco vidit Hotomanus, nec tamen erubuit proferre. Vide quomodo per scelera sit iter ad scelus: vide quomodo te perdis factiose: vide quam Rempub. probas, imò funestam tyrannidem. Quod ait Hotomanus Sigebertum consentiētem Francis Regem constitutum, ac Regnum Chilperici fratris sui adeptum, repugnat iis quæ à Turonensi, loco suprâ citato dicta sunt. Sic enim habet, Spreto per Sigebertū sancti Germani consilio, eoque; veniente ad villam (cui nomen est Victoriacum) collectus est ad eum omnis exercitus, à quo impositus clypeo Rex est salutatus: tunc duo pueri cum cultris validis utraque ei latera feriunt: at ille vociferans, atque corruens, non potest multò emisit spiritum, & cum eo Charegisilus cubicularius eius. Habes præmium perfidiæ & proditionis: habes, quid alieno Regno inhianti acciderit: & hoc tu fortassis probas, & ais lege Francica licere. Viderit Lector, quid de cæteris iudicet. Iam satisfactum istis arbitror pio lectori,

non seditioso, nempe Regnum nostrum non electione, sed successione delatum semper fuisse, & proximis agnatis. Quòd si aliter aliquando acciderit, id factum magis ob ignauiam Regum, quàm alia ratione: nec trahendum ad exemplum, vt nostri aiunt, de iis quæ rarò accidunt. Nec mouet quod passim legitur apud Turonensem, Adonem, Aimoinum, & alios, Fracos in Regem constituisse, sublimasse, eleuasse, clypeo erexisse, & cætera huiusmodi, quæ magis pertinet (vt supra dictum fuit) ad inaugurationem, quàm ad electionem. Solebant enim Regni Proceres, in Regni auspiciis, frequentes conuenire, Regem nouum salutare, sacramentum præstare, & in verba noui principis iurare, qui mos adhuc obtinet: vt satis ex dictis authoribus elici potest, quod nihil tamen pertinere ad electionem certum est. Quibus addam externorù testimonium: sic enim Georgius Cedrenus græcus historiographus, in compendio suæ historiæ (scripsit ille ab exordio mundi vsque ad Isaacium Comnenù Imperatorem Constantinopolitanum 1057) memoriæ proditum est, Regem Franciæ, consuetudine sic obtinente, Regnum per stirpem à maioribus suis ad se delatum gerere.

IN CAP. VII.

Eodem



Odem artificio Hotomanus quærit, cap. 7. pluribus extantibus Regis demortui liberis, quid iuris in hæreditate obseruaretur: nēpe dū talia in dubium vocat, nihil aliud vult, quàm toties nostræ Reipub. incommodis expertas seditiones, & sopitas, adhuc rediuiuas facere & renouare: vt si qui audaciores sint, aut Hotomanicæ factionis, & nouādarum rerum cupidi, non desint exempla partiti Regni contra ius fāsque. Sed quia errores non aliter tueri possumus, nisi exemplis, & qui exemplo peccat, non tam peccasse quàm aliorum peccata imitatum esse, sæpè iudicamus: Ista oratione Hotomanus longè ab arte boni & æqui quam profitetur, nostrum Regnum, quod prius suffragiis & electione populi deferri dixerat, diuisum vult: & quærit, pluribus extantibus liberis, quid iuris in hæreditate Regni obseruaretur. At non te pudet, homo leuissime, nunc hæreditarium facere, quod prius arbitrio alieno, & liberalitate Polonica, Dacica, Suetica, & Germanica pendere dicebas. Vide quàm parum tibi constes. Hæreditas est ea quæ in nostro iure dicitur successio in vniuersum ius, quod defunctus habuit. Itaque cū hæreditatis mētionem facis, te propriis pennis configis, & fateri cogeris, non electione, sed successione Regnum hoc nostrum delatum semper fuisse. Ad tuam tamen quæstionem, imò potius schisma, ecce, Classice, quid sentiam. Nemo est qui nesciat Regnū Francorum, primis temporibus inter liberos masculos fuisse

diuifum . Locus enim ille filiorum Clodouei primi hoc abundè docet . Sed quanta ex huiusmodi diuifione nata & orta diffidia fint, cùm alter alterius imperio grassaretur , & portioni hæreditariæ inhiaret, debebas docere , vt faltem illorum exemplo alij difcerent. fed vide fructum. Bellū inter filios Clodouei ex diuifione ortum, Aimoinus lib. ij. testatur , & apud eundem, cap. xj. Theodoricus fratri Clotario parat infidias ob Regnū , Childebertus & Clotarius, nepotes ex fratre Clodomiro, infontes de medio tollunt, mox pugnant inuicem . Chrannus aduerfus Clotarium parentem bellum parat . Præterea filij Clotarij propter Regni paterni fucceffionem, mouent inter fe controuerfiam, ex eodem lib. 3. cap. primo. & fic de cæteris, quos recensere longum & miferum efferet : Nec enim ifta literis commiffiffem, tanquam obruenda perpetuo fentio, ni coëgiffet Hotomanus, qui plurimū huiusmodi malis exemplis delectatur . Ad rem redeo. Hæc quæftionem non effer otiofam Hotomanus multis ait : Nam, inquit ille, cùm penes populi comitia , & publicum gentis concilium, non modò deferendi, verumetiam adimendi Regni fuma potestas efferet : Illud neceffariò confequitur, in eiuſdem arbitrio fuiſſe, vtrum omnibus æqualiter, an vni tårum, Regni fucceffionem deferret. Sed cùm vtranque propofitionem falſam docuerim, & confequens falſum effer neceffe effer. Itaque otioſa erit, imò planè anilis ſecūda quæſtio, Si populus filio repudiato alium eligeret, ecquid tamen ad dignitatem fuam tuendam

dam relinqueretur. Quasi id acciderit vnquam superstitere eo cui ademptum Regnum extitit. Vis vt ego externorum exempla proferam? nam ad Reges nostros id non pertinet, nec vnquam pertinuit, vt testatur Procopius. Nerone occiso, Galba, Otto, & Vitellius Imperium arripuerunt, mox pugnando inuicem conciderunt: vt ipsi Vitellio salutis non fuerit, velle deponere Imperium, qui, vt ait Suetonius, soluto à latere pugione, Consuli primùm, deinde illo recusante, Magistratibus, ac mox Senatoribus singulis porrigens, quod signum erat depositi imperij. Sic Caracalla Bassianus Getam sustulit: & multi alij, quos recensere longum esset, vt præteream Germanicum dolis Tiberij occisum, Diocletianum & Maximianum: hunc hausto veneno, alterum immisso percussore à filio. Non insulsè igitur Periander Corinthiorum tyrānus respondit roganti, cur in tyrannide persisteret: Quia, inquit, sponte & inuitum cedere æquè periculosum est. Plura dicerem, nec deficeret oratio: sed tam horrida, tragica, & tetra electionis tuæ exempla, tibi (qui libens amplecteris) relinquo. Vide tamen quàm paruo momento tua labascunt fundamenta. At vtinam hæsissemus iis, quæ isto capite à te dicta sunt, de quadrifaria rerum, quæ in ditione principis sunt, diuisione, ex Romana prudentia. Certè lectio illa, in qua te multum versatum & excellere nemo est qui nesciat, digna esset tanto artifice. Sed cum bella tonas, non facis ex tuæ disciplinæ præscripto & instituto. Quod autem subdis, Ergo Rege de-

mortuo (si ad extraneum) non probo quandiu proles extat mascula, siue directo, siue ex transuerso. Si verò sint filia tantum, hoc locum habere quod ait Hotomanus, nempe aliquid filiabus largiendum, tuendæ dignitatis Regiæ causâ: non tamè patrimonij, quod domanium ex Chopino vocamus, vel ex Iust. rem dominicam. Cuius illæ moribus nostris incapaces sunt, semperq; fuere, vt satis liquet ex illo Caroli Magni testamento apud Nauclerum: de filiabus enim sic statuit, Quæ autem iustè & rationabiliter à condigno viro ad coniugium quæsita fuerit, eisque coniugalis vita placuerit, non denegetur à fratribus suis, si & viri postulantis, & fœminæ consentientis honesta & rationabilis fuerit voluntas. Ex quo apparet nihil de dote filiarum cauissè, imò totum hoc fratrum arbitrio reliquissè, cum prius inter filios Regnum diuissè. Locum verò Aimoini lib. 4. cap. 17. de Dagoberto & Ariberto, quem alij Heribertum vocant, deprauatum ab Hotomano esse, legenti patere poterit. Non enim (vt ille vult) vrbes & pagos prope Ligerim Ariberto fruédos dedissè Dagobertum, neque pepigissè cum eo, vt priuato contentus habitu, nihil amplius de paterno regno speraret. Imò verò (vt inquit ille) amicorum consilio, fratrem ex parte Regni consortem fecit, collata ei prouincia, quæ à ripa Ligeris Vasconiam versus, extenditur, vsque ad Pyrenæi iuga montis, qui Galliam ab Hispania determinat, & ea portione contentum, nihil amplius de paterno speraret Regno. Addit postea adeptum portionem cum digni-

dignitate Regia, his verbis: Qui vbi partem adeptus est, sedem Regni Tholosam eligens. & quæ sequuntur. Quem eodem lib. cap. xxiii. Regem Aquitaniz vocat: tantum abest vt tuenda solùm dignitatis causa, portionem Dagobertus Ariberto largitus sit, vt vult Hotomanus. Nec magis verum est quod ille eodem cap. dicit, successionem regni non hæreditariam esse, quod falsissimum suprà monstrauius. Et ille locus Dagoberti cum Ariberto ita conuincit, & sua postrema narratio id probat: quod etiam ex Agathio (quem nominasse satis illi visum fuit) abundè testatum extitit. Vixit ille temporibus Iustiniani, nostrósque Francos, & eorum instituta cùm maximè laudaret, vt Græcis ipsis anteponat lib. primo circa principium, sic ait, Franci igitur cùm optimum degant id vitæ genus, seipsos imprimis, & proximos quosque peruincunt: & ex parentibus filij Regna suscipiunt. Constat sanè Childebertum, Clotarium, Clodomirum, ac Theodoricum, germanos fratres fuisse: hi patre defuncto in quatuor partes diuisum Imperium, quantum cognitione capere potui, æquam singuli partem ciuitatum & gentium accepere. Idem Aimoinus vt suprà. Ex quo saltem loco poterat Hotomanus videre, regnū hoc ex parentibus filios accipere, non electione, sed hæreditario iure. Sed quia locus ille Agathij multum detrahit de Hotomani concepta opinione, noluit libro suo inferere, ea scilicet ratione, quòd ille, vt dixi, instituta nostra plurimum prober, ac laudet. Non est ergò cur Hotomanus

errores suos ignoratione tegat, cùm ait certum hac de re ius Frâcogalliæ nullum reperisse. Cùm tamen veterem cōsuetudinem pro lege esse, ipse ex disciplina, quam proficitur, satis sciat: & in diuisione non Regni, sed illustris cuiusdam domus tantum, maximè si ducatus aut comitatus honore dignetur, morem veterē, destinationem & legem familiarem domus, sēpissimè ius facere, vt ille nouit, & tamen malo animo ignorare fieretur: & ad populū, cuius iudicium tam magnificat, vel, vt ipsius verbis vtar, ad arbitrium publici cōcilij semper relatū falsò adseueret. Quod ille subiungit de Rege Philippo tertio, id ad ius appannagij, vel, vt vult doctissimus Burdinus Reginus generalis cognitor, ad portionem quæ ex Diademate vel Canone Regio delibatur, & fratribus masculis, & eorum masculis tantum addicitur, ex veteribus nostris institutis pertinet. De quo alibi, parcè tamen, nam extat liber hac de re Chopini Andij Iureconsulti, & patroni causarū in Curia Parlamenti disertissimi, nuper in lucem editus.

IN CAP. VIII.



E lege Salica, & iure mulierum in Regum parentum hæreditatibus, hoc octauo cap. Hotomanus tractat: & certè hic locus planè difficilis est, quippe versatur in maxima caligine: nam hætenus satis incertum est, quo tempore lata fuerit huiusmodi lex, cuius tamen

tamen fragmenta extant: tandem constat, idque in dubiū non vocatur, Legem fuisse siue scriptā, siue non scriptam, quam tamen vsus frequentissimus, receptissimus, & omnium antiquissimus approbavit: non enim leges ob hoc sunt, quod scriptæ, sed quia receptæ. Sic Romæ Regibus extantibus, quemadmodum Lacedæmoniis nulum erat ius scriptū, donec eiectis regibus, repub. constituta, leges à duobus populis mendicatæ, in tabulas redactæ fuerunt, vt testatur Liuius, & Tacitus libro Annalium tertio: non tamen minus dicemus, Romanos sine lege, quod scriptas non haberent. Sed quod Francis leges fuerint, audi Agathium eodem libro primo. De Francis nostris sic ille: Nam primo illo reiecto, & prisco viuendi modo, imperantium vtitur institutis, tametsi tempore videatur non admodum dignitate defectior: nimirum cū Germani haudquaquam sint, vt plurimi Barbarorum, pastores: sed Romanorum politia & aliis institutis & multis vtuntur: iisdemque legibus viuunt, & cæteris. Iidem, vt in conuentibus faciendis, & nuptiis medelisque eadem statuūt: sunt quippe omnes hi Christiani, & rectissimæ inter cæteros omnes opinionis: habent præterea per ciuitates antistites, sacerdotésque: festos insuper haud secus ac ipsi nos peragunt dies: & sanè hi mihi, & si cætera Barbari, moribus tamen videntur quàm optimis præditi, & maximum in modum ciuiles, nec habere quod à nobis faciat alienos, præter vestitus barbariem, & vocis innatæ sonum, linguæque. Quos equidem cū

D

ob eorum virtutes, tum ob in cæteros æquitatem, inter seque concordiam, mirum in modum admiratione ac laudibus prosequor, & magnifico. Nam & si antehac sæpè, & nostris his quidem temporibus, in principes res, pluræque eorum sit partitum Imperium, nunquam tamen in inuicem bella suscepisse hos constat, nec ciuili patriam sanguine inquinasse. Quum alioquin ubi magna esse videntur, & non impares aut dubij potentatus, ibidem & necessarium sit omnino, & multis de causis inflatos animos fieri, honorumque exoriri & primatus cupiditates, & infinitos alios animorum affectus, vt perturbationis ita & seditionum plenissimos: apud hos tamen, & si diuisa Imperia sint, nihil prorsus offertur huiusmodi. & quæ sequuntur. Ex quo loco satis infertur, Francos non exleges fuisse, imò optimis legibus & institutis semper vsos, in Regni & Imperij successionem: quod, vt mox dicit, filij ex parentibus suscipiunt, vt clarius sit ex altero eiusdem authoris lib. primo loco. Ait ille, Theodoberto mortuo (is erat filius Theodorici filij Clodouei) Theodobaldus filius Regnum suscepit, quem, & si iuuenis admodum esset, & sub pædagogo adhuc nutriretur, lex tamen patria ad paternum Regnum vocabat. Habes, Hotomane, quod te tantopere torset, nempe legem patriam filios vocare ad Regnum. Lex ergo apud Francos de Regno semper fuit, quam Saliorum fuisse, id est Fræcorum, ita enim eos Marcellinus vocat, nō erit absurdum dicere, indeque crymon traxisse, dictamque Salicam.

Tor-

Torquebit te etiam locus hic, ex quo non electione sed lege patria, & hereditario iure, Regnū deferri dicit: quod cū tibi ignotum non extitisset (citasti enim Agathium) de industria omisisti: & ut coniectari possum, expunxisses & detraxisses de authoris libro, ut tuum de electione Regum nostrorū commētum veritatis umbram prætenderet. Non male igitur Gaguinus, & cæteri nostri scriptores, & inter eos Chopinus, & Guillelmus Postellus post Sesseliū, hanc legem Pharamūdo tribuunt, quibus assentiri videtur locus ille Agathij, qui hanc quæstionē claram reddit. Tandem nemini dubium esse potest, nisi his qui omnia vocare in dubium solent, quæ sibi non probātur, legem fuisse: & illius extant plurima manuscripta exemplaria. Ex quibus falsum esse ostenditur, imò falsissimum & notæ imposturæ, quod Hotomano placet, legis illius capita, non de publico Regni iure, sed de priuato fuisse, ut legis illius verba clarè sonant, nec egent cauillatoris, aut Sophistæ cuiusdam interpretatione, quæ sic habet: De terra Salica nulla portio hæreditatis mulieri veniat, sed ad virilem sexum tota terræ hæreditas perueniat. quod de sacro principis patrimonio & regno dictum esse quis dubitabit? cū exclusis fœminis, solos virilis sexus vocet: neque nisi assertor mendacij, aut tui similis, ausit negare, exclusa filia portione terræ Salicæ, regno iustè posse inhiare: furentis enim vesaniæ esset, & omnino desipientis, cui portio quantulacunque negatur, totum petere velle: & tamen aliter sentit Hotomanus, & audet ille

D ij

legum nostrarum horredus corruptor & deprauator contra morem maiorum nullo exemplo, nullo authore, fœminas ad regni successionem vocare: quum inter omnes authores conueniat, nullam fuisse gentem quæ minus passa sit mulieres regnare, quàm Francogallos quos vocas: dico vocare: quid enim aliud vult ille pseudo-francogallus cum ait, nullum nec Salicæ, nec Francicæ extare statutum, quo mulieres à regni hæreditate arceantur? Idque tantum more gèris tanto seculorū consensu cōfirmato, quod legis scriptæ vim obtinet, quasi velit dicere, legem non esse: cum tamen Vlp. lib. primo de off. proconsul. & Hermogenianus lib. primo Iuris epitomarū doceant, quæ longa cōsuetudine comprobata sunt, non minus quàm ea quæ scripta sunt iura, seruanda: & Paul. lib. 7. ad Sabinum tantum huic iuri tribuit, & in tantum probatum esse asserit, vt non necesse fuerit scripto id comprehendere: notum enim est scripturam magis legem continere, quàm facere, quemadmodum de nostris statutis municipalibus dicere possumus. Nullum enim in tota Gallia antiquitus ius municipale scriptum fuisse nemo nescit, & quod in scriptis redactum extitit, non est antiquius centum annis: cum tamen omnibus notum sit, Galliam aut Francogalliā suis legibus municipalibus & cōsuetudinibus perpetuè vsam, vt Agathius loco suprā citato, & Cæsar Commentariorum libro 6. testantur. Illius enim consuetudinis aut legis quæ de re vxoria & societate inter virum & vxorem est, penè in tota Francogallia, meminit Cæsar his verbis,

verbis, Viri quantas pecunias ab vxoribus dotis nomine acceperunt, tantas ex suis bonis, æstimatione facta, cum dotibus communicant: huius omnis pecuniæ coniunctim ratio habetur, fructusque seruantur: vter eorum vita superarit, ad eum pars vtriusque cum fructibus superiorum temporum peruenit. Cæterum, communi lege Francogallorum, fœminas à regni hæreditate arceri, tum vsus omnium antiquissimus, & hætenus obseruatissimus, tum caput legis Salicæ id manifestum faciunt. Qui autem legem hanc Philippo Longo tribuunt, hi planè cæcuriunt: Nam sexcentis amplius ante eum annis, nempe à Pharamundo vsque ad tempora Longi, legem illam siue scriptam siue non, semper viguisse manifestum fit ex supradictis. Nec solum apud Francos lex illa viguit, sed eodem fermè tempore in Africa apud Vandalos: Narrat enim Procopius lib. 3. de bello Vandalico, Gericum Regem testamento cauisse, vt soli qui proximi essent virilis sexus, atque inter eos soli maiores natu, sibi & posteris Vandalicis Regibus succederent. Addi multa possent: sed quia locus ille eget altiore indagatione & obseruatione, & sunt qui nihil intactum hac parte reliquerint, prætermisssa volui: Interim sufficiat docuisse, legem Salicam non esse commentum, vt vult Hottomanus, & antè eum Gallicus quidem scriptor huius tēporis, plus superciliorum gerens, quàm doctrinæ. Sed ius antiquissimum fuisse Franco-gallorum, quo soli masculi vocantur ad regni successionem, idque gradatim, & secundum

ordinem diuinæ naturæ, secundum quam omnia quæ rectè facta dicuntur, ordine & successionē facta sunt, vt euentus probat, qui omnia solet probare. Nullum enim est in toto orbe, fuit, aut erit, diuturnius Regnum, & Imperium, quàm Francorum: istis scilicet duobus fundamentis: primo, quòd filij Regnum à patre accipiunt, non electione, sed successionē: secundo, quòd mulieres à Regno arcētur: Regna enim longiora & firmitiora successionē, quàm electionē semper fuisse, Imperium illud, vt dixi, Romanum, discerptum & è medio sublatum exemplo nobis esse potest. Itaque bene vocat Plaro Regnum optimæ gubernationis statū, illudq; bifariam scindens, aliud ait esse secundum legem, vt Carthaginiensium: aliud secundū genus, vt Lacedæmoniorum, Macedonum, & similium. Per genus autem Lacedæmoniorum Reges dominantur, vt inquit ille: nam ex genere Regnum sortitur. Eodem modo & apud Macedones, Reges imperant: quippe & illic Regnum ex genere institutum est, quam formam ille magis probare videtur. Qui autem legem illam Salicam feudis tantum tribuit, Ducatibus scilicet, Comitatus & huiusmodi, hi maiore errore ducuntur. Ducatus enim, Comitatus & huius generis, officia tantum & dignitates virorum temporales olim erāt & non hæreditariæ, in quibus non magis filiis quàm filiabus portio debebatur, nisi Regis beneficium filij meruissent, vt notum est: vnde ad Regni successionem latam, ex supradictis dicendum est.

IN

IN CAP. IX.

NONVM Caput quod de iure Regalis capillitij est, non eget maiore obseruatione. Ipse enim Hotomanus, & ante eum Beatus Rhenanus, à quo orationem fere totam sumpsit: & ante Rhenanum Agathius, Turonensis, Aimoinus, id docent. Miror tandem tam fœdè lapsum Hotomanum, ut existimet Clotildem Reginam, ex Turonensi lib. 3. cap. 18. maluisse caput, potius quàm comam nepotibus ex filio Clodomiro abscindi: nō enim illam ob comæ amputationem, tam asperam, cruentamque mortem filiis opasse credendum est: quod coma paucis emensis diebus renasci, crescere & reuiuiscere poterat, ut de Gundobaldo, qui se Clotharij Regis filium assererat, cui licet à Clothario Clotharij primi filio coma fuisset amputata, mox à Sigiberto Clotharij fratre non destitit Regno inhiare, Ennij cognomento Mummoli ducis opera, & factione, crescere cæsarie, ut idem refert lib. 6. cap. 24. Sed videbat Regina, ista amputatione comæ nepotes Regno paterno deiectos, & in monasterium trusos, vel clericos factos, quod aperte indicant verba Reginæ apud eundem: Satius enim mihi est (inquit illa) si ad Regnum non eriguntur paternum, mortuos eos videre, quàm tonsos, id est fieri clericos, aut monachos. Sic enim vocat Turonensis capillos incidere eodem libro 3. cap. 18. vbi ait Clodo-

D iiii

ualdum, postposito Regno terreno ad Dominū transiisse, & sibi manu propria, capillos incidisse, clericūque factū, bonisq̃ue operibus insistentem, presbyterum ab hoc mundo migrasse: & lib. 2. cap. 41. ait, Clodoucum primum Chararicum Regem circumuentum dolis cepisse cum filio, victōsque torōdisse, & Chararicum presbyterū, filium verò eius diaconū ordinari iussisse, filiūque patri ægrè admodum ferētī & flenti respondisse, In viridi ligno hæ frondes succisæ sunt, nec omnino arescūt, sed velociter emergēt, vt crescere queant. hæc ille. Itaque non est credendū Clothildem, solius comæ amputatione adeò territā extitisse, tamque efferam, vt potius caput, quàm capillitium nepotibus abscindi oprasset, quam idem Turonensis lib. 4. cap. 1. bonis operibus præditā dicit: Nolo tamen negare Reges primos Frācorum, & qui Regij erant stemmatis, comam aluisse, ex eodē Turo. lib. 6. ca. 24. Sic enim ille de Gundobaldo, Cū natus esset in Galliis, & diligētī cura nutritus, vt Regum istorū mos est, criniū flagollis per terga demissis. & quæ sequūtur. Quod etiam probatur ex illo Agathij loco libri primi ab Hotomano citato: quē quia Hotomanus mutilū omisit, subiicere nō erit otiosum, tum in gratiā eorum qui authore carēt, tum ad docēdum verū dixisse Agathiū, neque Clodomirū pro Clodouco, vt ille ait accepisse, sed de Clodomiro Clodouci primi filio, qui bello aduersus Burgundiones quod susceperat hortatu matris Clothildis occidit. sic habet. Clodamirus verò, nostri Clodomirū vocāt, haud longè post aduersus Burgun-

Burgundiones, qui & Gothicæ sunt nationis, ductavit exercitum, qui cùm suapte natura, & insolitè esset ad res bellicas promptior, pectus telo transuerberatus occiditur: eo cadente mox Burgundiones coma animaduersa profusiore, quæ illi ad tergum protendebatur, sensere se hostium Ducem occidisse: Neque enim fas erat Fræcorum Imperatoribus, comam tondere, sed à pueris intonsi manent: atque adeò vt à tergo eis defluant crines, nam à fronte discriminati vtrinque feruntur: nec sanè Turcarum more, Barbarorúmque, impexi & squallidi, sordidiorésque capilli his sunt, vel aliàs calamistrati & indecenter perplexi: sed varia his superinfundunt vnguenta, & diligenter plectendo expoliunt: idque perinde præcipuū, & regium decus constitutum est, solis vt Regibus permittatur: nam subditi circuntonsi sunt omnes, nec prolixior eis coma conceditur. Loqui autem Agathium de Clodomiro & non de Clodoueo, vt perperá & nullo authore vult Hotomanus, manifestum fit ex eodem, paulò antè. Constat, inquit ille, Childebertum, Clotharium, Clodomirum, ac Theodoricum germanos fratres fuisse, quos fuisse filios Clodouei primi Aimoinus primo cap. lib. 2. testatur. Sic enim ille, Quatuor filij Clodouei, Theodoricus, Clodomirus, Childebertus, atque Clotharius, Regnum inter se (æqua lance) diuidunt. Certum etenim est, nec vnquam in dubium ab aliquo hætenus vocarum, nisi ab ipso oscitante Hotomano, tum ex ipso Turonensi, tum ex Aimoino, Clodoueam primum non in

bello, sed in lecto diem obiisse, bello aduersus Alaricum Gothorum Regem confecto. Præterea tantum abest vt male pugnarit aduersus Burgundiones, & in eo prælio occiderit, vt vult Hotomanus: imò verò vt idem Aimoinus cap. 19. lib. primi asserit, gessit bellum Clodoueus contra Gundobaldum Regem Burgundionum, exercitumque eius ad internecionem deleuit. De Gallia verò comata, & que ad hanc rem ab Hotomano dicta sunt, ex Beato Rhenano (ex quo ille maiorem partem libelli sui, vt dixi, excepit) & Cedreno, lubēs prætereo, ne actum agam.

IN CAP. X.



CAPITE Decimo Hotomanus quærit qualis Regni Francogallici constituendi forma fuerit, & tãquam sui immemor, hanc quæstionem iterum mouet, quasi illa non ex priore oratione pendeat. Videamus ergò quorsum, qua mête, quòve animo iterum insurgit. Et sanè hîc monuisse lectorem non erit otiosum & inutile, vt ille secum expendat, cogitètque quantum sudoris Hotomanus impenderit, in fallacia sua struenda: cùm enim veritas nullo indigeat fuco, nullòque artificio, contrà verò mendacium sine iis latere diu non possit: Hotomanus, cui falsò persuasum est populũ (vt ille ait) non modò creandi, sed etiam abdicãdi Regis potestaté sibi omnem reseruasse, isto solo fundamento falsissimo, & satis iam exploso

ploso, non cessat classicum canere, ut nouandarum rerum cupidus (quorum, proh dolor, non exigua & contemnenda est talibus præceptis copia) non desint exempla maiorum. Sic Insuber Fanianus (ut refert Iouius) audito didascolo, & declamatore quodam de fortitudine in occidendo tyranno disserente, hoc impulsore aggressum in ecclesia Insubriæ ducem, sic conatus est occidere: occidissetque, ni ducis satellites, adprehenso Faniano, coercuissent tantum facinus, eique obstitissent. Vide quæ sint, non in turbanda, sed euertenda tam bene constituta nostra Monarchia, tua artificia, quo tendant dogmata tua, quis orationis & lectionis tuæ fructus: quid enim aliud vis, cum Reges nostros iudicio populi ita subiicis, & permittis, ut non solum facere, sed & deponere pro arbitrio, populo liceat? Profer authorem, profer huius rei legem scriptam, ut tu de lege Salica dicis, profer exemplum: imò verò profer nobis Regnum, siue antiquum siue recens, ita constitutum, ut solo nutu populi, qui modò Rex erat, modò sit Aulædus, Citharædus, aut Ludi magister, ut tu. At Poloni, inquis, ita solent Reges creare: utinam tu cum tuis vel ad Scythicas pruinas ab hinc viginti annis amandatus fuisses, ut dignus es. Dic, recita, profer nobis Regnum (intelligo bene constitutum) tam malis hærens fundamentis? fortassis propones nobis Persarum, quibus Arsacidæ tantis interuallis imperarunt. Iudeorumne? an Ægyptiorum, quibus Ptolomei, & ipsa Cleopatra, ad Augustum usque? Macedonum, Lacedæmoniorumue? quos

ab Ephoris pendere falsò dicis, quibus nullam vnquam fuisse potestatem Regum creandorum, modicè versatus in hystoriis te irridebit: & ipse Plato ait, Regnum Lacedemoniorum esse secundum genus. Quid de Libyco post Massinissam, de ipso Romano, post Romulum? Vis ipsos Æmilios, Numitores, Hetruscos: imò vis me excitare Priamos, Prometheos, Iapetos, Titanas, aut Tyndaridas, Britannos, & quicquid Regum fuit & est in toto penè orbe? certè istorum exemplis, tuam non poteris tueri impudentiam: neque enim Reges ij populorum suorum suffragiis creati sunt, imò verum est, vt de nostris refert Agathius, filios Regnum à parentibus accipere. Quid vetera & iam planè oblitterata recenseo? habes vnum Polonicum Regnum, quod electione & successionem paratur: & tamen certum est, Reges Poloniæ semper filios habuisse successores, si eis proles mascula superuixerit, vt testatur Cromerus, qui nobis Regis sui Pyasti propaginem ad ducentos, aut amplius, annos extendit: & ex ista stirpe Reges recto tramite traxisse originem, iurâque dixisse Polonis asserit. Bohemicum verò, nonne successionem defertur? Quòd de Pannonico, ante eius à Turca euerfionem, idem iuris esse qui norunt Coruinorû & aliorum Regum stemmata non negabunt. De Hispanicis, vbi septem scepra numerantur, ipsis à Gothis occupatis, nonne Reges filios successores semper habuerunt? nisi nobis bella Henrici Nothi cum Petro, de Regno Toletano, obstare huic opinioni dicas. Et tuum Tarraconensem

fem, quo iure, quibus legibus, electione an successione? quid moraris? profer. Habeo in meam partem quæ te, & singularem gentis illius in frãnãdo Rege fortitudinem, ridere possint. *Nos qui valemus*, & c. hîc multilinguem sese Hotomanus ostendit, vide ne bilinguis, aut quid peius, dicaris: non enim potest bene audire, qui vt tu loquitur. Possem ego maiora ad hanc rem: sed quia notissima sunt, & si narrãda, egerent narratore maioris otij, prætereo. Interim sat sit monuisse Lectorem, & docuisse nihil in Hotomanicis assertionibus dictũ, quod non seditionem sapiat, & sit alienissimum à veritate: nam quod ille ait de Regibus Gallorum, imò Regulis, ante Dictatorem, mera sunt somnia, nec maiore observatione digna, quàm quæ ab Homero de bello Troiano, aut de Titanis dicuntur. Nec possum satis mirari impudentiam hominis, quem non pudet dicere, Francos à Germanis reipub. constituendæ formam sumpsisse, quod alienum à veritate ex supradictis monstrauius, vt hîc repetere non solum inutile, sed etiam otiosum sit. & ipse Agathius aliter sentit, loco sæpius citato; nec ego adducar vnquam, Francos à Germanis, quos sæpius bello superarunt, & quibus leges dederunt (vt fateatur beatus Rhenanus) leges à victis accepisse. Non enim sine impudentia negare potest Hotomanus, in id enim Historiæ nostræ & Germanorũ conueniunt, Germanos Francis Imperatoribus paruisse per multos annos, vsque ad Carolum Crassum ex Carlouingis: tantũ abest vt Francis leges sint Germanicæ.

Itaque non est cur Hotomanus formam, & iam recepta instituta nostri Regni conetur non reprehendere, sed cauillari, cum nullum fuerit aut sit in toto orbe Regnum iustioribus legibus munitum: testes sunt ipsi Agathius, Itali historici, & alij quotquot sunt, quos pro nobis sponsores idoneos non recusabit Hotomanus, qui non tantum leges nostras & instituta, tum in iure dicundo, tum de religione probarunt, sed Romanis ipsis prætulerunt. Cæterum delirat Hotomanus dum nos esse consequutos fatetur, ne Regibus nostris, ut de Germanis ait, ex Tacito, esset infinita, aut libera potestas: quam formam à Tyrannica remotiorem esse dicit, abesseque longè à tribus tyrannidis notis, quas Philosophi veteres iudicarunt, quod Rex inuitis non dominetur. Docuimus enim, inquit ille, summam populi tum in eligendis, tum in abdicandis Regibus potestatem. O magna vis veritatis! ut Tullius ait. Etenim Hotomanus Reges nostros non inuitis dominari coactus fatetur. Totus enim orbis in hoc consentit, nullum esse populum qui maiore amore, beneuolentia, obsequio, aut fide, suos Reges prosequatur, quam solebant multis seculis Franci: quibus ut nostri & extranei historici testantur, gloriosum & decorum erat, pro Rege mori: quod adeò verum est, ut falsum quæ iterum Hotomanus de eligendi & abdicandi potestate nugatur. Sed cum ætas parentum peior sit auis, tuleritque nos nequiores: postquam Hotomanus, inquam, & similes doctores, orbem ipsum talibus doctrinis infecerunt, macularunt,

& con-

& conspurcarunt, tunc plebs secessit, magnates fide rupta ad internecionem bellum Regibus intulerunt, & patriæ: quid, intulerunt? proh dolor! imò adhuc inferunt: habent enim doctorem & magistrū, qui Regum abdicādorū potestatem illis tribuat, idem Imperatorum, idem Ducum, idem Palatinorum, Marchionum, Pontificum, imò quicquid est in toto orbe potestatis. Et tamen impunè Hotomanus fabulas istas egregio Principi Palatino audet narrare. Vide quā clementer erga te se gerat illustris ille Princeps, qui te & tuas nugas patitur & fouet, cū tamen voces suos, quoties libuerit, ad pileum. Si enim Reges iudicio populi permittis, ecquid de Palatinis, Marchionibus, Ducibus Germanicis & similibus iudicas? cū certū sit olim dignitates & officia tantū fuisse, ex mera dominātis potestate pendentes, nec ad hæredes & successores transeuntes. De secunda tyrannidis nota, ita vocas nostrorū Regum præsidariam cohortem, paucorum hominum ex Scotis & fidissimis Heluetiis, hīc etiam ostendis quid de te iudicandum sit, cū tamen Reges nostri in eo nihil habeant aut faciant, quod non sit illis commune cum cæteris principibus, & ipso etiam Imperatore, Cōsulibus, Dictatoribus Romanis, imò minoribus magistratibus, quibus fasces & lictores erant præuij. Nemo enim adeò perfrixtæ frontis esse potest, qui audeat negare proprium hoc semper Regibus omnibus non fuisse ab eo tempore, quo Regna constituta fuerunt, siue ad dignitatem siue ad custodiam: vt semper habuerint ex-

cubantes milites, quos satellites antiqui vocabant. Quod cum omnibus notum sit, testimonium aliquod hac de re proferre ridiculum esset: vnum tamen exemplum Traiani Imperatoris ex Dione in vita illius lubet proponere, quo conuincitur etiam pios Imperatores satellitio usos, non vt modica illa custodia se tutos ab insidiis existimarent, ab iis enim constat multos Imperatores casos: nam, vt inquit Vopiscus in vita Saturnini, Malum est imperare, ipsi custodes timentur, ipsi comites formidantur: non cibus pro voluptate, non iter pro autoritate, non bella pro iudicio, non arma pro studio. Sed ad maiestatem & dignitatem, ait Dion, in quorum domos saepius vix quatuor comitantibus, etiam sine satellite, diuertebat Traianus. Et alibi, Fortè insidiarum aduersus Imperatorem Sura accusabatur: æmuli subinde instare, remque urgere: tunc Traianus, vel inuocatus, in domum illius cœnaturus accessit, dimissisque stipatoribus atque satellitibus, medico Suræ oculos inspiciendos: denique accersito, illius tonsore, mentum radendum commisit. Sed habet Hotomani Turonensem, qui lib. 7. cap. 18. refert, renunciatum fuisse Gunthrano Regi à quodam paupere, insidias ei à Faraulfo cubiculario parari: eo nuntio territum Regem, armis & custodibus se munuisse, & sepsisse, neque ad loca sancta progressum vacuū custode. Ex quo loco nritur docere, Reges nostros non habuisse satellites. Sed huiusmodi argumentum non iuuat Hotomani mendacia, non enim sequitur: Asciiuit Gunthranus

thrannus (hoc accepto nuntio) satellitium: ergo ex consuetudine nullum Regibus erat: negaret quivis conclusionem, tanquam nullo modo necessariam. Imò verò magis credendum est semper habuisse, ut mos erat Regum omnium, circumstantes & observantes milites, siue laidos, quos vocabant, siue pueros, siue seruos: tunc enim seruos Francogalli habebant, quemadmodum Romani & fere totus orbis, ut ex Tironensi Aimoino & multis aliis clarum efficitur. Sed quòd Regibus Francorum fuisset satellitium, audi Turonensem libro secundo cap. 37. Ibi, Quod audiētes satellites, & Domino gratias agentes, & vota beato confessori promittentes, læti nuntiauerunt Regi. loquitur de Clodoveo, quem ait misisse nuntios ad basilicam diui Martini, cū bellum aduersus Alaricum Gothorum Regem pararet, quos satellites vocat. Extat aliud Reginonis Chronicon lib. 2. exemplum: ait enim Carolomanum Ludouici Balbi filium, obiisse ex vulnere ab apro in venatione illato, vel à quodam, inquit ille, suo satellite improuidè arma ferente. Profert præterea Hotomanus beati Ludouici Regis historiam à Iomulleo, in qua nullam præter ianitorum aut atriensium, quos huiusmodi vocat, mentionem huiusmodi satellitij facit, & sic stultè concludit nullum illi nec præteritis Regibus fuisse. hæc sunt illius tam præclara argumenta, quæ pueris ipsis ridenda, tanquam pugnantia aduersus totis seculis ab omnibus Regibus & Imperatoribus morem receptissimum. Sed habes Turonensem qui

iam te liberauit isto errore, habes Reginonem, quibus addere nō erit extra rem neque otiosum, nostros primos Reges à Childeberto patre Clodouei primi, Regibus Gothorum, qui tunc Regnum suum in Vasconia aut Aquitania constituerant, inferiores fuisse, imò superiores, ut pote quod non solum Aquitania, imò tota Gallia & Italia à Francogallis Gothi prohibiti fuerunt & expulsi. Atqui certum est, Reges Gothorum vsos satellitio: quod si negas, audi Sidonium epistola secunda libri primi, de Theodorico Rege Gothorum, qui Tholosæ regnabat: Circumsistit, inquit ille, sellam comes armiger pellitorum turba satellitum, ne obsit, admittitur. De tertia verò tyrannidis nota, id nostris Regibus tam male conuenit, quàm bene Hotomano seditiosissimi nomen: quis enim nescit Reges nostros non ad suum cōmodum atque arbitrium, sed Regni & subditorum semper respicere, & salutem illius semper suæ præponere, nisi qui omnia, ut tu, cauillari conatur, quantumuis bene constituta? Non est certè quod respub. & regna Græcorum inanibus verborum illecebris nobis obiicias, & nostræ compares: ij enim, verbis tantum & somniis quorundam otiosorum senum & inuicem disceptantiū suas instituebāt & componebant, respub. aded incertè, ut statim ad legislatorum arbitrium, quæ modò iusta erant, iniusta fierent, quasi iusti & æqui non sit cōstans & perpetuum iudicium, imò idem bonum, idem malum dici debeat. Certè non est quod nostris oculis puluerem iniicias: nostræ quippe leges, meliore

meliore iudicio melioribus auspiciis, imò sanctiore & meliore legislatore sancitæ sunt, melioribusque fundamentis nituntur, ut doctè & graviter Sesselius Massiliensis episcopus lib. primo, de repub. Galliæ, docet. quem librum à Sleidano Germano Latinum ex Gallico factum ob eius elegantiam constat. Vnum enim, inquit ille, Regem habet quemadmodum homini vnum caput est, ad quod ordine naturæ cætera membra solent respicere. Ita enim comparatum est à natura, ut in omnibus rebus ad vnum aliquem veluti ad caput respiciamus & confugiamus: quantum enim multorum imperium incommodi & periculi adferat, multis id doceri posset, & nobis casus Imperij illius Romani satis exëplo esse potest: quod corruisse non externa, sed propria vi, nemo nescit. Nec mirum si monarchiam laudarunt viri gravissimi Plato, Aristoteles, & Plutarchus ipse. Sic enim Plutarchus disserit in lib. in quo de vnus in repub. dominatione, populari statu & paucorum imperio tractat, quod si ei detur optio (scilicet viro civili & legislatore) formam reipub. tanquam musicum instrumentum suo arbitratu capeffendi, nullam profectò delegerit aliam, quàm Monarchiam, Platonis fidem secutus: ea enim sola potest perfectum istum & rectum tonum & contentionem sustinere & vtilitatem, neque necessitatis, neque gratiæ causa inflectere: reliquæ, nempe Aristocratia & Democratia (de quibus in cap. lib.) hoc fere habent, quod is qui imperat, sub imperio & potestate est: & qui gerit eas, ipse geritur, fer-

E ij

túrque,quodd non habet vim solidam & stabilem qualis est in Monarchia. Sed sæpè cogitur Æschyli illud declamare , quo vñs est Demetrius Poliorceres amisso Imperio, Tu me creasti, tu fers exitiũ mihi. Quibus addere lubet ex Sessellio, Monarchiæ, etiam si interitu principum, vel alio quopiam humano casu sunt immutatæ, diuturniores tamen semper fuerunt & tranquilliores, quàm optimatum vel popularis status, vt in Assyriis, Ægyptiis, Parthis, Macedonibus, Gallia, Britannia, & Hispania, quibus nullæ aliæ respublicæ temporis longinquitate conferri possunt. Itaque Plato in libro qui Ciuilis dicitur, vel de Regno, laudat & probat Monarchiã: etenim, vt ille inquit, vnus dominatio bonis coniuncta constitutionibus, quas leges vocauimus, sex illarum omnium optima est, intelligit gubernationum. Denique Regna quæ successionis aut hæreditario iure, & secundum genus, vt ille ait, deferuntur potentiora sunt, ac multo magis florent, iis quæ suffragiis & electione vocantur, hac scilicet excellenti ratione: electione enim malis fere artibus ad illud fastigiũ peruenitur, quia bonus & ignauus æquè sibi Imperiũ exoptat: ille vera via: hic, quia bonæ artes defunt, dolis ac fallaciis. Sic videmus Marios, Syllas, Cæsares, Antonios, & huiusmodi, per vim erepta populi & Senatus libertate, Imperiũ sibi parasse: multos etiã emptis suffragiis, imò auctionato Imperio, Imperatores per milites factos, mox ab eisdẽ occisos & laniatos: quod regnis quæ successionem deferuntur nunquam accidit. Alia ratio est singularis, cur regnũ nostrum

nostrum huiusmodi incommodis non subiiciatur, nimirum quia solis masculis defertur, siue lege Salica, siue instituto vetustissimo, sanctissimo, & hætenus per mille ducentos annos obseruato: totidem enim Francis iustum fuit Imperium, partim cis, partim trans Rhenum. Cur autem fœminæ eo excludantur, rationem singularem ipse Sefellius adfert, quæ (licet plures adduci possent) sufficeret: nèpe, Si fœminæ ad successionem vocarentur, fieret facile, ut in externi alicuius potestatem rerum summa perueniret, à quo ascitis patriis cõtribulibus & regionis suæ aut populi hominibus, hisq; honoribus, præfecturis, magistratibus, dignitatibus & huiusmodi donatis, indigenis exclusis, inde graues oriuntur offensiones, conflatur inuidia, tum nobilitatis, tum multitudinis. Cùm verò soli masculi vocantur, certus ac perpetuus est hæres: is enim qui genere proximus est, sine controuersia succedit: eumque populus, ut legitimum magistratum, & Regem, tanquam à Deo complectitur, illi paret, hunc colit, obseruatque: nullæ inde oriuntur controuersiæ, seditiones, nulli motus, nulla emptæ suffragia, nemo obstrepit, dissidet, aut secedit plebs à nobilitate, omnia ita pacata sunt, ut in successione priuati alicuius, quæ venienti ab intestato & proximiori defertur. Itaq; mortuo Rege si filij masculi & legitimi illi superuixerint, primus absque comitiis, aut longiori ambage Rex est: sin autem nulli extent liberi masculi, qui proximior est vocatur, etiam in linea transversali, quam collateralē vocant, dummodo mas sit. Inde tantum tri-

butum huic legi & consuetudini fuit, vt etiam remotissimi & quasi nulla consanguinitate coniuncti, intelligo extra gradus successorij edicti, dum modo de stirpe sint Regia, ad Regnū vocati sunt, spretis & exclusis omnibus ex prole fœminea, quantumuis pròximioribus Regis demortui, vt in Philippo Valesio, Ludouico xij. & eo mortuo, Francisco Valesio huius nominis primo visum fuit: ne aliū exempla petantur. Non mirum ergo, si hoc Regnum tam bonis fultum & talibus subnixum fundamētis, tot seculis floruerit, atq; durauerit: vt illud nulla externa potestas, quantacunque fuerit, quantumuis domi foret, seditionibus quibusdam agitatū (vt nunc est) lædere potuerit. Est & aliud fundamētum huius Regni, quòd Regia potestas cum tribus Regni ordinibus, Ecclesiastico, videlicet, Nobili, & Plebeio, ita commodis & æquis rationibus deuincta & copulata est, vt vix inter ipsos magnū & implacabile possit oriri dissidium. Rex enim tanquam medius & arbiter, nullam alteri per alterum patitur fieri iniuriam: adeò vt vel infimo cuique liceat de accepta iniuria conqueri, & amplissimo cuique facere & mouere controuersiam siue ciuilem siue criminalem, imò aduersus ipsum Regem litigare cuilibet permissum sit, apud iudices suos, cum Regio Procuratore, ne nomen Regis terrori esse possit iudicibus & litigantibus. Alia tria semper in nostrā repub. extiterunt remedia, quibus Rex, & eius qui per ætatem regere non potest, nutritij & procuratores contineri possunt salua dignitate Regia: ita tamen

tamen quod iuris & æquitatis est illi liceat: his enim tanquã frænis Regum nostrorum summa potestas temperatur, religione videlicet, iurisdictione, & politia, vel vt vno verbo dicatur, religione & legibus: religione, inquam, Christiana, orthodoxa & Catholica. Habemus enim testimonium Iustiniani apud Procopium de bello Gothorum libro primo, quod Franci fuerunt semper orthodoxæ fidei, vt superioribus docuimus, ex Agathij libro primo. Gallia enim ex Hieronymi & aliorum multorum testimonio, hæreses semper vitauit, vt teterrima monstra, easque adeò exhorruit, vt nullas vnquam passa sit: nec mirum si tam feruidè amplexa verum Dei cultum, à quo omnis potestas pendet, omnia illi prosperè successerunt: non enim legibus & piis constitutionibus carere potest, qui totus ab illo pendet, qui verus legislator & verarum legum sancitor, & auctor est. Caterùm si quid contra tam bene constitutas leges peccatum sit, accidatque, Regem aliquando de illarum rigore remittere: vt ferunt tempora & necessitas expostulat, hoc princeps facit, cōsultis tamen illis qui sibi à cōsiliis sunt, ne dum alienū desideratur, aut spectatur arbitrium, detrimenti aliquid respub. pariatur. Veluti ingruente bello, de delectu faciendo, milite tum patrio, tum auxiliario euocādo & huiusmodi. Certè si ad cōcilij publici aut placiti deliberationem omnia referēda essent, vt Hottomanus vult, actum sæpius de nostra repub. foret, fieretque ne nimium deliberando, vt inquit Terentius, res amitteretur, & hostis interim vrbes

oppugnaret, agros vastaret, pagos incenderet: quod ut iis & similibus morbis occurratur, & in pròptu sint remedia, Populus earum rerum quæ ad pacem & bellum pertinent, omnem potestaté & imperium in principem transtulit: cui non minus permissum iudicabimus, quàm menstruo & tēporaneo dictatori Romano, cui cum dignitate libera potestas collata semper fuit, ut nec tantulū populus sibi seruarit, lege scilicet Regia in nostris libris cantatissima, tibi satis nota, qua populus in principem omnē potestaté contulit, quem Vlp. solutum legibus, nec eis teneri dicit, ut etiam vult Plato in eodē libro qui Ciuilis dicitur, vel de Regno, dum ait legumlationem ad potestatem Regiam pertinere. Vide Hotomane, quàm male de nostris Regibus sentis & iudicas, quibus auferre conaris, quod vilissimis mancipiis, & ex face, Senatus populūque Romanus sapius concessit: quid vilissimis? imò crudelissimis & immanissimis bestiis & tyrannis, qui nihil quàm incendia, vastationes, direptiones urbium & prouinciarum, cædes bonorum virorum, stupra, adulteria, & vetitas libidines, lætius habebant: quod semper alienissimū à Regibus nostris fuit: nullus enim in tāto numero præsertim ex Capuvingis numerari potest, qui citra ius fasq; & proprio, ut aiunt, mādato, aliquē occidi mandauerit, cū ostēdere possim hoc familiare fuisse non solū externis Regibus, sed Romanis Imperatoribus. Itaque nō est quod nos doceas, nihil est quod Ciceronis dictū tantopere commēdes. Ille & cæteri philosophi verbis tantū suas actiones & instituta proba-

probabant, nos verò factis, quæ verbis potiora sunt: nobis non voces nudæ, sed virtutes placuerunt: quarū vis (vt inquit ille) in actione consistit. De cæteris nostræ reipub. institutis cū differere longiùs possem, me institutæ & præscriptæ breuitatis reuocat ratio, & extat Libellus Sefellij hac de re, qui inanes Philosophorum istorum incertos & nunquam probatos errores, tanto superat, quanto veritas mendaciis superior est. Dicam tamen quod ipse Hotomanus de industria prætermisit, Reges nostros non omnia ex arbitrio facere. Miser enim ille, vt inquit Cicero, qui omnia sibi licere existimat: imò verò satis illis familiare semper fuit, quoties necessitas Regni id ex postulabat, conuētum indicere, & quædam decernere & statuere ex opinione & consilio trium statuum aut ordinum totius Regni, Ecclesiastici scilicet, Optimatum vel Nobilitatis, & Populi: quorū tamen, vt dixi, caput Rex est, & ad quem aliorum suffragia respiciunt: nec Regi quid agendum sit præscribunt, sed magis consulūt, & se se paratos ad iussa subeunda profitentur: nam vt Aristoteles ait lib. 3. Politicōn. huiusmodi enim quasi Deum quendam existimare inter mortales est æquum. Proinde legum lationem inter æquales necesse est esse, & genere & facultate ciuili. In illos autem huiusmodi nulla est prorsus legislatio, quippe qui ipsi lex sunt: in quo conuentu Rex ordinum istorum, & populi querelas libèter audit, & amplexitur, maximè si quid de Aulicis & collateralibus principis, & quos vocant sanctioris & secretioris

consilij molestias acceperunt, si à Præfectis prouinciarum, vel ab ipsis Senatoribus Parlamentariis, quos vocas, iniuriis affecti sint: si Iudices corrupti ferant sententias, si qui ex potentioribus & nobilitate graues sint populo, aut illum opprimant. Præterea si quid in nostra Repub. præter ius fasque fiat, siue si quid ad luxum aulicorum minuendum pertineat, vel ad leuandos subditos tributis. Item de publicanorum fastu, & huiusmodi querelis, quibus Rex solet mederi Edictis grauissimis, quædam in melius mutando, mouendo Senatu, administratione, potestate & dignitate, adhibita grauiore censura si opus sit: quæ omnia fiunt solius Principis, & non populi authoritate, qui magis, vt dictum est, consulit, quàm decernit. Enimuero, quòd ait Hotomanus, quotannis publicum totius Regni Concilium conuocari & haberi Cal. Maij, qui historiarum cognitionem quantulacunque Regum nostrorum assequuti sunt, non ignorât: his præsertim temporibus, quibus primi Reges Francorum, quorum in Gallia non planè stabilitum erat Regnum, quique magis in procinctu, quàm in otio vitam agebant, incertisque sedibus vagabantur, fortassis ad controuersias popularium & subditorum dirimendas, donaque & strennas quæ quotannis Regibus nostris fiebāt per subditos, de more accipiēdas, aut vt subditis copiam sui tunc facerent, ne per palatij præfectos, aut maiores domus, omnia gerere viderentur, vt fecēre postreми Merouingi & Carlouingii, nihil Regium præter nudum nomen habentes

res. Sed istorum meminisse quid aliud est quàm earum rerum mentionem facere, quæ penitus in defuetudinem abierunt, imò quorum nulla, aut saltem exigua est memoria? Atqui hodierna nostri Regni politia, vt melioribus auspiciis, ita & melioribus legibus gubernatur. Nam ius æqualiter non solùm in vrbibus & prouinciis redditur, sed in pagis ipsis, per præfectos, & subpræfectos prouinciarum, aut præsides ipsarum, si ab ipsis prouocatum sit, per Iudices summi Senatus, quod Parlamentum vocant, à quibus non magis quàm ab ipso Principe solet appellari. Hunc enim Senatum aut sacrum ordinem, tanquam quid tertium, & arbitrum inter principem & populum constitutum esse sciunt, qui iuris nostri cognitione quantulacunque tenentur: adeò vt sapissimè Cognitor Regius (non enim, vt dictum est, Regis ipsius nomine, sed Cognitoris lites mouentur) cadat causa: & quod magis est, nullum iustum mandarũ, aut edictum Principis censeretur, nullaque lex vires habet, etiam si consensu totius conuentus feratur, si ab ipso non sit probata Senatu, & in Curia ipsius libris, & exhedra descripta, & annotata, vel vt ipsi vocant registrata: tantum potestati Curia Reges nostri tribuunt, vt si tribunitiæ potestati aut Ephoris Lacedæmoniis compares, non aberres. Plura de Senatus nostri authoritate, sanctitate & grauitate dicenda, non ex mendicatis & ignorantibus iuris nostri authoribus, sed grauiissimis scriptoribus, si locus altiore non egeret narratione. Postremò, quod primos Reges fru-

galiores posterioribus facit Hotomanus, verbis tantum agit, nullum enim huius frugalitatis profert exemplum aut testimonium, cum ego luxum ostendere possem: habuerunt & illi quod suis temporibus vitio non carebat & culpabatur, nihil tamen ista pertinent ad Regni politiam euertendam, ut vult Hotomanus, quæ semper una est. Sunt enim, ut inquit Seneca, vitia personarum, non temporum: & ut pulchre Sefellius eodem lib. Est summa per Galliam authoritas iuris, quæ certe flecti & mutari fortassis gratia imperatoris potest, euerti tamen & abrogari tota non potest, tametsi sint quæ culpari possint, egeantque emendatione, ut est rerum mortalium conditio. At verò quis tam stupidus est, qui ob quorundam principum socordiam aut ignauiam, Regnum ob id tollendum de medio iudicet, tanquam malum magnum, nisi qui omnem societatem humanam tollere nititur? Sapissimè enim bono & strenuo principi succedit ineptus, vel etiâ iuuenis: quod accidere solet cum Deus scelera nostra ulcisci decreuit, florente, & ad summam felicitatem ac amplitudinem Regno cuncto, vel cum populus delitiis, & luxuriæ, Regis ad exemplum, addictus, nihil tale metuit: ambitiosam enim mensam fortuna, parcam virtus apponit: & ut Cato Censorius dicebat, Cultus magna cura tibi, magna virtutis incuria: vel, ut Solon, satietatem ex diuitiis nasci, ex satietate contumeliam gigni: quod cum accidit, admonentur Reges ut tandem cladibus istis excitati, sese homines esse agnoscant, & ad Deum Rex, ipsæque populus confugiant, à quo
salus

salus & intentio rerum omnium pendet: & tamen non desunt nobis remedia, quibus huic malo obuiā ire & mederi possumus, salua vt dixi, & incontaminata manēte dignitate Regia: vt nihil quod ad hanc rem pertineat, aliunde quā à nostris institutis & legibus mendicandum & quærendum sit. Itaque ad sequens caput vndecimum, quod de sacrosancta publici concilij auctoritate Hotomanus dicit, transeo.

IN CAP. XI.



N quo Capite non in minori, imò maiori caligine & errore versari Hotomanum, vel ex initio capitis videre est, qui non erubuit tot mēdacia, toties repetita, hīc etiam congerere. Cū enim conatur institutum sui operis probare, eò magis impegit quòd veritate deficit, qua sola verum à falso secernimus. Nam quod ille maiorum nostrorum mirari se dicit sapientiam in constituēda Repub. nostra, non iniuria, quòd illi certè sapientissimè: quos si reuocare ab Orco possemus, magis mirarentur progeniem suam vitiosiorein, tot mendaciis, tot seditionibus interitum illi parauisse, parareque in dies: mirarentur certè, & tales se genuisse grauius ferrent, feruntque, si quis inferis sensus est. Videamus tandem istam sapientiam, & quibus de rebus in concilio ageretur. Primū de creando vel abdicando rege, inquit ille. At non te pudet, toties mendaciis conuicte, tuum adhuc nul-

lis literis monumētisue, siue priuatis siue publicis de creando vel abdicando Rege commentum, imò potius mōstrum, in medium proferre, mentitūque impudentissimè. Proponis Childebertum à suis Regno pulsum, mox pœnitentia reuocatum. Tantane est apud pessimum pessimi Regis exemplum authoritatis, vt vnico illo exemplo audeat impium & seditiosissimū illud propositum defendere? Benè Cæsar apud Salustium, Omnia mala exempla ex bonis iniriis orta esse dicit: trahimur enim & facilè ducimur exemplis malis, quæ fortassis bona habebant iniria: non quòd exempla ista habeant quandam imitationis necessitatem, & ea ratione sint proposita, sed vt posteritas talibus instructa, talia metuenda sibi & vitanda existimet: qua ratione Solon dicitur legem aduersus parricidas nullam tulisse, non, vt plerique aiunt, quòd scelus hoc desperasset: sed, vt inquit Tullius in Orat. pro Roscio Amerino, netam prohibere quàm admonere videretur. Et hoc est quod Cæsar apud eundem Salustium videtur significare & intelligere, dum Atheniensem exemplum, occupata eorum Repub. à Lacedæmoniis, recitat. Hi (inquit ille, de xxx Tyrannis loquens, cœpere pessimum quenque & omnibus inuisum, indemnatum necare: ea populus lætari & meritò dicere fieri: pòst vbi licentia paulatim creuit, iuxtà bonos & malos libidinosè interficere, cæteros metu terrere: ita ciuitas seruitute oppressa, stultæ lætitiæ graues pœnas dedit. Sic Victor Sylla Damisippum, & alios huiusmodi, qui malo Reipub. creuerant, iugu-

iugulari iussit : nemo non factum eius laudauit, sed ea res magnæ initium cladis fuit. Quod tunc etiam Francogalli experti sunt : nam Ægidio quodam ad Reipub. suæ moderamen ascito, duriora quàm à proprio Childeberto eorum Rege passi sunt, eumque ab exilio ea ratione reuocarunt. Vide exemplum tuum quàm bene vrētibus profuerit. Sed age profer nobis tuæ abdicationis Regum Francorum per populum aliud exemplum. Illud enim, vt suprà demonstratum fuit, non sufficit, nec tua iuuat mendacia, quia ad exemplum, vt dicitur, trahi non potest : nam quòd hac parte Childerico accidit, non iure potestatis factū, sed odio in Childericum, ob eius insolentem luxuriam, accidit. Ait prætereà Hotomanus in eo solenni Concilio agi tum de pace & bello, de legibus publicis, de summis honoribus, præfecturis, procurationibus Reipub. de assignanda patrimonij parte liberis defuncti Regis, vel de dote filiabus constituenda : quod illo verbo Germanico vocat Abannagium, nos verò appānagium vocamus, portionem scilicet quæ masculis filiis Regum defunctorum datur, quod ad dotes filiarū nihil pertinet: filiar⁹ enim, vt suprà dictum fuit, nulla portio terræ Salicæ debetur, & eas semper pecunia dotatas, non portione fundi dominici, certum est. Addit ille denique de iis omnibus quæ vulgus etiam nunc negotia statuum populari verbo appellat. Subdit mendacissimè suo more, quoniam de nulla, vt dixi, Reipub. parte, nisi in statuum siue ordinum concilio, agi ius esset, bellè dicit Hotomanus,

sed nihil probat : in quo eius versutiam, imò calumniam, non satis mirari possum . Cùm enim Germano principi & Germanis, Gallus de moribus, institutis, legibus & Repub. Gallorum disse-rit, facilè ignorantibus imponere potuit : tùm quòd, vt dictum est, Gallus, quo nomine de patriis legibus & institutis dicentem par esse videtur cui credi debeat, tùm quòd apud graues Hotomanus literarum nomine in pretio non exiguo sit, quod illi non paruum auctoritatem tribuit ad mendacia sua tuenda, & ille occultè insidiatur, vt dixi: tacitæ autem & occultæ inimicitæ, vt inquit Cicero in Verrem, potius timendæ sunt, quàm indictæ & apertæ . Detrahamus ergo illi præsidia quibus fucum facit, & veritatem mendacio opponamus, certè ridiculosior Hotomanus ipsa euadet Cornice. Ait ex præcedentibus docuisse, tum ex Caroli magni testamento, tum ex aliis, potestatem creandorum & abdicandorum Regum penes populum, aut concilium, vt ille vult, fuisse : ego contrà, illud esse merum commentum & mendacium satis superque docui, non detortis contra proprium & genuinum sensum, deprauatis ac corruptis testimoniis, sed ex Nostrorum & Græcorum Annalibus, rerumq; serie & ordine, non electione aut suffragiis populi, in concilio, aut alibi, sed successione Regnum nostrum semper fuisse delatum, vt iam nemo hac de re posthac ambigere possit, nisi qui Hotomanicis imbutus est erroribus : cuius tamen opinio nullo modo iuuatur illo testamento Caroli magni, sæpius ab illo citato, quòd diuisionem

sionem totius Regni & Imperij inter liberos masculos, continere alibi docuimus. Tantum enim abest vt in eo testamento, concilij auctoritas desiderata sit, vt ne eius quidem vlla mentio facta fuerit. Minus hoc probat, quod tam impudenter asserit Hotomanus ex Aimoini lib. 5. cap. 17. vbi Carolum Caluum pro Ludouico Pio eius patre nominauit: nec mirum si veritatem historię non teneat, cui nec nomina satis nota sunt: vt magis credam narranti fidem dedisse, quàm historiam legisse, qua continetur Ludouicum, Carolum filium armis virilibus, id est ense, cinxisse, coronaque regali caput insigniuisse, ac partem Regni, Neustriã, attribuisse, eumque in portionem Regni sibi attributam dimissum, proceres prouincię Caluo manus dedisse, & fidem pręstitisse. Ibi etiam nec electionis mentio fit, neque auctoritate concilij quę gessit Ludouicus gesta fuisse docere potes: eodem enim loco, & paulò antè, docet Aimoinus, Ludouicum insistente Augusta, & ministris Palatinis, quandam partem filio suo dilectissimo Carolo Aquisgrani tradidisse, qua, tanquam inofficiosa, ab eo (vt coniectari licet) repudiata, Neustriam postea in conuentu dedisse. Sed aliud est in concilio & conuentu aliquid agere, aliud auctoritate conuentus & concilij: itaque aliunde quęrenda sunt argumenta, si tuam electionis & abdicationis fabulam tueri vis, alioquin mendacis nomen subire oportet. Dicis pręterea de legibus publicis, de summis honoribus, pręfecturis & procurationibus reipub. in hoc concilio solenni agi:

F

de legibus aliquando actum fuisse, non est cur negandum sit, licet nullum próferat Hotomanus testimonium: hoc tamé scpius factum à posterioribus regibus, scilicet Francisco primo, coeptum sub Francisco secúdo, perfectum circa initíu Regni Caroli I X. Aureliæ, cum maxima Nobilitatis, Episcoporú siue Ecclesiasticorum, & vltimi ordinis hominum frequétia, anno Domini 1560. notum est. Extat enim liber legum in hoc frequentissimo cœtu sancitarum, & eodem anno promulgatarum, quæ ob id, Statuum dicuntur. Et hoc quidem ab eodem Carolo repetitum, scilicet in Molinæ Boiorum vrbe, 1566. & Ambasiæ, 1572. Ceterùm quod omnis potestas in legibus ferendis penes ordines remanserit, vt regibus nñhil licuerit, nō probat Hotomanus, nec posset probare, & experientia ipsa ab hinc mille & ducentis annis, satis testatur: & ex his quæ suprà à me dicta sunt, apparet, Regibus nostris, in legibus nouis ferendis, veteribus abrogandis, in deligendis Magistratibus & huiusmodi, semper liberum fuisse arbitrium. De procuratione verò Regni, siue id factum fuerit concilij auctoritate, aut propria Regis disponentis voluntate, alibi appositius dicitur, non eorum testimoniis qui nostrarum historiarum ignoratione, audita habent pro compertis, vt Hotomanus Romani iuris peritissimus, nostri verò ignorantissimus, aut dissimulator egregius. At verò de appānagio, quod Hotomanus verbo Germanico (eius enim gentis euphonia maximè delectatur) vocat abannagium: hunc locum frigidissimè attigit, fortas-

fortassis ignoratione iuris nostri, quod cum nullo sit alio cōmune, ab eo factum par est credere: exulat enim penè à pueritia. Dicam quæ ex vſu & monumentis certissimis comperta habui, vt tamen tempora quæ Robertum ex Capeto præceſſerūt, siue Merouingorum siue Carlouingorū prætēmittam. Carlouingis enim Regno pulsus per Capetum, constat non mutatos Reges, sed sublatas seditiones, quibus ob Regni Gallorum diuisionem, tum Merouingorū, tum Carlouingorum temporibus, Gallias, & Germaniā ipsam totūque fermè occidētis imperium, vexatas, & planè euerſas certum est. Sic ergo veritas habet, altius origine petita, ex iis quæ superius diximus, nemini dubium eſſe potest, siue lege Salica siue communi vſu Francorum, in dubium non vocato per mille & ducētos annos, fœminis ad Regnum nullum vnquam patuisse aditum, siue Merouingorum, siue Carlouingorū, siue Capeuingorum tēporibus, sed semper maribus delatum & propinquioribus, fœminis exclusis quantū uis gradu proximioribus. Postquam verò ad Capetiorum familiam translatus Imperium extitit: nunquam postea inter liberos masculos, siue plures, siue pauciores, diuisum hoc regnum fuit: sed integrum ordine naturæ, maiori natu delatum, vt qui primus vuluam matri aperuiſſet, illi regnum deberetur. Cū enim moribus nostris, nulla pars quantumuis exigua perpetuo alienari possit, nec ergo diuidi & subiici iudicio familiariscund. cū diuidere alienare sit, & diuisio vicem emptionis sustineat, vt nosti. Quod si par-

res alienari non possunt, totum minus alienari poterit. Itaque vnicus Rex vnico Regno semper præfuit: & si qua portio delibata ex illo dominio extitit, iure scilicet appannagij, aliter enim perpetuò alienari non potuit, portio illa obnoxia Regi, & sub illius clientela & fiducia remāsit, nec ita alienata est quin possit ad prius ius tanquam postliminio redire, si illi cui eo titulo portio data fuit, sine liberis masculis, aut masculi sine masculis decesserint. Ita tamen vt eis nunquam licuerit portionem illam ad exteros, nedum ad filias, titulo aliquo transferre, de qua re extant edicta plurima nostrorū Regū, tum vetera, tum recentia, nempe Philippi v. 1. 1329, 1360. Ioannis & Caroli v. 1374. & Caroli v. 1401. quibus alienatio Regij domanij non tantum prohibetur, sed vt alienata in pristinum statum reuocarentur, cautum extitit, vetere iure scilicet. Sed quia hæc quæstio iam à Chopino Andio grauiter disputata fuit in Commentariis suis de dominio, vt pauca quæ de ea dicenda sint desiderentur, satis sit docuisse, falli Hotomanum, dum asserit Regem, non propria, sed populi & statuum auctoritate & placito, omnia gerere. Nam quod ille Merouingorum, item Carlouingorū exempla quædam nobis profert imitanda, nihil aliud vult, quàm earum rerum quæ planè extinctæ sunt (vt dixi) memoriam excitare. Sed quia tantum istis exemplis delectatur, quam ille formam reipub. probat? eam scilicet quæ seditio-nibus agitata semper fuit, nullis præterquam militaribus legibus instituta & formata, & quæ in per-

in perpetua rerum confusione fuit, qualis illa Carlouingorum. Sublato enim de medio Carolo Magno (quem tamen bella ad mortem vsque comitata sunt) summa rerum ad Ludouicum Pium peruenit, cui non minor cura cum Regno accessit: aduersus enim eum conspirarunt impij filij, & cum eis Episcopi & Proceres Regni, vt illum in ordinem redegerint, & in carcerem detruserint, annuente aut dissimulante Romano Pontifice, dum sui ordinis hominibus plus æquo fauet, author est Aimoinus lib. 5. cap. 12. cum sequent. Sed age Hotomane, tibi ne satisfactum isto exemplo putas? audi sequentes Principes (de Carlouingis loquor) fortassis cum Pij filiis, Ludouico scilicet, Carolo Caluo, Lothario & Pipino melius esse actum existimas, certè eadem contagio, imò maior, filios inuasit. Sic Aimoinus eodem lib. cap. 19. Vertente autem anno, inquit ille, in die Ascensionis Domini, fit bellum Fontaneum in Burgúdia à quatuor filiis ipsius Ludouici, Carolo scilicet, Lothario, Ludouico & Pipino, vbi multus est effusus sanguis humanus. hæc ille. nec mirum si ii qui prius inquisierāt in patris annos sese mutuis cædibus lacerarint: quæ pestis adeò Carlouingis hæsit, vt ab eis nunquā discesserit, donec tādē iis sublati de medio, Regnū hoc ad Capetum peruenit, irato (vt par est credere) numine, propter, fortassis, filiorum impietate erga Ludouicum Pium, vt nepotes vindicta secuta sit. Et tamē Hotomanus huiusmodi scelerata exempla imitāda audet proponere, & tempora illa nostris æquare: qua au-

rem mente quòue animo id facit, viderit lector. Cæterû dum ait Hotomanus scribas Regios inscientia aut malitia diplomatibus Regiis adiicere illa vulgaria verba, *Car tel est nostre plaisir*. Postquam proprio idiomate scripta sunt, suam ille non aliorum culpæ debuit ignorantiam: neque illa verba, Quia tale est nostrum placitum, ex illo placiti vocabulo, vt ille vult, nata sunt, sed vetere more quo Imperatores Romani & Reges nostri, ipsique Pontifices, vñtatissima formula suorum edictorum vltima verba solebant concipere, dubitationis tollendæ causa. Sic Iustinianus in fine suarum constitutionû adiicit hæc verba: Quæ igitur placuerû nobis, tua sublimitas operi effectûque dare festinet, constitutione 2. & cõstitutione 8. Quæ à nobis disposita sunt, operi effectûque tradere festinet. & constitutione 11. Quæ igitur nobis placuerû, & per hanc sacram exponuntur legem, ea studeat excellentia tua ad effectû deducere, certoque fini tradere. Constitutione 18. Quæ igitur præclarè nobis & religioni placuerunt. Idem 19. 20. 21. 32. 39. 57. & aliis quas longum esset recensere, quæ tibi cû nota sint, prætermissa existimabit lector de industria, ne calumniæ tuæ manifestæ fiant: possem ego diplomata retrò Principum, & ipsorum Romanorum Pontificum in medium proferre. sed ille fortassis, tanquam fastuosa, non probaret: cû tamen non de iure, sed de vsu & veritate, hîc agatur. Non ergo, Hotomane, verbum hoc à Iustiniano frequentissimè vsurpatum (quæ placuerunt) ad placitum, id est ad ordinum conuen-

tum

tum audebis referre, cùm eius in historiis Romanorum Imp. nulla mentio sit, qui nunquam ad Concilia & placita sua plebem admiserunt, licet Adrianus apud Spartianum dicatur omnes Hispanos Tarraconem vocasse, non ut quid illi ab illis præscriberetur, sed ut ipse præscriberet. Non ergo à placito dices natum, imò à volūtate principum, qui edicta & constitutiones suas placita vocabant. Quòd si perquirere vetera diplomata Regum, priuilegia Imperatorum, indulta Pontificum, & huiusmodi, nostri esset propositi, quæ passim Ecclesiis, Monasteriis, Orphanotrophiis, & cæteris eiusdem generis cōcessa sunt, & in eis asseruantur, non tantum vsos fuisse hoc verbo (quæ placuerunt) sed pœnam adiecisse contra temeratores, aliquando pecuniæ, aliquando capitis, docere possem. Sed in re tam manifesta non opus est pluribus agere. Non ergo inscitia vel malitia (ut tu vis) nec sine exemplo, Scribas Regios hac vulgata formula, *Carte est nostre plaisir*, vsos hæctenus, si non tibi, qui veritati bellum parasti, saltem lectori probabitur: & quia tibi placet priorum & non posteriorum Regum exempla, audi quibus formulis Chilpericus Rex sua edicta solitus est concipere & sancire: sic enim Gregorius Turonensis lib. 6. cap. 46. de Chilperico loquens, In præceptionibus quas ad iudices pro suis vtilitatibus dirigebat, hæc addebat, Si quis præcepta nostra contempserit, oculorum euulsione mulctetur. Sed de iis satis: neque enim quæ vera sunt carpere, sed quæ falsa, nostrum est institutum. Ad rem re-

deo : superius satis docuimus (& in hoc nemo me in contrariam sententiam adducet , vt non fatear) magnam publici in Francogallia concilij authoritatem fuisse , nec tamen tantam , vt ei eligendi & abdicandi Regis vnquam fuerit , cùm (vt superius sæpè diximus , & coacti ob authoris inflexibilem in sua electione peruicaciam , nunc dicimus) filij Regnum à parentibus acciperēt , ex Procopio , Agathio , Cedreno , Turonēsi , Aimoino , Adone , Reginone , & multis aliis antea allegatis . Quæ autē author hoc capite de Maioribus domus aut palatij differit , non videtur satis locū istum peruium omnibus & cognitum fecisse : adeò vt titulo narratio non conueniat : qui enim de Præfectis Regis aulæ (qui maiores domus dicebātur) dicturus erat , de eorum origine dicere illi conueniebat , quòdque eorum erat officium : satis enim , & modicè versato in nostrarum historiarum lectione , intelligo quæ vulgari sermone scriptæ sunt , notum esse potest , maiores domus & palatij fuisse , & Merouingis & Carlouingis . Sed fortassis non probabūt omnes eorum potestatem cum Præfectorum Prætorio Romanorum Imperatorum potestate adæquatam . Nam si vmbra quandam huiusce dignitatis retineat , qui nunc Magnus magister hospitij dicitur , non tamen cum Comite stabuli , aut Connestabuli , potestate est conferendus : cùm hic aulicis tantum negotiis , & quæ ad quotidianum aulæ vsum & œconomiam pertinet , præficiatur , alter exercitui , vt meritò cum magistris equitum , aut Præfectis prætorio Romanis sit comparan-

parandus. Itaque horum Connestabulorum, siue Comitum stabuli, prout apud Turonensem, Aimoinum alióve historicos fit mentio, vt antiquitate, ita dignitate maiores. Quis tandem hac dignitate Maioris domus aut Palatij primus dignatus sit, non aperit híc Hotomanus, licet ad suum institutum hoc maximè pertineret. Aimoinus libro tertio, cap. 4. mentionem facit Chrodini cuiusdam, quem Franci in infantia Sigiberti Maiorem domus constituerant, virum probum ac timoris plenum, qui (vt inquit ille) oblato honori cessit, & Gogonem in eius locum suffecit: eodem lib. cap. 57. Landerici meminit, quem Comitem & Maiorem domus appellat. Cuiusdam Vuadonis mentionem facit Turonens. lib. 6. cap. 45. quem vocat Maiorem domus Chilperici, qui olim Sanctonicum rexerat Comitatum: & libro nono, cap. 30. dicit, Childebertum Regem, inuitante Meroueo episcopo, descriptores in Pictauos misisse, Florentianum Maiorem domus Regiæ, & Romulfum Palatij sui Comitem: ex quo loco satis apparet, maiorem domus & comitem palatij non idem esse, vt videtur Hotomanus sentire, cum híc videre sit Florentianum Maiorem domus fuisse, & Romulfum Comitem palatij, tanquam diuersas dignitates, diuersis mandatas: & locus ille Turonensis libro quinto, cap. 18. de Gurgulione quem Comitem Palatij Sigiberti, non Maiorem domus vocat, etiam ostendit. Quemadmodum autem in tantam potentiam creuerint Maiores domus, vt Regium nomen penes ipsos Reges

esset, regia verò dignitas penes maiores domus, ut de Pipino Austriæ, qui Regnum sibi & suis, hac via aperuit, idtribuendum ignauia Regum nouissimorum ex Merouingis, de quibus dici potest, quæ à Trebellio Pollione de Galienis dicta sunt, cumque ludibriis & helluationi vacarent, neque aliter rempublicam gererent, quàm cum pueri fingunt per ludibria potestates, non mirum si Francogalli exemplo Gallorum, quibus, ut ille inquit, insitum est luxuriosos principes ferre non posse, alium, & alienum quidem, è familia Merouingorum in Regem sibi sumpserunt, Pipinum, & post eum Carolum Magnum, quibus etiam non diuturnum fuit imperium, ut superius docuimus, sic volente Deo, qui per temporis intervalla, & vicissitudines, occulta quadam vi illi soli cognita, delicta parentum filios expiare cogit, ac luere. Hanc Regum illorum ignauiam Cedrenus videtur notare his verbis, Memoria proditum est Regem Franciæ, consuetudine sic obtinente, Regnum per stirpem à maioribus suis ad se delatum gerere, nulli alij negotio intentum quàm brutæ voracitati, ac poculis: eundem Maio mense in conspectu totius gentis præsidere, gentemque adorare, & vicissim ab eo adorari, atque ultro tum de more, citroque, dari dona: præfectum domus siue Aulæ Regis, rerumque gentis eius omnium curam gerere. Hæc ille, quæ licet ab inimicissimo Francorum dicta sint, & Græco, non abhorrent ab iis quæ à nostris scriptoribus vulgaribus dicuntur: quæ enim Cedrenus

drenus narrat referenda sunt ad initium imperij Leonis tertij Iconomachi , anno Domini 718. quo tempore Theodoricus Cala, & post eum Chilpericus stupidus, vltimi Merouingorū, Frācis imperabant , de quibus sentire Cedrenus videtur: quorum alterum à Pipino in monasterium relegatū, monachūque factum, Aimoinus docet.

IN CAP. XII. & XIII.



V A E XII. & XIII. Cap. Hottomanus disputat, an Pipinus Papæ aut Francogallici concilij authoritate; Rex factus fuerit, id etiam videtur facere, non aperiendæ historiæ, sed potius cōmouendæ & excitandæ seditionis causa: quid enim opus est toties tragœdiæ istius mentionem facere? quidve expedit nosse, an Gentis consensu, an verò Papæ authoritate Pipinus Rex factus fuerit? cū fatius sit non meminisse earum rerum, quæ sunt obruendæ perpetuo silentio. Cæterum Regni nostri adimendi, facultatem summo Pontifici nunquam permissam fuisse, nemo ignorat, etiamsi aliquando Bonifacius VIII. id tentare ausus sit, qui Regna dare & auferre (teste Platina) pro arbitrio conabatur: licet enim Reges nostri meritò nomen Christianissimi sint adepti, quòd orthodoxæ & Catholicæ Ecclesiæ doctrinam amplexi, mordicus retinuerint: non tamen ita Pontificis Romani placitis & decretis

fese dicto audientes præstiterè, vt illis omnia ex arbitrio permiserint, & potestatem suam acceptam illis tulerint. Tandem ad Hotomani questionem, vel potius schisma, venio. Ex locis ab eo citatis satis liquet, non autoritate summi pontificis, sed illius assensu & consilio, Pipinum, Caroli Martelli filium, diadema sumpsisse. Hoc etiam Ado Vienenſis reſtatur, qui ad hæc accessit tempora: scripsit enim ille vsque ad annum Domini 779. Et quæ de consultatione Pipini, cum summo pontifice Zacharia dicuntur, gesta fuere circa annum Domini 749. vt ille, & cum eo Lambertus & Regino. Verba autem Adonis sic habent: Interim dum copiarum parantur, Pipinus Burchardum Vuisburgensem Episcopum, Gaguinus malè Bituricensem vocat, & Fulraldum capellanum suum, ad Zachariam tunc temporis Pontificem Romanum, mittit, vt interrogarent eum, si ita manere deberent Reges Francorum, cum penè nullius potestatis essent, iam solo Regio nomine contenti. Quibus Zacharias pontifex responsum dedit, non de iure, sed de facto (vt nostri dicunt) Regem potius illum debere vocari, qui rempub. regeret: reuersis itaque Legatis, abiectoque Childerico, qui tunc regium nomen habebat, Franci, per consilium Legatorum, & Zachariæ Pontificis, electum Pipinum Regem sibi constituunt. Childericus (quem Germani scriptores Hildericum vocant) tonsuratus in monasterium missus est. hæc ille. Regino, Sigibertus, Lambertus, author qui addidit Aimoino, & cæteri scriptores in eo conueniunt,

Regis

Regis Pipini inaugurationem per beatum Bonifacium Moguntiacensem Archiepiscopum factam. Sed quod Pipinus consuluit Zachariam summum Pontificem, quodque summus Pontifex, siue consilium, siue consensum, Pipino præstiterit, non est magna obseruatione dignum. Cum enim Childericus, Theodoricus, Cala, & alij Reges Francorum tam segniter rempub. gererent, Gallia autem & Regnum Francorum in maximo versarentur discrimine, agitanturque tot bellis ciuilibus & externis, ex Vandalis scilicet, Abydaramo Sarraceno, & aliis Barbaris, qui partem illam Galliæ Celticæ populabantur, non mirum si delectus fuit, qui huic malo obuiam ire posset: ut fecit Carolus Austrasius, & post eum Pipinus, & Carolus Magnus: nisi enim hi principes nostrâ rempub. amplexi fuissent, actum erat non solum de Gallia, sed de ipsa Italia, tot Tyrannis, tot Barbaris exposita, imò de re ipsa Christiana, tunc enim Sarraceni Hispaniæ maiorem partem occuparant, in Oriente Imperium Romanum fermè labebatur, & ut vno verbo dicam, nulla Europæ, imò nulla orbis pars: bellis aut seditionibus expers & vacua erat: quæ tamen esse exēpli pessimi pius iudicabit, nec subditis potestatem eam tribuet, ut proprio Rege abdicato & expulso, alios sibi principes faciant: Iubet enim Christus ferre malos principes illisque parere: sed cum ita visum fuerit Deo, qui regna dare & auferre solus potest. Eam mutationem maxima & vrgentissima necessitate factam, à Francogallis, Regibus

fuis alioquin deuotiſſimis, ex eo credendum eſt, quòd cùm per mille & ducentos fermè annos, Regnum hoc conſtiterit, inuentum vnum & alterum tantum exemplum eiſdem mutationis: primum, ob ignauiam & luxuriam principum: alterum fortalliſ, vt à me ſuperius dictum fuit, in vindictam prioris, vel maioribus rationibus. Nam, vt ait Marcus Antoninus philoſophus apud Vulcat. Gallican. in vita Auidij Caſſij: Nec quenquam facilè bonum Imperatorem vel victum à Tyrāno, vel occiſum fuiſſe: meruiſſe Nerone, debuiſſe Caligulam. Idem de Pertinace, & Galba: denique non Auguſtum, non Traianum, non Adrianum, non patrem ſuum, à rebellibus potuiſſe ſuperari, cùm & multi fuerint, & iſſis vel inuitis, vel inſciis extinctis. Sed iſta ſufficiant: ad Hotomanū redeo, qui ſuo & ſuorum more ridet, quæ Regino monachus de Stephano Papa ſcripſit: quippe hoſti Pontificis nihil probatur, niſi quæ eum præſtringunt. Tandem verum eſt, & ille qui ad Aimoinum adiecit, ipſeque Ado Vienenſis, & alij ſcriptores horum temporum teſtantur Papam Stephanum, Pipinum & filios eiſus, Carlomanum ſcilicet, & Carolum Magnum ad Regiæ dignitatis honorem conſecraſſe, vt authoris verbis vtar: quæ inaugurationis, Reginonis teſtimonio, accidit circa annum Domini, 763. Electio verd, 760. Et hoc eſt quod certi de hac re dici poteſt. Quemadmodum autem tantam authoritatem maiores domus ſibi arrogarunt, vt tandem proprios Reges depone-
re, & in ordinem cogere potuerint, hoc, vt dictum

dictum est, tribui debet ignaviæ Regum, qui per eos omnia negotia Regni gerebant, nullius interim rei curam gerentes præter luxus, magnum mutationis argumentum & indicium. Enimvero quæ res malos principes faciat, rectè quærit Vopiscus in vita Aureliani. Primùm (inquit ille) nimia licentia, deinde rerum copia, amici improbi, satellites detestandi, aulici vel stulti, vel detestabiles: & quod negari non potest, rerum publicarum ignorantia. Addit ex Diocletiano, nihil difficilius esse, quàm bene imperare: Colligunt, inquit ille, se quatuor vel quinque, atque vnum consilium ad decipiendum Imperatorem capiunt, dicunt quid probandum sit. Imperator qui domi clausus est, vera non nouit: cogitur hoc tantum scire, quod illi loquuntur: facit iudices quos fieri non oporteat, amouet à rep. quos debeat obrinere: denique bonus cautus venditur Imperator, ut nihil difficilius bono principe. hæc ille: quæ inferere volui, ut aliquando non tam alieno arbitrio Reges Rempub. curent, quàm ipsi intelligant, quæ eos intelligere & scire non tantum sua, sed Reipub. maxime interest. Verum de iis satis: ad aliud authoris caput progredior.

* *
*

IN CAP. XIII.



v o d de Connestabulo & Pari-
 bus Franciæ est: ego verò vt
 illum, nempe Connestabulum
 vel Comestabulum, priorem
 tempore, sic potiorē dignitate
 iudico: certum enim est, Con-
 nestabulos præcessisse dignitate & autoritate
 maiores domus: iis enim, vt diximus, cura militū,
 vt magistris equitū & præfectis prætorio sub Ro-
 mano Imperio, alteris verò domus cura & œco-
 nomia tantū, donec illi torpescētibus regibus, &
 per ignauiam administrātibus regni administra-
 tionem & curā ad se traxerunt, nudo Regis no-
 mine Regibus relicto: hinc est quòd Turonen-
 sis ante maiores domus, Connestabulorum me-
 minit locis ab Hotomano citatis lib. hist. 5. cum
 postea lib. 6. cap. 45. de quodam Vuadone, ma-
 iore domus Chilperici, qui olim rexerat Santo-
 nicum Comitatum, mētione faciat: & vt præce-
 denti capite dixi, lib. 10. cap. 30. refert Floren-
 tianum Maiorem domus, & Romulum Palatij
 sui Comitem missos à Childeberto Pictauis, ad
 censum describendum: Ex quo loco subest alia
 quæstio, quæ erat dignitas illa Romulfi, quem
 comitem Palatij vocat, cuius etiam dignitatis ali-
 bi mentionem facit, nempe lib. 5. cap. 18. vbi
 Gucillonē (qui quondā Comes palatij Sigiberti
 Regis fuerat) abscisso capite interfectum dicit.
 Cum verò Turonensis lib. 3. cap. 32. ait Impera-
 torem Iustinianum reuocato Bellissario, Narse-
 tem in eius locum statuisse, Bellissarium verò
 Comitem stabuli pro humilitate creasse, non be-
 nè asse-

nè assequutū Turonensem existimo dignitatem, quam maiorem esse, & loco Magistri equitum, mox præfecti prætorio, qui honos maximus erat post dictatorem, Liuiο admoventi prima labra constare poterit: quod etiam locus Ammiani, lib. 26. ab Hotomano citatus docet: ait enim ille, Valērianum Valentem fratrem stabulo suo cum dignitate tribunatus præfecisse Calendis Martiis, quem mox Calendis Aprilis, Augustum nominauit: vt verum sit dicere, Valentem prius donatum illa dignitate, tanquam inter aulicas & palatinas maiore & clarissima, cui addere lubet alterum Marcel. lib. 31. locum, de cæde Valentis, cum quo ait xxx. opetiisse Tribunos, vacantes, & numerorum Rectores, Valerianum atque Equitum: quorum alter stabulum, alter curabat Palatium: meminit etiam idem Marcel. circa initium huius 26. libri Dagalaiphi cuiusdam, quem magistrum equitum dicit, qui locus cogit me ambigere, num eadem fuerit dignitas Magistri equitum & Comit̃is stabuli, & in re obscura licebit tanquam in arena cuilibet sententiam dicere. Maius tamen nomen esse magistri quàm comitis, alter eiusdem Marcel. locus eodē lib. annuere videtur: ait ille, Tunc & Equitius Illyriciano præponitur exercitui nondum magister, sed comes. Itaque paulò post adiecit: his cognitis Valentinianus eodem Equitio aucto magisterij dignitate, repedare ad Illyricum destinabat. Quod autem Romanis vel Constantinopolitanis Imperatoribus, Ducis & Comitis nomina dignitates fuerunt aulicæ, militares

& prouinciales, vel ex ipsius Marcel. & aliorum hitoricorum Commétariis, qui principum Romanorum scripsere historias, postremisque libris Codicis sciri potest. Porro non erit alienum à vero, existimare Francogallos, quorum non exigua semper fuit copia in Palatio vel comitatu Romanorum Imperatorum: imò authoritas, vt superius diximus ex eodem Marcel. lib. 15. & 31. huiusmodi dignitates Ducis, Comitris, ex eorum institutis sumpsisse, veluti Patriciatu, cuius meminit Turonens. lib. 4. cap. 36. his verbis, Enium cognomento Mummolum à Rege Gunthranno patriciatum promeruisse. & lib. 4. cap. 34. ait, Palladium comitatum in vrbe Gallicana impertiente Sigiberto promeruisse. eodem lib. cap. 38. refert, eundem Regem in locum Iouini rectoris prouinciæ subrogasse Albinum: & cap. 41. de Lupo duce, & de Nantino duce Engolismensi, lib. 5. cap. 36. & cap. vltimo eiusdem libri de Berulfo duce. & lib. 7. cap. 13. de Garaono duce, eodem capite de quodam Vuillachario Aurelianensi comite. Est tamen obseruatu dignum, nec prætereundum silentio, in comitatu Reginarum Franciæ fuisse huiusmodi dignitates, vt idem Turonensis author est, lib. 7. cap. 27. qui de Vuadone quodam mentionem facit, quem Maiorem domus Reginæ Riguntis dicit. De origine verò Parium Franciæ, nihil ab Hotomano notatu dignum dicitur. Et certè, vt ille ait, nemo antiquorum scriptorum eorum meminit: est tamen locus vnicus apud Aimoinum, lib. 4. cap. 20. ab Hotomano, vt credo,

non

non animaduersus, qui non parum ad huius rei cognitionem facere videtur. Vbi Aimoinus dissidij vel controuersie cuiusdam inter Clotarium Regem Frācorum, & Dagobertum filium, meminit, ad quam sopiendam & terminandam electos fuisse dicit duodecim Francos, quorum salubri consilio pater pacatus cum filio, reddidit quæ postulabat. hæc ille: vt non ineptè fortassis dici possit, illo exemplo & principio xii. Pares à posteris Regibus electos fuisse, ad dissidia & controuersias quæ inter principem & filios, aut inter populum & principem oriri poterant, dirimendas, tanquam arbitros: quem numerum posteriores Reges amplexi sunt, vt perfectissimum, exemplo Seruatoris qui duodecim assumpsit Apostolos. Nemini tamen dubium esse potest institutū hoc Parium antiquissimum esse, & si ambigi à quo tempore cœperint possit. Tilius scriba nostri Iuris adprimè doctus, institutum hoc Parium fuisse dicit circa annum 1119. tempore, scilicet, Ludouici Crassi. Extat Arrestum supremæ Curie Parlamenti, anno Domini 1216. de Clientelari sacramento, vel fide Comitatus Campanici: extant denique plura alia, in quibus crebra mentio horum Parium fit, nempe in Parlamento Natiuitatis Deiparę, 1259. Pentecostes, 1261. Omnium Sanctorum, eiusdem anni: Purificationis Virginis, 1262. Omnium Sanctorum, 1316. Aliud vltima Aprilis, 1359. Non placet ea opinio, in quā Hotomanus inclinatur, hoc institutum fuisse Arturi Regis Britannie, nam fabulæ quæ de Arturo dicuntur (teste

Polydoro Virgilio, Anglicę historię scriptore diligentissimo, lib. 2.) circa Regnum Clodouei accidere, vt ridiculum sit Francogallos sexcentis & amplius post Arturum annis, tanquam postliminio institutum hoc reperiisse, cum huius nec minima apud nostros antiquos scriptores mentio fiat, & quę de institutis Equitum mensę orbicularis, aut rotundę, illius Arturi fabulantur, non alio Polydorus in pretio habet, quàm aniles fabellas quę de Rolando, & cæteris Paribus Franciæ, ab Italis dicuntur: cuius instituti apud Britannos Anglos, vnde id manasse dicit Hotomanus, nullum extat hodie vestigium, cum tamen proprium eorum Regum fuisse dicatur. Itaque melius & aptius hoc institutum ex illo Clotharij & Dagoberti loco, qui in duodecim compromiserunt, vt superius dictum fuit, nec absurdum erit inde originem petere, & minus absurdus, quàm ab externis & peregrinis: fuere enim Franci in condendis legibus non minus industrij & sagaces, quàm in militia strenui, vt ipse Agathius testatur. Nisi fortè dicas, postquam Regnum Francogallorum in vnus & solius potestate, & arbitrio fuit, Carlouingis scilicet sublati, tunc animum ad leges & politias Reges adiecisse, vt fieri solet quotiescunque ex bellis, quę omnes politias & leges subuertunt, ad pacem fit trāsitus, vtque fecisse Regem illum Numam, qui secundus à Romulo Romanorum Rex fuit, author est Liuius, historiæ lib. primo: Regno, inquit ille, potitus, urbem nouam conditam, vi & armis,
iure

iure eam legibus ac moribus de integro condere parauit, cum inter bella assuescere videret non posse, quippe efferatis plerunque animis mitigandum ferocem populum armorum desuetudine ratus, Ianum ad infimum Argiletum, iudicem pacis bellique fecit. Et paulò post, Positis externorum periculorum curis, ne luxuriarent otio animi, quos metus hostium, disciplinaque militaris continuerat, omnium primum rem ad multitudinem imperitam, & illis seculis rudem, efficacissimam, deorum metum iniiciendum ratus est: quem Augustus imitatus, debellatis Lepido & Antonio, post Actiacum bellum dicitur fecisse, Ianiculo tertio clauso, ut author est Cornelius Tacitus, Annalium lib. primo. Quod tamen institutum, siue Capeto tribuas, siue antiquiori, ex Merouingis vel Carolingis, præclarum est. Sunt enim tanquam Regni & Regis perpetui consultores, hoc humanæ leges à diuinis differunt, quòd diuinæ sunt immutabiles, humanæ verò mutabiles, quia, ut inquit Plato in libro qui Ciuilis, vel de Regno dicitur, Lex quod optimum omnibus est & iustissimum, nequit syncerè comprehendendo, semper ita ut operæpretium est præcipere, quando hominum actionumque dissimilitudo, instabilisque rerum humanarum conditio facit, ut ars nulla simplex quicquam, & in vniuersum de omnibus, perque omne tempus valens, constituere possit. Et alibi, Fieri non potest, ut certus quidam vnius modi, semperque ordo valeat in his quæ varia semper sunt, vnius

modi verò nunquam, sic propter seditiones, quæ in comitiis Imperialibus, quando de nouo principe creando agebatur, negotium illud quod omnibus Germaniæ regulis & ciuitatibus competebar, septem Electoribus mandatur, ex diplomate illo aureo, cuius suprà meminimus, quod institutum Noui Iuris ab hinc annis trecentis, vel circà, fuisse testatur Onuphrius, antiquitatis exactissimus vestigator, in libro quem de Comitibus Imperatoriis scripsit, nempe circa annum Domini 1250. & tamen originē incertam ipse dicit: nec mirum si de Paribus nostris idem dici possit, tanta fuit illis temporibus scriptorum penuria vel incuria. Quæ autem sit illa Parium dignitas, non docet Hotomanus: melius Chopinus & fusiùs libro suo, cui multa addenda etiam sunt: quæ quia egent altiore inuestigatione, decreui finem imponere huic narrationi, hoc addito: nullo, nisi Parlamenti iudicio, quod cauillo Hotomanus imaginarium concilium vocat, Pares teneri, exauctorari, vel in capitis crimen accersiri posset, ut Aresto Curię, vj. nonas Mart. 1386. patet.

*

IN CAP. XV.

DECI-



DECIMO QUINTO Capite
Hotomanus auctoritatem il-
lius sacrosancti Concilij, con-
tinuatam sub Carlouingis as-
serit, nescio ad quid, cum hoc
nemo haecenus in dubium vo-

carit. Certum enim est & omnibus cognitum, Re-
gibus Francorum satis familiare & frequens fuisse,
quoties de summa totius Reipub. agendum
erat, conuentum indicere. Sed quod Hotomanus
Cōcilio omnia permittit, tantum abest hoc verum
esse, ut ex iis quae à me dicta superioribus capitib⁹
sunt cōtrarium verum esse patere omnibus possit.
Nec magis verum est quod ait Hotomanus, sine
authore tamē, Carolomanū, & Carolum Magnū
fratres per Francos, in generali conuentu, Reges
cōstitutos: huic enim opinioni aduersantur, quae
superius dicta sunt ex Adone, Aimoino, Regino-
ne, Sigiberto, & aliis: nempe Stephanum Pōtifi-
cem Romanum in Gallia tunc profugum, Pipi-
num in Regem, eiusque filios Carolum & Caro-
lomanum vnxisse. Subiungit Vienensis, mortuo
Pipino, quem post diem vnctionis suae regnasse
xvi. annos, aut paulò amplius, asserit: Gloriosi
filij illius Carolus & Carolomanus in Regnum
Francorū eleuati sunt, Carolomano autem infra
triennium mortuo, summa rerum penes Carolū
(qui ob res praecclare gestas Magnus dictus fuit)
peruenit. Nobiliores enim Franci, ut inquit ille,
cum Episcopis & comitibus glorioso Regi Caro-
lo se coniunxerunt. Idē Aimoinus, aut author ille
qui historiē illius addidit, lib. 4. cap. 67. & seq. Sed

G iiij

Hotomanus, qui nō minus hæret falsæ illius electionis, & ab eo solo inuētæ fabulæ, quàm spongiæ faxis. Iterum ex Eguinartho existimat impudenter, & sine exemplo, etiam Carlouingorum tēporibus Regnum nostrum, ordinum & populi iudicio, ad filios peruenisse. Sed hoc falsum est: & exēplum illud Pipini, qui prole Merouingica de medio sublata, ex maiore domus Regnum sibi & suis parauit, nihil ad hanc rem facit. Quod illi facile fuit, cum penes eum arma & fiscus essent, nudo Regis nomine Chilperico, Danieli & Theodorico Cala relicto. Itaque ne videretur Regnū per vim occupasse, alienus enim erat à Merouingis, consuluit Zachariam summum pontificem: mox procures Regni, vt eorum suffragiis, potius quàm propria authoritate, Regnum videretur accepisse: nec mirum si Concilij authoritatem retinuerit, ne insimularetur leges cum Regibus mutasse, ex quo magna solet conslari inuidia: quod Romani animaduertentes, deuictum ab eis populum suis legibus viuere permittebant, vt non sustulisse leges, sed Reges, insimularentur: populus enim magis pro patriis legibus, & religione pugnat, quàm pro aris & focis, vt testes sunt Iudei, ipsique Fráci, & Germani. Sed incassum hæc Hotomanus, cum præcedentibus capitibus satis supérque à me probatū fuerit, etiam Capeuingis hoc familiare fuisse, quoties ex usu reipub. fuit, conuentum omnium ordinum indicere. At ille, qui, vt suprà dictū est, aliud agit, aliud simulat, quique libellum illum, aut monstrum potius, nulla alia ratione in lucem emisit, nisi vt seditiones

seditiones cieret, nam eò tendunt & spectant fabulæ electionis illæ sapius ab eo recantatæ: quæ vera sunt dissimulat, mendacia profert. Itaque quod ait iudicium arbitriumque Reipub. vsque ad Carolum Simplicem, id est, per quingentos, & quinquaginta amplius annos, penes populi Comititia & ordinum cõuentum fuisse, nullo authore hoc asserit: etenim certum est, non solum Merouingos, sed post eos Carlouingos, Regno constituto, omnia ex arbitrio vt plurimũ fecisse, siue belli, siue pacis tẽpore: & si aliquando conuentũ indixerunt, id perfunctoriẽ factum fuit, vel quando inter eos cõtentio aliqua oriebatur, aut tempore quo Reges per ætatem Regno & rebus suis præesse non poterant, vt ex ipsis Turonensi, Aimoino, & aliis scriptoribus nostris, videre est. Sic Clodoueus primus Gundobaldo Burgundo, Clothilde vxore suadente, bellum intulit, nullis prius habitis comitiis, mox contra Alaricum Gothorum Regem, deinde contra Chariaricum Regem & filium, quos occidit. Sic Ragnacharium ducẽ filij Clodouei, matre vrgente, aduersus Burgundum mouent bellum. Theodobertus filius Theodorici Regis expeditionem fecit in Italiam, & Siciliã: Clotarius aduersus Saxones, filij Clotarij Regnum inter se diuidunt. Quid plura? nulla aut pauca negotia, siue quæ ad bellum, siue quæ ad pacem pertinent, inuenias aliter gesta, quàm voluntate imperantium. Possem ego proferre cædes mandatas, & indicta causa factas, tributa imposita, & huiusmodi Regis solius verbo & voluntate: sed talia sibi tragicus Hotomanus habeat,

habeat, quibus tantoperè delectatur, quæ ego nunquam euulgassem, nisi ille prouocasset. Verum est quod ait Hotomanus ex Eginartho, Merouingorum temporibus institutum fuisse, ut quotannis Cal. Maij publicum populi conuentum agerèt, ad eúmque cōuentum carpento bobus tracto veherentur. Id Cedrenus, ut superius docuimus, dicere videtur, dum ait, conuenire solitos ad adorandum populum, ab ipso vicissim adorari, & munera accipere. Reges enim illi vltimi Merouingi, semel in anno tātum, populo copiam sui faciebant, negotia belli & pacis per magistros domus curātes & gerentes, nullam autem, aut saltem minimam, fuisse penes illud cōcilium auctoritatem, licet coniiicere. Turonensis enim, qui vulgarium & planè inanium rerum mentionem facit, illius nusquam meminit, licet historiam suam profecutus sit vsque ad regnum Gunthranni & Childeberti Iunioris, id est vsque ad annum 630. Itaque non est cur tantopere Hotomanus miretur illam maiorum nostrorum sapientiam, quam tanquam in speculo contemplandam censet, quos ait maximam posuisse differentiam, inter Regnum & Regem. Quis enim nescit aliud Regem, aliud Regnum, aliud Pastorem, aliud oues, aliud tutorem, aliud pupillum? Quis vnquam talia in dubium vocauit? Imò verò quis non existimat, Regem populi causa à Deo creatum & institutum? quis hoc negat aut negauit vnquā? Sed non sequitur, Regem nihil velle, neque posse, quod populo non placeat, tutorem quod pupillo, pastorem quod gregi: Non enim
ad hoc

ad hoc constituti sunt, non magis quàm medici
vt ægris pareât, dictoque audientes sint: id enim
præposterum esset, & contra ordinem naturæ,
quo minora maioribus cedunt. Itaque, vt à me
alibi dictum fuit, quemadmodum in omnibus
tum diuinis, tum humanis & naturalibus rebus,
videmus aliquid altero semper maius, & ideo di-
ci excelsum quod supra cæteros emineat, vt ca-
put altius cæteris membris est, Sol ipsa Luna cla-
rior, Luna cæteris stellis, quæ inuicem aliæ aliis
lucidiores sunt, sic ordinâte rerum omnium opi-
fice: imò quicquid est in eis luminis, Soli acceptû
ferût, vt membra capiti motus suos & actiones:
ita existimandum est à Deo ordinatam fuisse hu-
iusmodi potestatem Regiam, ad illius ordinis cœ-
lestis dispositionem, & imitationem: vt quemad-
modum vnum Deum agnoscimus, cuius nutu
omnia agi, moueri, & cuncta gubernari fatemur:
ita populus Regis (qui imago Dei est) auspiciis &
legibus regeretur, ad eumque, tanquam ad cer-
tissimam regulam, respiceret. Sed quia accidit, vt
qui imperat, solus per se omnia munia Imperij
exequi non possit, adsumere solet viros probos,
more Antonini philosophi: qui, vt refert Capito-
linus, semper cum optimatibus, non solum belli-
cas res, sed etiam ciuiles, priusquam faceret ali-
quid, contulit: cuius fuisse hanc sententiam præ-
cipuam dicit, Æquius est, vt ego tot & talium
amicorum consilium sequar, quàm vt tot & ta-
les amici meam vnus voluntatem sequantur.
Quemadmodum Reges nostri semper fecerunt,
& faciunt, vt ne hac quidem parte aliquid deside-

randum sit. Cæterum cum reipublicæ & Regni cura præcipua sit, in delictis puniendis prohibendisque, & arcendis malis hominibus, & æquali iuris distributione: & ut vult Plato in dialogo de Regno: Regia maiestas, inquit ille, mihi videtur omnibus iuxta legum instituta, ceteras imbuentibus educantibusque præsidens, id duntaxat ut exerceant doceantque; permittere, quod ad ipsius rationem attinens, mores decoros inducat. Eos autem qui fortitudinis temperantiæ, aut ceterarum virtutum vim assequi non possunt, sed prauitate naturæ ad impietatem, petulantiam, iniustitiâque trahuntur, è cœtu ciuium eiicit, exilióque, morte, & extremo opprobrio damnat: vel, ut ille ait lib. 9. de legibus, quos insanabiles legislator senserit, ultimo supplicio hoc afficiet, non ignorâs satius fore his qui insanabiles sunt, mori quàm viuere, ac si vita priuantur, dupliciter prodesse cæteris: nam horum exemplo à peccato cæteri deterrentur, & improbis hominibus ciuitas ipsa mundatur. Cõstituti sunt à Rege magistratus & iudices in singulis prouinciis, quibus hoc negotium mādatur: & si ab illis prouocatú sit, sunt vltimi magistratus & parlamēta, à quibus, non magis quàm à principe, ipsiſq; præfectis prætorio Romanorum iure appellare licet. Quod cum planè innotuerit Hotomano, quippe sub legibus nostris educato, tamē ille ut odiosum hoc Regnū ignorantibus morū nostrorum reddere possit, dissimulat, politiã accusat, cum tamē nulla in toto orbe nostræ comparari possit: non dico Germanorum, in ea enim quot sunt domini
& topar-

& toparchi, imò ferme pagi, tot sunt politie, cùm quisq; (quod tamé Hotomanus, proh dolor, nō improbat) legibus quib⁹ vult subditos adstringat. Quid dico legibus? imò verò religionibus, quæ in Germania innumeræ sunt: ibi enim illa religio quæ Domino probatur, pro iusta & legitima est. Enimuero quod Hotomanus publici concilij Lutetiæ habiti, Ioanne Rege ab Anglis capto, & in Angliam abducto, mentionem ausus est facere, in quo nonnullos Cōsiliarios Regis exclusos dicit, imò iussos conuentu exire: hīc etiam ostendit quantum illi seditiones probantur & placeant. Sed quia Froissardus, ipseque Mōstreletus, quorsum euaserit hoc concilium, satis docent, quos consulere debebat antequam illius mentionem faceret, vidisset verum esse quod ex Liuiο suprā diximus de plebe, Aut seruit humiliter, aut superbè dominatur: eò enim res processerat, vt nisi Caroli quinti, Ioannis filij, Normaniæ ducis, tunc Regnum regentis prudentia obuiam itum esset, plus mali cœtus ille Regno adlaturus erat, quàm ipsius Regis Ioannis captiuitas, qui tamen non ita natum dissidium componere potuit, quin multa & magna ex illo incommoda nata sint huic Regno, ipsique Carolo, qui non semel in vitæ discrimen incidit, plebe laxatis habenis furente: quæ, vt iterum dicam, aut seruit humiliter, aut superbè dominatur: & tamen exempla illa Hotomanus profert, laudat, & imitatione digna iudicat, vt mutet quadrata rotundis. Et ea ratione citat Ciceronem ad Brutum, vbi Cicero fatetur semper sibi placuisse, non Re-

ge solo, sed Regno liberari rempub. Idem animus Hotomano, idem propositum, ea mens, licet dispar sit ratio, nec deesset conatus, si vires sufficerent: sed nihil ille præter inanem latraturum habet.

IN CAP. XVI.



Cuius non satis fuit ter aut quater eandem lectionem cantare, nisi etiam hoc xvj libelli sui capite, iterum, tãquam Penelopes telam texens, suum impudēs commentũ, toties explosum, toties cẽsum, falsi mendaciũque conuictum, inseruisset. Ait ille superius demonstratũ fuisse, Francogallię Regnũ per mille ducẽtos annos in tribus tantum familiarum nominibus versatum, Merouingorum scilicet, Carlouingorum & Capeuingorum. Tu quartam moliris & optas: quod te malẽ habet, & iterum mentiri cogit impudẽter, dum ais non hæreditate, sed concilij iudicio, Regni successionem delatam: quod tu planẽ nosti falsissimum, vt superius satis supẽrque probauimus, & series Regum nostrorum omnibus nota, hoc indicat, quã hĩc repetere, tædium & nausẽã lectori pararet. Subiungit ille libenter tamen, Franci Germanorum suorum institutum retinebãt, vt Reges ex nobilitate; Duces ex virtute sumerent, ac plerumque Reges sibi deligerent, qui Regali sanguine prognati, regaliter instituti educatĩque fuerãt, siue ex propinquorum numero & gradu essent,

essent, siue non, sic inquit ille, circa annum Domini 987. à Ludouico vltimo ex Carlouingis ad Capetum Francorum ducem Regnum delatum extitit. Dij te perdant cum euentura tua electione. Sed dic, profer, & recita authorem: tibi enim, tanquam impudenti nugatori, nemo vnquam fidem dabit: imò verò profer aliquem, qui turbato ordine successionis, tū ex Merouingis tum ex Capeuingis, Regnum adeptus sit, excluso propinquiore: recitarem iterum ego lubenter eo loci seriem Regum nostrorum, ad deridendum Hotomanum, ni superius multa ad hanc rem dicta & probata fuissent, & notæ non essent Regum nostrorum historiæ, quòue ordine, quomodo, quando, & à quibus Regna acceperint: sed ait, Cùm è familia Carlouingorum Carolus Lotharingæ dux superesset, Hugo Capetus, Imperatoris Ottonis ex sorore nepos, Hugonis illius magni Comitis Parisiensis filius, Regnum adeptus est, alienato à Carolo Francorum animo, quòd Lotharingiam Imperatori cesserat, vt Appendix ad Aimoinum docet, lib. 5. cap. 44. quam historiam ab Hotomano insertam libello suo ea ratione iudico, quòd duæ illæ Regum mutationes illi maximè placent: & vt dictum est, non alia ratione ista proponit, quàm vt imitentur. Quomodo autem acciderit huiusmodi mutatio, qua fieri potuerit fide, licet inuitus, narrabo, alius re repetita. Superioribus dixi, Merouingis ob ignauiam & socordiâ regno pulsus, imò è medio sublaris, per Maiorem domus Pipinum Austrasiū, qui sibi & suis Regnum

parauerat, summa rerum penes Carolum Magnum eius filium, Carolomano altero filio mortuo peruenit, Magno successit Ludouicus filius, qui ob morum facilitatem & sanctitatem Pij nomen adeptus est, cui maiora bella & deteriora à filiis fuere, quàm ab exteris. Notum enim est Pium à filiis sæpius bello petatum, carceribus mācipatum, Iuditha vxore in monasterium acta, mox in exiliū: quæ dissidia aliquo modico intervallo sopita, imò potius dissimulata, extiterunt, Ludouico in Regnum & Imperiū restituto, & Iuditha vxore exilio reuocata. Tandē decessit Pius, vt refert Appēdix ad Aimoinum, lib. 5. cap. 20. Cal. Iulij 840. quo defuncto seditiones, quæ Pium agitarant, cum hæreditate ad filios transierunt: Carolum, qui Caluus dictus fuit, scilicet, Lotharium, Ludouicum & Pipinum, inter quos fit bellum Fontaneum in Burgundia atrox: vbi, (vt inquit Appēdix, & superius diximus) multus effusus est sanguis: Caluo cessit Regnum Francorum. Lothario, pars illa eiusdem Regni Franciæ, quæ Germaniam respicit, deque nomine illius Lotharij Regnum, appellata Lotharingia, dicitur. Ludouico, Burgundia: Pipino, Aquitania. Nec mirū si Regnum hoc tot portionibus diuisum, tandem lapsum sit, donec ad vnius iterum redierit arbitrium. Ita diuiso Imperio, aliquantulū quieuerunt fratres. Lothario extincto in Italia, quod accidit circa annum Domini 858. Caluus audito fratris obitu, eodem anno, 5. Idus Septembris, Metis in Ecclesia sancti Stephani cum benedictione sacerdotali coronatus est: vnde
inter

inter Caluum, & Ludouicum fratrem Regem Germaniæ & Burgundiæ, magnæ contentiones pro Lotharij successione exortæ sunt, quæ tandem paulò post sopitæ, & successio Lotharij inter fratres diuisa, qui tamen quoad vixerunt sibi inuicem insidiati sunt, alia superueniente causa: nempe Ludouico Rege Italiæ mortuo, Caluus, inuitante Ioanne Romano Pontifice, Romam profectus est, & ab eo, vt Appendix refert eodẽ lib. cap. 32. xvj. Cal. Ianuar. cum magna gloria in Ecclesia sancti Petri susceptus est, anno 876. mox in die Natiuitatis Domini eiusdem anni, in Imperatorẽ est vnctus & coronatus, atque Imperator Romanorum declaratus: vnde iterum controuersiæ inter Caluum, & Regem Germaniæ Ludouicum, quo defuncto non minor inter Caluũ & filios Ludouici quæstio, fuitque atrox prælium ad Coloniam inter Caluum & Ludouicum Ludouici fratris filium: quo prælio victus Caluus, exercitu penè deleto, coactus sibi consulere: & tandem à Sedechia Iudæo medico suo, hausto veneno, quod illi loco medicamenti propinarat Iudæus, moritur Caluus: in cuius locum, Ludouicus filius, quem nostri Balbum vocant, in Regem Francorum ab Huicmaro Remorum Episcopo inungitur, circa annum Domini 877. qui, teste Reginone lib. primo, circa annum Domini 878. obiit, non sine suspitione veneni, relicto cognomine filio, & altero Carolomano, quibus Boso (cuius, vt refert Appendix ad Aimonium, cap. 32. lib. 5. Caluus sororem vxorem duxerat, eumque Ducatu Mediolanensi donarat)

H

data in matrimonium Hymégarda Ludouici Imperatoris filia, bellum intulit, séque Regem Burgundiæ dixit, vxore inflata animis Regiis ad id impellente. Ludouicus quoque, qui Germanis, vt dictum est, imperabat, audita Balbi morte, adolescentibus filiis bellum etiam intulit, à quibus portionem Regni Lotharij quam pater tenuerat, Caluus verò ademerat, accepit: addita etiam, vt refert idem Regino eodem lib. 2. Chronicorum S. Vedaſti Attrebatſis abbatia. Tandem Ludouicus Ludouici filius, Calui nepos, obiit anno Domini, ſecundum Reginonem, 883. Appendicem verò Compendij 882. relicto Carolomano fratre, quem etiam obiſſe Regino horum temporum ſcriptor teſtatur, anno Domini 884. induciis cum Northmānis pactis: non, vt aſſerit *Æmilius*, dum in equo ludibundus, reſugientem domum puellam inſequitur, impetu equi intra humile oſtium illatus: ſed, vt idem Regino ait, ex vulnere in venatione ab apro illato, vel à quodam ſuo ſatellite, improuidè arma ferente. *Hic* verſari in maxima caligine incipiunt res Francorum, dicam tamen quod comperi, nempe poſt eorum obitum, cū Northmanni Gallias vaſtarent, vt Regino & Sigibertus eum ſecutus referunt, Franci Carolum Ludouici Germani filium, Calui fratrem, vt Reginonis verbis vtar, vltro in Regnum euocant, eiſque aduenienti ad Gundolphi villam obuiam procedunt, & manibus ſacramentiſque iuxta morem daris, eiſ ditioni ſe ſubdiderunt: eum recētioreſ ſcriptoreſ Crāſſum vocant. A quo etiam (quia, vt ait Regino, corpore

pore & animo ægrotabat) Franci optimates defecere ad Arnulphum Carolomāni filium, eūque, ut Reginonis verbis utar, ultro in regnum attrahunt, & subito facta conspiratione ab Imperatore deficientes, ad prædictum virum statim transeunt, ita ut in triduo vix aliquis remanserit, qui ei saltem officia humanitatis impenderet; quo defuncto (obiit enim anno Domini 888.) non solum Francorum Regnum, sed Imperium scissum est. Cum enim, ut Regino inquit, quem ego cæteris scriptoribus præferendum censeo, ut pote gesta sui temporis scribentem, non desissent Francorum principes, qui nobilitate, fortitudine, & sapientia, Regnis imperare possent, quia inter ipsos æqualitas generositatis, dignitatis, ac potentiae, discordiam augebant, nemine cæteros præcedente, ut eius dominio reliqui se subdere dignarentur, quædam pars Italici populi Berengarium Foroliuiensis Comitis filium, Regem sibi statuunt. Franci verò, cum consensu eiusdem Arnulphi, Othonem Ducem Andium Roberri Ducis qui bello Northmanico obierat, filium, extra Carlouingorum stemma & familiam, virum tamen strenuum, forma & proceritate conspicuum, cui virium sapientiæque magnitudo inerat, Regem super se creant, qui viriliter repub. rexit. A quo tamen anno Domini 892. Principes Francorum maxima ex parte deficiunt, & Carolo, quem nostri Simplicem vocant, Balbi filio ex Adheleide manus dant, factione Falconis archiepiscopi, & Pipini Comitis, eūque Remis in Regnum eleuant, quos Hoto,

H ij

nostri Odonem vocant, compositis rebus in Aquitania, cum ipso Carolo fugat, persequiturque. Hoto siue Odo obiit anno Domini 898. quo defuncto, solus Carolus Simplex ex voluntate Principum regnat : quo tamen in carcere truso per Heribertum Veromandum, Franci ab eo defecerunt, & Rodulphum Burgundum extra progeniem Carlouingorum sibi in Regem assumunt. Inter quem & Robertum, Hotonis siue Odonis fratrem, quem superius à Reginone Regem Francorum diximus, grauissima extiterunt bella : eo tandem defuncto, Franci Ludouicum Simplicis filium, qui tunc in Hybernia, vel secundum quosdam, in Anglia degebat (nostri ob id vocant transmarinum) Regem assumunt: aduersus quem Hugo maximus dux Francorum Hotonis siue Odonis Regis propinquus, qui transmarinum ex Anglia cum matre Headgina Simplicis vxore euocarar, bellum parauit. Appendix ad Aimoinum, cap. 6. testatur, Simplicem totum vitæ tempus duxisse plenum angustiarum, ærumnarum & molestiarum, mox diem clausisse, secundum Sigibertum, anno Domini 955. relictis Carolo & Lothario. Lotharius factione Hugonis magni ducis Francorum in Regno præfertur : Carolus priuatus vixit : obiit Lotharius anno Domini, 977. reliquit, secundum Appendicem, Ludouicum, quem nostri ob ignauiam, inerrem vocant, dicuntque anno tantum regnasse, & obiisse anno Domini 985. Appendix verò, 1x. regnasse dicit : utcunque sit, certum est Carolum, quem Appendix filium Lotharij,

tharij, Sigibertus fratrem dicit, ab Hugone filio Hugonis magni Ducis Francorum, Hotonis vel Odonis Regis Francorum nepote captum, Regno priuatum, & in perpetua custodia Aureliæ cum vxore & liberis adseruatum quoad vixerit, eundemque Hugonem, cum filio Roberto, Regem Franciæ creatum. Sic tandem hoc Regnum ex Carlouingis ad Capetum peruenit, quod ego ordine commemorare volui, non ea ratione qua Hotomanus: sed vt lector secum reputer, quo in statu tunc temporis res Francorum esse poterant: ad quæ tamen tempora nos Hotomanus, si posset, reuocaret. Præterea vt omnibus innotescat, nihil esse tam constans, tamque perpetuum, & legibus optimis stabilitum, quin pluribus incommodis obnoxium sit, & vicissitudine quadam mutationes recipiat: quas tamen mutationes, tanquam perniciosissimas, & in interitum generis humani esse Plato docet, lib. 7. de legibus: ideò vitandas, quatenus humana fragilitas præuidere potest, & illis ratione qua à Deo donati sumus, obuiam ire, licet sæpissimè mala ista nobis procurantibus accidant, propter populi vel Regum peccata, quibus aliter mederi non potest: mutationes enim Regnorum, Imperiorum, Rerumpub. maximè à Deo pendent, in quibus videmus, manū Domini fortissimam, & minaces iras. Nam, vt Artabanus apud Herodotum, lib. 7. prægrandia animalia fulmine Deus ferit, nec sinit inolescere: parua verò nihil lædit; magna semper ædificia, magnasque arbores, huiusmodi fulminum tela percutiunt: gau-

det enim Deus, eminētissima quęque deprimere. Vnde & ingens exercitus ab exiguo profligatur, quoties Deus, his quibus inuidet, aut metum incurit, aut tonitruum: propterea multi ex alto & summo fastigio in maximas calamitates inciderunt, quia Deus neminem alium, quàm seipsum, finit magnificè de se sentire. Sic imperia accepimus & potestates omnium firmissimas corruisse. hæc ille. Corruit enim Medorum monarchia, corruit Persarum, Macedonúmque: & quod magis est stupendum, Imperium Romanum omnium præstantissimum, quod æternum omnes existimabant, concidit: tanta est rerum humanarum inconstantia & varietas. Sic Regnum Francorum ex Merouingis ad Carlouingos, mox ex Carlouingis ad Capetum, Dei iudicio, translatum fuit. Vt tandem his exemplis, Reges & iudices terræ sapere discant, ac metuere, nec omnia pro voluntate & arbitrio gerere sibi permissum existiment: reputantes Deum aliquando, licet serò, tandem misertum populi, vindictam de illis sumpturum, & ex illo summo fastigio eos deiecturum: agnoscantque quàm grauis casus in seruitium ex Regno sit, vt inquit Salustius. Superest quod postrema huius capitis parte Hotomanus, sequutus illius superciliosi scriptoris gallici somnia, ait, non esse prætereundum silētio astutum Capeti in nouo Regno stabiliendo consilium: Quod ille ad conciliandos retinendósque Procerum animos, quæ temporarię erant dignitates, veluti Ducatus & Comitatus, fecit perpetuas, constituítque vt qui

eas

• eas obtinebant, patrimonij iure retinerent, atque ad suos liberos posterósque, cum reliqua hæreditate, transferrent: quo facinore non minimam publici Concilij auctoritatem imminutam dicit. Certè etiam eo loci Hotomanus detegit qualis vir fiet, calumniator scilicet, & conuiciator impudentissimus: calumniator quòd falsò insimulet huius, vt ille loquitur, facinoris Capetum: conuiciator, qui non veretur talem Regem astutum dicere, & commissi facinoris accusare. Quid enim de veteratore Dauo Terentiano peius diceret? Sed imitatur illum scriptorem Gallicum recentet ortum, qui eadem vel maiore insectatione Capetum proscindit. Habet etiam Connanum suæ opinionis assertorem, virum certè doctissimum, qui tamen allucinari potuit, fallique, cùm certum sit longè ante Capetum hoc factum fuisse. Nam in Germania Ducatus, Comitatus, & huiusmodi sunt hæreditarij ab hinc septingentis vel amplius annis, qui tamen Merouingis erant tantùm dignitates vel officia. Quis hoc facinus in Germania commisit? quis in Italia? non dices Capetum, qui neque Germanis neque Italis vnquam imperauit, vt omnes norunt. Quare Imperatori Germano non renuntias, vt ille potestates huiusmodi, quæ in Germania multæ & innumeræ sunt, tandem in ordinem cogat, reuocérque ad primum statum: si tamen posterioribus Imperatoribus non licuit, vt tu sentire videris, Ducatus & Comitatus, & huiusmodi dignitates hæreditarias facere. Vide quomodo te geris erga Princi-

H iij

pem illustrem, Comitem Palatinum, Electorem, cui tandem ausus es librum tuum dicare, plenum huiusmodi fabulis, cum tamen liber ille, illi, & omnes alios Germaniæ Principes permixtè pungat & urgeat, tanquam sacri Imperij & patrimonij iniustos possessores, inuasores, vel usurpatores: nam quid aliud vis huiusmodi narratione ridicula, quæ certè multum detrahit de conditionis tuæ opinione: sed quia tu me, licet reluctantem, in hanc cogis descendere aleam, ut ad te redeam, qui nihil pro tua malè concepta opinione adfers præter nugæ, locumque illum, qui certè propter illius antiquitatē lubricus est, versaturque in maximis tenebris, peruium & clarum faciam quoad potero, liceatque de hac re meam promere sententiam: Certum est Capetum frustra in ius hac de causa vocari, multis enim ante Capetum temporibus id factum fuit, regnantibus scilicet postremis ex Carlouingis: tanta enim erat tunc rerum omnium cōfusio, tot bellis francogallia, totque seditionibus agitabatur, ut facile fuerit iis, qui huiusmodi dignitatibus præfati erant, eas tanquam hæreditarias retinere, siue permittente Rege, siue annuente, vel potius dissimulante, cum aliter tueri, nisi his iuvantibus, Regnum desperasset: ut Appendix ad Turonensem videtur significare etiam id factum Merouingicis temporibus, labente eorum Imperio: sic enim author illius Appendicis, cap. 108. procedēte alioquin anno sequente egregius bellator, Carolus princeps (de Maleo vel Martello loquitur, quem proximo capite occidisse Abyda-

Abydaramum Sarracenum dixerat) regionem Burgundiæ sagaciter penetravit, fines Lendibus suis probatissimis viris, industriis ad resistendum, rebellibus & infidelibus, statuit: præterea ut historia Carlouingorum vltimorum testatur, tantus erat nobilitatis fastus, ut non solum dignitates illas, sed abbatias hæreditarias facerent, auctor est Appendix ad Aimoinum, lib. 5. cap. 36. & cap. 42. melius, cap. 43. vbi mentio fit Rodulphi Ducis Burgundionum Richardi Ducis filij: Appendix, Regino, & Sigibertus Rodolphum in albo Regum Francorum numerant: meminit præterea eo loci Gisleberti Ducis Burgundiæ, quem ait reliquisse ducatum Othoni filio Hugonis Magni genero suo: addit eodem cap. Othone Duce Burgundiæ defuncto, ei successisse Henricum fratrem: & sic à Richardo ad Rodolphum: à Rodolpho, ad Gislebertum: à Gisleberto verò, dotis nomine, ad Othonem: ab Othone, ad Henricum fratrem, per successionem Ducatus ille transiuit: quæ omnia longè ante Capetum facta ordo temporum satis docet. Eadem de Andio Comitatu, & multis aliis ostendi possent, sed locus ille pluribus egeret: itaque sufficiat docuisse falli & errare Hotomanum turpissimè, falsoque insimulare huius facti Capetum, ut ille cum magna impudentia, ne dicam ignorantia, facit.

*

IN CAP. XVII. & XVIII.

DVOBVS Capitibus sequentibus, vnum quod est xvij. de continuata publici concilij auctoritate in Capeuingorum familia: alterum xvij. de memorabili auctoritate Concilij in Regem Ludouicum x i. satis fatetur Hotomanus, quod inficiari sine impudentia non posset, leges etiam temporibus Capeuingorum viguisse, & vt vno verbo dicā, non Regnum, sed Reges mutatos. Enimvero si comparationi locus esset, multum differt Capeuingorum à Merouingorum & Carlouingorum politia & administratione: siue leges, siue quid aliud in comparationem venire possit, vt ex ijs quæ dicta sunt sciri faciliè potest, & melius si Reges Regibus, tēpora temporibus opponas: quæ quia locus hic non postulat, & res longiore eget narratione, sufficit etiam ore proprio Hotomani, qui aliter factum vellet, Reges Capeuingos iustiores Merouingis & Carlouingis semper fuisse, esseque. Porro de controuersia pro Regno Francorum inter Philippum Valesium, & Eduardum Angliæ Regem; Elizabethamque eius vxorem, Caroli Pulchri Regis Frācorum sororem, qui sine prole mascula obierat, cuius hoc capite meminit Hotomanus, & in qua Philippum fuisse superiorem nemo nescit: non est verum solutam fuisse, & terminatam in publico gentis conuentu, vt vult Hotomanus, sed Lutetiæ in Parlamento Patrum

Patrum, siue Pariū Curia, iudicio Curia, ac duodecim Parium Francia, vt ex Froissardo satis colligi potest: denique extat Arestum, recitatione cuius id melius sciri poterit, licet verum esse nolum inficiari, interfuisse actioni & huiusmodi quæstioni, Regni huius Proceres. Sed an illi suam in hoc cœtu dixerint sententiam, nihil Froissardus. Itaque dicendum est interfuisse quidem actioni, tanquam Regis Comites, vel spectatores, vt fieri plerunque videmus, quoties Rex ius dicturus, Parlamentum ingreditur (id vulgus vocat, lectum iustitiæ tenerè. Cæterum hoc loco paululum diuertere, formamque huiusmodi cœtus narrare, quove ordine sedent, qui & quibus ius ferendæ sententiæ in eo competat, non erit otiosum nec inutile posteritati insinuare & mandare, cum videamus in talibus vestigandis & quærendis, hodie hominum doctissimorum ingenia valde occupata & intenta: quæ si apertius fuissent enuntiata, clarior esset historiarum, non tantum nostrarum, sed externarum cognitio. Sic ergo habet, Regem Curiam ingredientem (vt dixi) comitantur, & in inferioribus subselliis sedent, qui sunt secretioris illius Consilij, quibus permissum est de re controuersa suum promere iudicium: in maioribus autem Principes consanguinei primo ordine à Rege, qui illis est erectior & remotior, & ipsi sententiā dicunt. Ab iis verò principibus, ipsi Pares Francia laici ab vno latere, Ecclesiastici verò ordinis ab altero, idque in superioribus subselliis, longiusculè à Rege, quorum etiam explorantur

sententiæ: adest Cancellarius sententiarum, opinionum aut suffragiorum Regius narrator, & enuntiator: quique, prius explorata & quæsitâ Regis sententiâ, illius tamen autoritate statuit. Adfunt & Regni Proceres, & qui dignitate egregia præditi sunt, siue ex Comitatu principis, ut magnus Magister domus, magnus Camerarius, summus Cubicularius, summus Dapifer, summus equorum regionum custos, & huiusmodi: siue Regni dignitatem gerant, ut Connestabulus, Tribuni militum, quos Mareschallos vulgò vocamus, qui etiam sententiâ dicunt. Item Nauarchorum præfectus vel Thalassiararchus, vulgò Amiralium vocamus: & similes, ut puta Præfecti & Præsides prouinciarum, quos vulgus vocat Balliuos & Seneschallos, quibus tamen ius ferendæ sententiæ non est, nisi cum dignitate à Cõsilio secretiori Regis sint: intersunt ipsi Præsides & Senatores Parlamèti, purpurati omnes, qui etiam sententiâ dicunt. Tandem ut ad propositam narrationem redeam, cum finem huiusmodi quæstio illo Aresto celebri acceperit, ex iure, non manu aut vi, clarum efficitur, legis Salicæ autoritate fuisse iudicatum, quâ fœminæ non solùm Regno, quod nunquam nisi ab illo perpetuo Francorum hoste, in dubium vocatum fuit, siue Merouingis, siue Carlouingis, siue Capeuingis: sed portione Regni quantulacunque arcentur, ut superioribus docui, & veritas facti, quæ omnes alias probationes superat, satis ostendit. Nulla enim vnquam alia inueniri poterit affectati huius Regni suspicio tantum, ne dicam

dicam controuersia, ab aliqua fœmina, aut eius marito quantumuis proximior agnatione, aut sanguine fuerit: vt mirum sit, tam impudenter scriptorem Gallicum, cum supercilio & magna audacia, ab hinc duobus annis scripsisse, in suis narrationibus & commentariis, fœminis Regno nostro interdici, non alio iure quàm vi & armis (omnium, vt inquit ille, legum fundamentum) quasi velit institutum illud siue legem, siue consuetudinem, siue quid aliud voces, nulla ratione, sed solius imperantium voluntate niti: cum tamen nihil magis consentaneum naturæ sit, quàm viros viris imperare: non quòd ego Regna, quorum ex consuetudine fœminæ capaces sunt, improbem: multas enim fuisse, esseque, non contemnendæ authoritatis: quæ etiam melius imperarunt, imperantque viris. Ego ordinem naturæ, & non quod præter eam, ne dicam contra sit, sequor: quæ prius vt ortum & generationem ita imperium viris detulit, qua duce nunquam aberrabimus, vt inquit Tullius. Nec enim, vt ait Plato, bobus boues, nec capris capras præficimus, sed nos ipsis, genus melius, dominamur: hoc tamen illi condonandum censeo, quem, vt alienis inferuier & placeret auribus (vt aliena opera vsus est) talia dixisse existimo: neque enim de huiusmodi rebus iudicare potest, cum sit tantum organum & instrumentum alterius dogmatis & opinionis. Etenim nemini dubium esse potest, vt etiam ait Plato, lib. 4. de legibus, vel populum superatam, vel aliam quampiã rempub. vel Tyrannum, ad aliud sponte leges

laturum, quàm ad vtilitatem suam, hoc est, sui principatus stabilitatem, quas qui transgreditur, vt iniquus ab eo, qui eas institutiones induxit, iustasque appellat, punietur: sed hæ, eo authore leges non sunt, cùm leges dici & censei ea debeant, quæ ad temperantiam, & virtutem salutemque ciuium & subditorum respiciunt, Is enim, vt inquit ille, solus rectè ferre leges existimandus est, qui veluti sagittarius, illuc animum semper intendit, vnde continuò aliquid sequatur, eorum quæ bosia sunt: reliquit verò quod à virtutibus separatum est. Ad quod lex illa siue Salica, siue, vt vult Postellus, & fortassis bona ratione, Gallica, imo naturalis, tendit: quid enim melius, & ad naturam accommodatius, quàm hominem qui caput fœminæ est regnare? Itaque nō vi & armis lex illa posita fuit, sed ratione naturali, & omni iure diuino & humano, vt pluribus docere possem, si huius esset loci ac temporis, nec longiore opus esset narratione. Quare, vt ad Hotomanum redeam, non est quòd tanto-perè sese torqueat, hoc 17. cap. ad authoritatem concilij ostendendam & probandam: cùm nemo adeò impudens & perfrictæ frontis inueniri possit, qui hoc neget. Satis enim superioribus docuimus, multa negotia, eaque grauissima, ordinum vel statuum consilio plerunque terminata & decisa, solius tamen Regis nomine & authoritate. Quorsum autem euaserit Concilium illud habitum Lutetiæ, capto ab Anglis Ioanne Rege, cuius meminit Hotomanus, quantumq; barbarum & seditionū ciuerit, legat Gaguinum, Frois-

Froissardum & Monstreletum : legat inquam, & inueniet nihil verius esse, quàm quod Liuius ait, & bis à me iam dictum fuit, de plebe, aut seruit humiliter, aut superbè dominatur. Habes Horomane, quod te non puduit scribere, nempe ex Regno non tyrannidem, sed oligarchiam omnium malorum maximam, qua tu maximè delectaris : etenim verum est, Ioannis captiuitatem, exercitusque illius cladem, & internecionem in agro Pictauiensi, non maius detrimētum Galliaë inflixisse, quàm seditiones, quæ ex illo cœtu natæ sunt : nam quicquid malorum ab Anglis, Nauarris, Arminiis, Burgundis, & huiusmodi, illatum Franciaë per tot annos extitit, à Ioannis captiuitate vsque ad Carolum vii. inde originem traxisse, nemini in lectione historiarum nostrarum tam modicè versato, incognitū esse potest : ex illo enim seminario, quicquid fuit bellorum in Gallia, siue ob tutelam Caroli sexti, quem pater impuberem reliquerat, siue ob furorem in quem princeps ille alioquin bello strenuus, & viribus corporis nulli secundus, incidisse dicitur, non sine suspitione dati medicamenti, ex illo fonte originem accepit : donec Carolus septimus sapientissimus, fortissimus & piissimus, omnibus prope fortunis spoliatus, tandem ope diuina de Anglis, domesticis factionibus, & seditionibus triumpharit, toto Regno Anglis ipsis expulsis, & trans mare amandatis, vnica Calæte excepta, in memoriam pristinaë eorum rebellionis & tyrannidis, quod nullum genus sæuitiæ & crudelitatis in Francigenas Francis ipsis ductori-

bus prætermiserant: vnde meruerint nomen habere & antiqui & perpetui hostis nominis Francorum, à qua etiam emensis ducentis circiter annis, auspiciis Ducis Guisij Lothareni, Regis Henrici Legati, vi expulsi sunt, anno Domini 1558. Vide, Hotomane, fructus cœtus tui tãtopere celebrati, & cantati. Sed te ista oblectant, itaque non est mirum si sæpius in ore habeas. At verò de memorabili illius concilij authoritate, quam memoria patrum nostrorum interpositam rursus Hotomanus cum magno fastu & procaci oratione dicit 18. capite, censetque narrandam & non prætermittendam, contra Regem Ludouicum vndecimum, quem superiorum Regum omnium versutissimum, & callidissimum habitum esse dicit. Videamus tandem quis fructus, quis ve exitus fuerit huiusmodi cœtus, & certè seditionum amantissimus, & incensor Hotomanus, narratione sua fateri cogitur, nihil præter cædes, rapinas, vrbium direptiones, incendia, constuprationes, & libidines execrandas: postremo quicquid malorum bellum inferre solet, ex tam memorabili & non prætermittenda auctoritate manasse, tot defectoribus & coniuratis, cocuntibus aduersus Principem suum. Atqui, ait ille, euocatis assiduus plebis querimoniis & postulationibus exercitum comparasse, ea scilicet ratione, vt si Rex consulere bono publico & bonis consiliis parere detrectaret, vi cogere possent: qua de causa bellum illud bono publico susceptum dicebatur, cum tamen in perniciem populi vergeret, vt euentus docuit: hoc certè illi

illi prætexebant, ut solent qui causam secessionis aut dissidia quærunt: quî enim, nisi illo colore quæsito, bellum intulissent? Omnia mala exempla, ut inquit Salustius, ex bonis initiis orta sunt: id est, habent velamentum & specimen cuiusdam probabilis argumenti: nam ut pulchrè Plato, lib. 3. de legibus, non arduum est videre si exemplo commouearis: qua ratione Gracchi duo aduersus rempublicam Romanam conspirarunt, bono, ut inquebant illi, publico, nempe quòd plebs à nobilitate opprimebatur. Marius dictaturam arripuit, non sine prætextu boni publici: Cinna & Sylla non carebant exemplo: & ipse Sylla trucidatis ante ædes concordiæ, in quibus senatum coegerat, sex aut septem virorum & ciuium Romanorum millibus, Senatu ob lachrymas, & ululatus occisorum, quos exaudire poterat, vehementer turbato & commoto, ait se quosdam seditiosos iussisse perimi, ut cæteri securè viuerent. Suberat Catilinæ prætextus rempub. inuadendi, urbem incendendi: non defuit Cæsari causa velata rempub. occupandi, nec Bruto & Cassio Cæsarem occidendi. Sertorius causas prætexuit: Hannibali non deerat causa mouendi bellum aduersus Romanos & Saguntinos, nec Romanis aduersus Mithridatè & Antiochum, Alexandro aduersus Darium. Quid plura? putas ne vnquam motum bellum sine aliquo inani prætextu? Sed nihil periculosius, nec in speciem fallacius, cùm bonum aliquod prætenditur sceleribus, veluti factum fuit. Etenim ni Ludouicus, quem tu versutissimum & callidissimum dicis,

improbè, partim simulando, partim dissimulando eorum conatus compressisset, actum penitus erat de Regno Francorum, tantum abest ut causa boni publici tunc coniuratis illis curæ fuerit, ut nihil deterius populo contingere potuerit, qui semper alienis delictis & erratis plectitur, ut experientia tunc didicit: & nunc videmus, vidimusque tribus lustris præteritis, non sine magno, quid dicam damno? imò cum summo malo & penè totius regni interitu. Hæc sunt quæ tu iterum reuocare in lucem opras, hæc vota tua, hic scopus tuæ orationis, hic cardo tuæ causæ, nempe ut omnia terribilissimo bello ardeant, ut Gallia in se ruat, & sese laceret ac laniet, veluti hæcenus talibus classicis & furiis, proh dolor, cum magno omnium bonorum mœrore fecit facitque: neque alienis exemplis aut periculis fit cautior, licet notum sit, coniuratos illos tandem pœnas dedisse. Quidam enim ferro, veluti Charolensis huius factionis princeps, alieni appetitissimus: alij violenta morte, alij verò ultimo supplicio. sed hæc tetra & tacenda exempla sufficiant, quæ coactus, ut dixi, profero. Cæterum quæ Hotomanus ex Cominij lib. historiarum quinto, cap. 18. libello suo inseruit, de Ludouico x i. nota sunt: & utinam eo animo, quo Cominius, inseruisset, certè non egeret responsione: non enim Cominius id agebat ut turbas ciceret, vel classicum caneret, ut Hotomanus: alia pio viro, Regisque sui & Regni amantissimo mens fuit: culpabat ille Aulicorum perfidiam, qui Regi non optima, sed suauissima consulunt, ei que omnia licere non verentur

verentur affirmare: cùm tamen miser sit ille, vt
suprà ex Tullio dixi, qui omnia sibi licere existi-
mat: verùm Cominius Regem minimè tollere
nitebatur, vt tu conaris. Sunt certè Reges, vt
cæteri mortales, quibusdam vitiis obnoxij, & eò
deterioris conditionis, quòd eorum vitia in oc-
culto esse nullo modo possint. Nam, vt inquit
Capitolinus in vita Marci Philosophi, nemo est
principum, quem non grauis fama perstringat.
Inerant tamen in eo principe ingentes virtutes,
de quo dici potest quod de Seuero Pertinace di-
ctum fuisse refert Lampridius, nūquam nasci de-
buisse, aut mori, quod nimis vtilis reipub. vide-
retur: illo enim imperante sublatae sunt & omni-
no extinctae seditiones, quæ per centum amplius
annos Gallias vexarant, vt suprà monstraui-
mus. Et tandem Hotomanus talem principem non
erubescit proscindere, cum tanta certè impuden-
tia, vt non Regem, sed infimæ fortis hominem
notare videatur. Viderit itaque lector, quid de
illo iudicandum sit: non enim in animum in-
duxi cum illo conuiciis agere: neque enim
solùm, quid illum audire, verùm
quid me deceat dicere, confi-
dero: itaque ad penul-
timum libri sui ca-
put venio.

IN CAP. XIX.



V o Hotomanus quærit, an mu-
 lieres non vt ab hæreditate Re-
 gni, sic ab eius procuratione Frã-
 cogallico iure arceantur : in qua
 quæstione non minus seditiosè
 agit, quàm superioribus : & for-
 tassis non alia ratione libellum istū in lucem emi-
 sit, quàm vt Reginarum excellentissimam Regi-
 nam Catharinam, Henrici secundi vxorem, nun-
 quam satis laudatam, tot Regum Reginarumque
 matrem, odiosam Francis proponeret : sciebat
 enim Hotomanus, illa stante, suos conatus &
 aliorum seditiosorum irritos fore. Itaque nescio
 quo malo genio videtur diuinasse & præsensisse,
 quæ ab editione libri, in Francia, præter omnium
 opinionem acciderunt, nempe Henrici tertij
 profectiōē in Poloniam, & eo absente, obitum
 Caroli fratris : existimabat enim si oratione illa
 excitati Franci, Reginæ negotium facerent, li-
 berius in vacuas ædes grassaturos perduelles. Sed
 Hotomane, melior mens, melior Francis animus
 est : non possunt capi verborum inanum illece-
 bris : norunt quò tendat illa modulatio, quòque
 illa verba splendida tendant : Reginæ arceantur à
 Regno legibus Francorum, ergo à Regum etiam
 filiorū tutela & procuratione, quasi eadem sint,
 vt tu tamē vis, & hæc est instituti Hotomani opi-
 nio. Audiamus tandem quibus argumentis suam
 tueretur opinionem. Primū ille vult testatum, se
 non de Romanorum, neque de aliarum gentium
 iure, sed tantū de huius nostri Francogallici
 institutis disserere : callidè certè, & versutè. Ita
 enim

enim Hotomanus ius Romanorū respuit, non ficta ratione qua vtitur, sed propter præiudicium quod ille sibi fieri censeret: eo enim iure non solum tutelæ filiorum fœminæ capaces sunt, sed quod magis est, tantis dignatæ sunt Imperatrices honoribus & priuilegiis, vt nomen Augustæ meruerint. Meminerat præterea Mameā Alexandri Seueri piissimi & optimi Imperatoris piissimā matrem, curam non Regni, sed Imperij suscepisse, eiûsque consilio semper vsum Alexandrū: sciebat fuisse alias præclaras fœminas, tam in Romano imperio, quàm in exteris Regnis, quæ melius viris imperarunt, & inter eas Agnetem Henrici IIII. Germanorum Imperatoris matrem, quæ curam impuberis filij & Imperij accepit, rectèque gessit, donec Episcopus Colonien-sis, & quidam alij seditiosi, è matris gremio Imperatorem duodennem sustulerunt, vnde gra- uissimæ seditiones. Præterea viderat Platonem in legibus suis, mulieres & administrationis & belli capaces existimasse, omniâque, vt ille, lib. vj. de legib. ait, fœminis cum viris communia, ad ciuitatis fœlicitatem studia constituenda esse. Legerat Plutarchum de claris mulieribus disse- rentem, & Tacitum in lib. de moribus Germa- norum, Germanos nihil neque in bello neque in pace insciis & inconsultis vxoribus tractasse, quas Cæsar ab antiquis Gallis adhibitas in Con- cilium dicit, etiam dum maiora tractabant. Non ignorabat multa esse fuisseque Regna bene con- stituta, in quibus mulieres Regni capaces sunt, ideo externa reiicit, quia præiudicium faciunt

falso illi dogmati, atqui de iure, usu & consuetudine Regni nostri agatur, & hoc Hotomano concedatur: ait ille, extare exempla superiorum temporum, quibus constat à Reginis, præsertim viduis, & Regum puerorum matribus, hoc Regnum administratum fuisse: ex usu id fieri tu fateri cogeris. Quid ergo obgannis? Sed ex contrario pugnare dicit rationem disputandi visita- tam, ut cui per se Reginam esse ius non est, ei- dem regendi ius ac potestas non sit: per se autem mulierem Reginam esse non posse, neque Regni hæreditatem ei ex eâve prognatis deferri, ut si Reginæ appellentur, per accidens & propter maritos, id fieri superius ex mille cc. annorum monumentis demonstratum dicit: & sic con- cludit, Reginas matres ut Regno, ita Regni procuratione arcendas & prohibendas, licet ex consuetudine & usu antiquissimo, & multis seculis probato aliter fuisse factum sciat: cum tamen, ut alibi dixi, Consuetudo in huiusmodi negotiis attendi debeat, tanquam lex certissima & optima legum interpret. Sed age, quistam absur- dam consequentiam ex tam malis initiis & pro- positis, tamque malè coherentibus, & omnino ineptissimam, ferat? Nec enim magis sequeretur, mulier Cónestabuli, Præsidis, Senatoris, aut Ma- ioris domus, esse non potest Cónestabulus, Ma- ior domus, Præses vel Senator: & si eo nomine dignetur, mariti causa, & non per se dignatur, sed per accidens: ergo tutelæ filiorum munere fungi non potest. Vis aliud? Dux Lotharena, eo nomine per accidens dicitur, ergo tutela filiorum
arceatur

arceatur. Vide quàm ineptè concludis: non te pudet tam inania, & pueris ipsis ridenda in lucem proferre, tu qui fama nominis Germaniam impleueris? Vide quò te adducat necessitas, cùm mendacium conaris defendere. Vrges secundò, & ais, Quemadmodum omnis, & creandorum & abdicandorum Regum potestas, penes publicum concilium erat, ita curatoris reipub. siue moderatoris deligendi ius summum penes idem concilium fuit. Ita certè, nam si nullum ius fuit populo aut concilio creandorum aut abdicandorum Regum, vt nullum planè fuisse satis docuimus, necesse erit dicere, nec curatoris dandi ius fuisse: & sic tuo te iugulas & configis gladio, cùm absurda proponis, & mendacia ex mendaciis eruis. Videamus ergo quid ex vsu frequentissimo & omnium antiquissimo, & consuetudine factum fuerit, cùm Hotomanus nihil præter mendacia adferat, & fortassis præscriptio non tantùm centenaria, qua omnes etiam iniusti possessores tuti sunt, sed millenaria iuriconsulto sufficere poterit: sed antequàm quæstioni illius respondeam, certum est Reges nostros vtriusque stemmatis, Reginis vxoribus multa detulisse, vt nihil præter Regium nomen desiderari posset: docuimus enim superioribus, Reginas quemadmodum & Reges habuisse Maiores domus: habuerunt etiam scriniorum magistros sub Merouingis, Carlouingis, & Capeuingis, sed à Capeuingis plura illis indulta fuere, quæ hoc loco recensere non erit otiosum & inutile, vt tandem Hotomanus agnoscere possit, quàm

malè iniustéque maiorum nostrorum instituta damnet, cum magna arrogantia, quæ cum semper odiosa sit, tum illi ingenij atque eloquentiæ multò molestissima. Proinde vt Reginarum priuilegia enumerem, Primum est, vt à sententiis suorum iudicum alibi quàm Curiam appellare nemini liceat. sic iudicatum Aresto anni Domini 1382. Secundum, vt nullo alio iudicio teneretur, quàm Patrum siue Parium curia, Aresto anni Domini 1340. & 1360. Tertium, vt nullis vctigalibus, angariis, parangariis, & huiusmodi, illæ, & qui in Comitatu illarum sunt, teneantur: cautum est Aresto 1281. Habent præterea litibus suis in Parlamento, suos dies, litiúmque peculiare volumen, vt Pares Franciæ, idque primo ordine. sic Aresto 1412. deinde vt litigare possint, veluti ipse Rex, Procuratoris generalis, vel cognitoris nomine, sic Aresto eiusdem Curiae anni Domini 1387. 1401. & 1405. plura cum sint prætermissa, velim ista sufficiant: cæterùm ad Hotomani quæstionem, ex fide dignis annalibus, veteribus & recentioribus, tum ex hederæ Curiae quæ registris, monumentisve publicis, & aliis qui hanc materiam attigerunt. Nemi dubium esse potest, Regibus nostris, nondum adultis, siue Merouingis, siue Carlouingis, siue Capeuingis, tutores & Regni administratos datos fuisse: non enim natura magis administrationi Regni, impuberes Reges capaces sunt, quàm aliorum hominum liberi impuberes, quibus lege probatissima, & recepta ab omnibus populis (quantumuis barbaris) rerum suarum admi-

administratio non est credita, imò verò illis dantur tutores & curatores, sed quia Regibus (vt dictum ab aliquo est) iudicium & prudentia antè tempus contingunt, legibus & moribus nostris, imò omnium gentium, tempus minus indultum est, quo elapso libera Regni Regibus est administratio. Primum tutorem video Gunthrannum Regem Burgundiæ, quem accersitum à Regina Fredegunde vxore Chilperici Regis Francorum, mortuo marito, testatur Turonens. libro septimo, capite quinto. in hæc verba: Fredegundis igitur Regina, accepto consilio, legatos ad Gunthrannum Regem Burgundiæ mittit, dicens, Veniat Dominus meus, & suscipiat Regnum fratris sui. Est mihi infans paruulus, quem in eius vlnis ponere desiderans, meipsam humilio eius ditioni. & capite septimo, Priores quoque de Regno Chilperici, vt erat Aufonaldus & reliqui, ad filium eius, qui erat quatuor mensium, se collegerunt, quem Clotarium vocitauerunt, exigentes sacramenta per ciuitates, quæ ad Chilpericum prius aspexerant, vt scilicet fideles esse debeant Gunthranno Regi, & eius nepoti Clotario. Aliud & secundum exemplum apud Appêdicem ad Turonensem, lib. 2. cap. 79. vbi sic Appendix, Post Dagoberti excessum, Clodoueus filius sub tenera ætate Regnum patris adsciuit, omnesque Leudos de Austria & Burgundia, cum Masolaco villa sublimant in regnum. Aega verò cùm Regina Nanthilde quam Dagobertus reliquerat, regebat Palatium. & cap. sequenti de eadem Nan-

thilde, condignè Palatium gubernabat & regnum. De Aega verò plura hoc capite, & cap. 89. sic ille, Nanthildis Regina cum filio suo Clodoveo Rege, post decessum Aegauæ, Aureliam venit, ibique conuocatis senioribus, pontificibus, ducibus & primatibus de Regno Burgundiæ, ad se venire præcepit, Floachatum genere Francum, Maiorè domus à Nanthilde Regina stabiliunt: Nam quod de Brunichildis procuratione ait Hotomanus, certum est neque illi delatam Childeberty filij ex Sigeberto procurationem, imò verò constat ex Turonensi, lib. 5. cap. primo, occiso Sigeberto Brunichildis marito, qui Regnum Chilperici occupare tētarat, vt alibi dictum fuit, Gundobaldus Dux Childebertum filium paruulum furtim abstulit, mox Chilpericus Parisios venit, apprehensamque Brunichildem, apud Rothomagensem ciuitatem in exiliū trussit, & cap. 2. refert Meroueum Chilperici filium Rothomagum petiisse. Itaque Brunichildem vxorem duxisse: quod matrimonium multarum ærumnarum, ac tandem, mortis Chilperici, Merouei que causa fuit, vt apud eundē, nulla mentione habita huiusmodi tutelæ aut procurationis mortuo Childeberto Aimoinus lib. 3. cap. 84. ait ei successisse filios Theodobertū, & Theodoricum, qui, vt inquit ille, adhuc puerili sub tutela auie Brunichildis constituti erant, sed eius tutelæ nullam mentionem Appendix ad Turonensem facit, quæ antiquior viderur: sic enim Appēdix, Postquam Childebertus Regnum acceperat Gunthramni, defunctus est, regnūque eius filij sui Theodobert-

dobertus & Theodoricus accipiunt, nulla Brunichildis habita mentione. Est aliud exemplum tutelæ Merouingicis temporibus, eadem Appendice, cap. 91. & sequenti, ubi refert author huius appêdicis (quis autem sit ignoratur, & cum presit iniqua dies) Clodouem Dagoberti magni filium, vxorem duxisse ex genere alienigenarum, nomine Bathildem, prudẽtem atque elegantem, ex ea suscepisse tres filios, Clotarium tertium, Childericum, & Theodoricum qui Cala dictus est, mox decessisse, cum amens effectus fuisset. Subiungit sequenti cap. Franci Clotarium filium eius maiorem natu in Regno statuunt, cum præfata Regina matre. Hic locus certè torquet & pungit grauissimè Hotomanum, etenim indubitatum continet testimonium procurationis Regni delatæ Reginæ matri. Hæc sunt quæ de tutela impuberum regum, Merouingicis temporibus dici possunt: nam quod Hotomanus bonorum insectator blaterat de illustri Regina Clothilde, Clodouei primi Christiani Regis vxore, quam inter sanctas & beatas animas locatam asserunt nostri, & credere par est, non pertinet ad Regni procurationem: & superius ille, tanquàm maximam voluptatem huiusmodi exemplis capiens, eius nefandi facinoris auunculorum, erga Clodomiri fratris filios mentionem fecerat: non ergo facinus hoc Clothildi imputandum, imò nequitia & immanitati auunculorum erga nepotes, quibus sublatis portionem Regni Clodomiri fratris exemplo sanguinario & horrendo diuiserunt. Tu tamẽ, cui frænos, imò compedes,

dare oportet, in innocētes culpam reiicis, & alieni facti pœnam luere facis, quod ius ciuile etiam Ethnicorum, in quò versaris, vetat. Sed nobis Theodorici Gothi Regis filiam, quæ serui amori vltra quàm dici potest addicta, matrem necauit, obiicis: at tu memor esse debuisti eorum, quæ initio capitis à te, tanquam à Prætore, imò tyranno, præscripta sunt, nempe, aliorum Regnorum & Imperiorum exempla non recepturum, sed ex iure nostro proposita tua probaturum: & tamen immemor edicti tui, profers exemplum externæ & impudicæ fœminæ: ego contra Amalassuntam, eiusdem Theodorici vxorem, in exemplum & honorem sexus tibi oppono, vt filiæ impudicitia, matris pudicitia & virtutibus excellentibus regatur. Habuit Vespasianus Domitianum, Marcus philosophus Commodum, Seuerus Bassianum, Cicero loquens & disertus, Ciceronem mutum & stupidum: in summa, tales habemus liberos quales Deus vult. Sed Fredegundem in medium adducit, nequissimam certè fœminam, quæ alio genere mortis, quàm quo Brunichildis interiit, non erat digna: illa fortassis ad perpetuas pœnas, altera ad temporales tantum: nam si Gregorio Turonensi credimus, erat Brunichildis alioquin egregia fœmina, & solita multa ecclesiis & pauperibus erogare. Atqui Fredegundis nullam habuit filij tutelam & procurationem, saltem minimam, & nisi authoritate Gunthramni, vt suprà dictū fuit. Enimuero quod de Plectōde ait Hotomanus ex lib. cui titulus est, Status Regni Franciæ, nihil ad procurationem Regni pertinet: Regina

Regina enim non fuit Plectondis, sed vxor Pipini Aultrij maioris domus tantum. Iterum insurgit Hotomanus, coniuratione quadam, aduersus fœminas, sine discrimine aliquo, quasi vna dænata, de aliis idem sit ferendum iudicium. Misera illa quæ te mastigē sui sexus genuit, & lactauit! ait enim, Dominata est Regina mater Caroli Calui, nomine Iuditha, Ludouici cognomento Pij Imperatoris & Francorum Regis vxor: Sed hæc neque nutrix filiorum Ludouici, neque procurationem Regni accepit: quorsum ergo huius infelicitis & perpetuò tacendæ historiæ, & parricidij filiorum aduersus pientissimum Imperatorem eorum patrem mentionem facis? quia, vt inquit Regino lib. 2. fuit deiectio aut rebellio hæc, pro maxima parte, facta propter multimodam fornicationem Iudithæ vxoris eius: sed Ado Vienenf. Archiepiscopus, non ita sentit: sic enim ille, Cùm igitur omnis potestas Francorum sub moderato otio studeret, & regimen vicinis gentibus imponeret, quidam tantam spem boni non ferentes (erant hi Hotomanicæ factionis) vxorem nomine Iudic. dilectam Imperatori, factione sua abripiunt: eamque ex latere viri in Aquitaniam sub custodia transponunt. Quæ licet ad viri thorum redierit, ebuliēs tamen quorundam malitia, non quieuit, quæ vsque adeò creuit, vt vna cum pontifice Romano non solum proceres Regni, sed etiam natos eius, aduersus Imperatorē promouerit. Nam ab eo vniuersus populus deficiens, ad filios eius se transtulit, ipse tentus sub custodia, indecēter recluditur, ac arma ei auferuntur: vxor

ipſius in Italia ſeruanda committitur : ſed nutu diuino poſt tot aduerſa, ſecunda ſuccedunt : populi verſi ad pœnitentiam, cauſam facti in melius commutant, & eundem ipſum Imperatorem in honore priſtino reponunt, & priſtina dignitate reueſtiunt. & quæ ſequuntur : quem maiore fide dignum iudico, quàm Reginonem, de cuius fide tu etiam ambigis : potuit enim adeò impium bellum videre. Nec enim credibile eſt, Imperatorem tam ſanctum, fuiſſe paſſum vxorem impudicam, qui, vt refert Aimoinus lib. 5. cap. 10. omnem cœtum (qui permaximus erat) ſœmineū palatio excludi iudicauit, præter pauciſſimas quas famulatui regali congruas exiſtimauit, ſororéſque in ſua cum his quæ à patre acceperant dimiſit. Hæc ſunt Aimoini verba: ex quibus, & his quæ paulo antè dicit, facile eſt iudicare Imperatori pio nihil magis exoſum fuiſſe, ipſa impudicitia, quam nunquam in thoro iugali aluiſſet : ſed aliunde natas fuiſſe cauſas, ob quas filij impias manus in patrē intulerint manifeſtū eſt, nempe quòd piſſimus Imperator ſordes, & vitia quibus Eccleſiaſtici ſcatebāt, ferre non poterat, eorum factum illis obii-ciēs, vnde iræ, vt idem author eſt eodem cap. & ſequēti: ex quo apparet à perditis hominibus, bellum illi per filios illatum fuiſſe, diſſimulante Gregorio pontifice : falſa autem & conſicta eſſe quæ à Reginone de Iuditha dicuntur ab episcopis, & aliis qui cenſuram Pij ferre non poterant, Aimoinus eodē lib. cap. xij. teſtis eſt: ſic ait enim ille, Factionis iniquæ principes, vltra ferre non valentes, occultatum diu vulnus detegūt, deinde ſibi

sibi minores aggregant, quorum pars mutationis semper auida, more canum, auiumque rapacium, alienum detrimentum suum quærunt fieri supplerionis augmentum: freri ergo multitudine & assensu plurimorum, filium Imperatoris Pipinum adeunt, prætendentes abiectiorem sui, Benardi insolentiam, (hic nepos Pij erat) horum despectiorem, & cæterorum, asserentes etiam eum, quod dictu nefas est, thori incestatorem paterni: porro patrem adeò quibusdam elusum præstigiis, ut hæc non modo vindicare, sed nec auertere posset. & quæ sequuntur. Habes quibus rationibus bellum hoc indictum sit, nempe factione seditionum quorundam velato prætextu probabili, licet falso: credo non defuisse tunc classicum harum seditionum, qui eas propositis libellis excitaret & foueret. vide tandem quorsum exempla tua tragica tendunt, sed tamen adhuc manca remanet tua prima conclusio. Quæ autem acciderunt cæteris Carlouingis, iam precedentibus capitibus à me satis dicta sunt: de procuratione verò Regni, & Regum tutela illorum temporibus, extat apud Aimoinum, saltem in additionibus ad eundem lib. 5. cap. xli. exemplum: sic ille Ludouico inerte vel ut ille ait nihil faciente, mortuo, Carolus filius eius qui Simplex dictus est, in cuius æuum agens, patre orbatus remansit: cuius ætatem Franciæ primores incongruam (ut erat) exercendæ dominationi arbitrati, maximè cum iam residui Northmanorum nuntiarentur motus, consiliū de summis rebus ineunt. Supererant autem duo filij Roberti comitis Andega-

uorum (qui fuit Saxonici generis vir) senior ex his Odo dicebatur, Robertus alter patrem nomine referens: ex his maiorem natu Odonem, Franci, Burgundiones, & Aquitaniæ proceres congregati in vnum, licet reluctanter tutorem Caroli pueri, Regni que elegere gubernatorem, quem vixit Galtherus Archiepiscopus Senonũ. Regno & Germani scriptores eum Hotonem vocant, & Regem non tutorem faciunt: à quo Hugonẽ Capetum, huius nominis & stemmatis primum Regem, traxisse genus, superioribus diximus: sed quia Capevingorum Regnum, quod in hodiernum diem durat, & durabit Deo fauente multis seculis, fuit ceteris duobus diuturnius: nec solum superat diuturnitate & tempore Merouingos & Carlouingos simul, sed fœlicitate, quod illis regnantibus, Regnum hoc nostrum optimis legibus munitum fuit, quibus Regna conseruantur & tumentur. Huius procurationis & tutelæ maiora sunt exempla. Primum est Balduini Flandriæ comitis, qui Adelasiam, Henrici primi Regis sororem, vxorem habebat, & designatus ab Henrico Rege, Philippo huius nominis primo, nouennij puero, est tutor, idque vxoris causa, vt par est credere: quam tutelam & procurationem nullo reluctante gessit. Sed & monumenta nostra testantur Ludouicum iuniorem Crassi filium, cum ad bellum sacrum profectionem parasset, Regni procurationem cõmisisse Suggestio diui Dionysij Cœnobiarchæ, tutelam verò Philippi filij, qui Augustus dictus est, matri Adelę & Archiepiscopo Rhemenſi Cardinali & legato à latere, Adelę fratre

fratre, Blácha Regina diui Ludouici mater testamento mariti Regens & tutrix filij designata est, excellens & pientissima fœmina, quam tamen Hotomanus suo more infectatur, frerus cuiusdã Ionuillei historia clientis Comitis Campaniæ, quem bello superatum, saltem coactum, Regem agnoscere opera Regëtis, historiæ nostræ testantur, non mirum, si de ea quædam Ionuilleus scripsit, dum Domini gratiam captare vult, cuius fidem ob id suspectissimam lector æquus existimabit: cõstat enim magnę fuisse sanctitatis Blanchã, nam extant hodie ampla testimonia largitionum quas illa Ecclesiis & pauperibus contulit, quæ & Ionuilleum & sequacẽ Hotomanũ bonos procindentem, mendacij arguunt: ea iterum procurationem accepit, mandãte Diuo filio, ad bellum sacrum prodeunte. Blancha defuncta, Diuo iterum ad bellum sacrum prodeunte, & aduersus Africanos, Regni & liberorũ cura mãdata est Matthæo beati Dionysij archimãdrite, Nesleo comiti, & Simoni Claromotano, substitutis Philippo episcopo Eburonẽsi, & Ioãne Pictauiẽsi comite. **Philippus III.** Diui filius, qui ex duabus vxoribus liberos habebat, ex prima filiũ, ex altera filias Ysabellã & Mariam, noueræ procurationẽ non detulit, sed Petro fratri Alenconio, donec filius xiiij. ætatis annũ attigisset: qua ætate solutis nostris Regibus tutela, per se licere Regnum gerere, illo exemplo ætas posterior, & Caroli V. constitutio, probarũt. Substituit Alenconio Ioãnem Blesensem Comitem, datis consiliariis Episcopo Lingonenfi & Baiocẽsi, Dinenfi archidiacono, Aerio

K

Pincerna, Erardo Valeriani Domino, Camerario & Campaniæ Cōnestabulo, Ymberto Bellouaco Fráciæ Cōnestabulo, & Simone Nesleo Comite, & quibuscūq; aliis. Philippus Pulcher Ioānæ vxori procurationem Regni & tutelam liberorū mandauit testamēto, substituto Carolo valesio fratre, cuius posteritas inuicta, & excellēs hodie floret, Regnūq; moderatur, Ludouico Hutino mortuo, qui reliquit Clementiam Regis Hungariæ filiam prægnantem, quia incertum marē mne an fœminam pareret. Philippus Longus ex prole mascula Regis proximior adgnatus, tāquam Regni successor, Tutor posthumo designatur, Regniq; procurationem suscepit: qui Rex postea fuit, defuncto scilicet Ioanne Hutini ex Clementia filio. Octo tantū dierum Carolus Pulcher Blancham vxorem grauidam reliquit, Philippus Valesius trium superiorum Regum patruelis tutelam futuri partus, & Regni procurationem accepit, propter partus incertitudinem, qui postea tāquam proximior ē prole mascula (Blancha fœminam edente) diadema accepit. Carolus V. vltimo elogio Ioannam vxorem tutricem, & Regni Regentem scripsit, dato coadiutore Burgundio fratre, & Ludouico Borbonio sororio: ille tutelam ad xiiij. tantū annum protulit, vt suprā dictum fuit. Carolus vj. anno 1413. procurationem Regni, & curam filiorum vxori mādauit, sed hæc parū prosperē cessit: quod Hotomanus, quem mala exempla delectāt, non prætermisit. Possem ego procurationes mandatas à Francisco Valesio primo Aloisæ Sebusiæ matri nō semel, sed bis, &
ab Hen-

ab Henrico Reginae Catharinae vxori, quæ marito absente bis Regens declarata est, cuius virtutē miratur & horret Hotomanus cum suis: illius enim fœlicibus auspiciis, illius, inquā, consiliis & prudentia miranda, Regnum hoc è Luporum & Leonum faucibus ereptum, diuināque prouidentia seruatum, stat incolume & floret, stabitque, licet supersint quædam seditionū & seditiosorum reliquiæ, ab huiusmodi furiis ortæ & excitæ: ad quas augendas libellus iste ab Hotomano non alia ratione euulgatus extat, quod lector facilè deprehendet, cūm viderit in illo Hotomanum nihil nisi cædes, dissidia, altercationes, bella, parricidia, & huiusmodi mala proponere: vt illis exemplis furore agitati Galli, se primū, Reges suos, mox istam rempub. & Regnum perdāt: fieri enim non poterat, si aliò tēderet illius oratio, vt ille libellū suum farsisset tot inanibus quæstionibus, tot falsis & mendacibus assertionibus, tot sycophantiis & nugis, quas ille texuit vmbra quadam veritatis, vt lectorem illectum narrationibus huiusmodi ad totius libelli lectionē duceret: sic enim solent qui falsa pro veris obdunt, exemplo eorum qui corruptas merces vendunt, quibus bonas solent miscere, vt facilius emptorem capiant. Tādē, vt etiam huic quæstioni vltimam manū imponam, ex his quæ dicta sunt, luce ipsa clarius esse verum, nemo posthac ibit inficias, vetere laudato & receptissimo more in regno Francogalliæ per mille amplius annos, Reginas matres, & non solum matres, sed Regum consanguineas, procurationem Regni suscepisse, eisque quotiens occa-

sio sese obtulit, tutelam filiorum mandatam : vt nihil Hotomanus, in contrarium adducere poterit, obstante veritate, quæ semper potentior est. Itaque indomito animali & immani bestię non frēnos, sed restim, qua suspendatur, ad-
damus.

IN CAP. XX.



SUPEREST vltimū caput, quod de Parliamentis Iuridicialibus Hotomanus dicit: & quia isto capite colophonem imposuit suis conuiciis, iniuriis, & famoso libello, qui Regibus, Reginis, Pontificibus, Ducibus, & huiusmodi nō pepercit, noluit cæteris parcere. Et certè tam spurcæ lectioni finis spurcior addi debuit: & qui tam male cœperat, peius vt finiret æquum erat. Itaque plurimum afficior, cū videam egregium Iuriscōsultum vnico libello nominis & famæ iacturam, & naufragium fecisse: sed antequam ad eum veniam, hoc loco lectorem iterum mōnere volui, vt secum expendat, verum esse quod dixi, aliud agere, aliud simulare Hotomanum: non enim, quicquid dicat, nostrum ille Parlamentum insectatur, vt facile est iudicare, toto opere pēsato & cognito: in quo conatus illius satis sese ostendere legēti non obscurum est: Reges enim nostros, & Regni nostri politiam subuerrere conatur: eò enim licētiæ processit, eoque tēdit tota illius oratio. Nam quid aliud possumus ex tam contumelio-
liosa

liosa & procaci oratione elicere, in qua nihil preter iniurias, & mendacia adfert, nihil quod ad salutem, nullumque morbi, si quis sit, remedium? Itaque existimaui frustra de Parlaméti nostri augusta & sacrosancta authoritate differere, quam ego omnibus notam scio. Quare, ut ad Hotomanum redeam: ait ille, sub Capeuingorum familia in Francogallia exortum esse Regnum iudiciale, de quo propter incredibilem artificum industriam, & inauditam omnibus solertiam, illi dicendum videtur. At non te pudet, homo leuissime, damnare artem, quam tu accepto pretio doces? Vocas ne artificium, iuris ciuilis cognitionem? Quare ergo si de discipulis tuis tam malè sentis, & arte & disciplina illa, illos ad te audiendum allicis, inde stipendia, victum, quotidianosque sumptus paras? cur tuis discipulis imponis? vide ne tibi inuras maculam nullis seculis delendam. Magne enim leuitatis signum est, quæ doceas reprehendere & improbare. Sed fortassis artifices, non artem, damnat. Audiamus ergo, quid culpandum censer: Quod, inquit ille, ab hinc trecétis fere annis, eorum solertia non modò publici concilij authoritas propè oppressa sit, verum etiam omnes Regni principes, atque Regia maiestas amplitudini suæ parere cogatur. Atqui superioribus à te dictum fuit, etiam Capeuingis concilium hoc authoritatem suam retinuisse, suamque vim maximam tempore Ludouici xj. ostendisse. Bene itaque dictum, Mendacè esse memorem oportere. Non ergo à tanto tēpore Regnum hoc iudiciale, quod tu, imitatus Rabelasium, vocas, vires

suas patefecit, at numerum ille damnat: nam ut
 ille ait, in oppidis in quibus illius Regni sedes po-
 sitæ sunt, in iis tertia fere ciuium & incolarum pars,
 tantis excitata præmiis, ad illius se artis rabulariæ
 studium ac disciplinam applicauit, ut Lurætiæ
 cuius licet animaduerrere, cuius tertiam partem
 dicit esse eorum, qui artem illam pragmaticam &
 litigatoriam faciunt. At utinam nullæ essent li-
 tes: ita enim iniri posset ratio, ut qui in iis dirimē-
 dis sese & vitam addicunt & mancipant, paucio-
 res essent, cum necesse sit in ciuitate in qua mor-
 bi non sint, paucos esse medicos. Sed Francogalli
 auidè lites amant, & hoc à maioribus suis Gallis,
 per manus acceperunt. Cæsar & ipse Marcellinus
 eos vocant gentem auidam litium, inde natum
 existimo quod dicitur, *Gallia causidicos docuit fa-
 cunda Britannos*. Hoc Francogallorum sit vitium,
 non laudandum per se, sed si cum exteris compa-
 res certè leuior noxa erit. *Vnicuique dedit vitium
 natura creato*. Habet unusquisque populus quod
 culpandum sit, Græci mendaces, Hispani elati &
 vani, Germani epulones & ebrij, & sic de cæte-
 ris. Sed audi Hotomane, fateor certè numerum
 maiorem, quàm fortassis necesse esset, non tan-
 tum reipub. sed iis etiam qui nomine tenus artem
 istam profitentes, nec sibi nec patriæ profunt: eos
 ego cum Catone vocarem libenter, desides toto
 die, otiosos & oscitantes. Quod si artem litiga-
 toriam, siue, ut Plato, disceputationem iudicalem
 reprehendis, erras toto cælo: prius explodendæ
 erant lites, ut huiusmodi functionibus amplius
 locus non esset: id enim est, ac si censeas medicos
 expellen-

expellendos, quasi illi morbos hominibus ingerant, profer nobis prius artem quæ lites arceat, intelligo earum ingressum, certè legislatoris permagni nomen tibi iure vendicabis, & huiusmodi rabulis (ita magnam discipulorum tuorum partem vocas) os obstrues: sed si hoc in tua potestate non magis sit, quàm perturbationum minimam tollere, quid ergo habes quod te torqueat? quare tantopere aduersus patronos causarum, & aduocatos, mox aduersus iudices insurgis? audi Platonem qui te melius nouit ferre leges: ait ille lib. xj. de legibus, Verùm cum multa in vita hominum bona sint, pluribus eorum, quasi quædam diræ calamitates insident, quæ maculant illa atque coinquinant: iudicialis autem disceptatio, iudiciûmque cur homini bonum non est, quod omnia humana mansuefecit? Atqui cum disceptatio talis bonum sit, cur & adesse in lite alicui, & causæ iustæ fauere, bonum non sit? æquius certè ille, qui cum viderit, nulla lege calumniis hominum obuiam iri posse, remedia illa posuit, nempe disceptationem & iudiciûm, quibus aduersus homines, hominum patrocinia adiecit, tanquam necessaria, ne, vt dicitur, parui pisces maioribus essent esca. Nô ergo improbâda sunt iudicia, nec iudices sine quibus ea exerceri non possunt, nec iuridici, practici, pragmatici, patroni, & similes, qui pars magna iudicij sunt, & vt à iurisprudentia Romana probè nosti, sine illis non constat. Adiicit Hottomanus, Itaque summus in ea pragmaticorum cõuentus, qui purpuratus Senatus dicitur, tâtarum opum tâtæque dignitatis est, vt quemadmodum

Iugurtha de Senatu Romano dixisse fertur, Nō iam Consiliariorum, sed Regum ac Satraparum confessus videatur, quippe cum in illum allecti, quantumvis abiecto loco nati, tamen paucorum annorū spatio regales propè opes sibi cōcilient. hīc etiam impudēter Hotomanus impegit, dum Iugurtham pro Cynea nominat. At Hotomane, rogo deponas bilem: vbi illæ opes? nudarem ego Senatorum multorum, non fastum, sed tenuissimas opes, quorum tamen tenuitas victus, probitas, & supercilia humum spectantia, illos commendant, vt pios ac verecundos: proferrem ego, ni odiosum omnibus esset in alienas facultates & opes inquirere, multos collecta stipe, aut alieno sumptu funeratos, vt de illis veteribus Romanis, quibus virtus non diuitiæ in prærio erant, refert Liuius: & tamen nūquam vidi, nisi ab iis quibus, vt inquit Salustius, opes nullæ sunt, qui bonis solent inuidere, diuitias vitio dari. Sunt certè diuitiæ, vt ad malum, ita ad bonum maximum instrumentum, quemadmodum in dialogo de diuitiis, quem Platoni tribuunt, Socrates differit. Non est ergo quod diuitias nostris Senatoribus obiicias, quæ solent, vt multi volunt, à sorde iudices auocare: neque paupertatē, quæ, vt Seneca vult, maximum sapissimè bonum est. Nam quod tu nugaris de coaceruatione opum ab abiectis illis, postquam allecti in illum Senatum sunt, ista propria delatoris cuiusdā, & calumniatoris sunt. Dicerem quod Gallū Asinium dixisse refert Tacitus lib. 2. auctu Imperij, adoleuisse etiam priuatas opes: sed audi, hoc habet Francogallia, habuit,

buit, & habebit perpetuum, vt etiam infimo loco nati, virtute possint clari euadere, & honores maiores in hac nostra bene constituta repub. assequi, & obtinere. Sed quis est Hotomanus ille tam superciliosus, qui omnibus, nisi solis natalium splendore glorientibus, deneget ad repub. aditum? & debebas meminisse hoc in omni repub. bene constituta semper seruatum, maxime in illa Romana, iis præsertim temporibus quibus virtus in pretio erat, nec agebat probitas. Sic M. Scaurus carbonariam dicitur exercuisse: Marius satis obscuro loco natus, Cōsul vij. fuit, cui aliquando à Lucullo, cū missionem peteret, responsum fuit, satis superesse temporis ad consulatum sibi & filio perendum: Ciceroni suorum obscuritas à Salustio obiicitur, hoc ille glorię ducit. Themistocles ille magnus, cuius quidem Atheniensis, sed obscuris parentibus, & vt refert Plutarchus in eius vita, medijs ex matre generis. Quid externa? quæ tam frequentia sunt, vt eorum commemoratio aliud Theatrum vitæ humanæ posset superare? Nostra verò nota sunt, & fortassis narratio eorum odium pareret, quod qui tollere de repub. nritur, virtutem è medio tollere vult, quæ istis fouetur & alitur alimentis: Honos enim, vt dicitur, alit artes. Numerat Hotomanus Parlamenta nostra, ipsumque magnum Consilium, mox Iudices præsidiales in singulis Prouincijs, pugnas, controuersiasque urbium inuicem, dum quælibet huiusmodi confectus ad se trahere tentat. Non ergo tam magnum malum est, vt tu falso dicis: alioquin, quis tam

auidè illi inhiaret? quis malum quærit? quis sibi perniciem parat? quis interitum? Quod tu ergo malum vocas? At ille patriæ amantissimus dolet quòd, vt inquit, maximus gentis Gallicæ numerus in litibus & calumniis exercendis, & forensibus scriptitationibus operam cōsumat: fortassis velles illos locare operas suas ad trucidandos & iugulandos homines, vt solent quos tu probè nosti. Rogo dicas mihi, si malum hoc litigare sit, vt malum esse negare (ne me adeò impudentē existimes) nolim, nonne peius est hominē occidere, idq; mercede, vrbes alienas diripere, modò pro Rege, modò cōtra, arma capere, vt faciunt quos tu lubenter amplecteris, laudas, & illis adularis? Dices fortassis, in delictis non faciendam compēsationem. Sed tu qui tam grauis es censor, aufer ex tuis malum illud maius, facile festucā excutiemus. Cæterùm quod de nomine Parlamēti Hotomanus disseuerit, de re nota lippis & tonsoribus disseuerit: quod verò ait, cūm auctoritatē concilij Capeuingi minuere molirētur, augustū illud nomen Parlamenti in illum Senatum trāstulisse, ad suū sus ille redit cœnum. Ego existimo dictum Parlamentum per metonymiā, vt ius dicitur locus in quo ius redditur. At vtinam Augustissimi illius Senatus auctoritas, tam illibata & inconcussa foret, vt fuit antiquis tēporibus, certè melius nobiscū ageretur. Sed inquit Hotomanus, modò harum, modò illarū partium quicquid potestatis, imperij, auctoritatis, penes publicum conciliū erat, id totum Senatus ille subditicius sibi vsurpauit. Quod si verum est, non ergo labe-

labefactata est à Capeuingis huius tam à te cantati & prædicati cōcilij authoritas, imò verò vires suas adhuc retinet: ex quibus colligere possumus, falsum esse quod à te superius dictum fuit, Reges nostros Capeuingos sustulisse omnē disciplinā, & omnia pro arbitrio gessisse, si sint qui leges Regias probare & improbare possint, ut verum est, & tu fateris: ais enim cum de authoritate nostri Senatus obgannis, primā esse, quod nulla lex Regia, nulla constitutio rata est, nisi cuius illi Consiliarij sunt: hæc sunt verba tua, auctores comprobatorēsque sunt. Vide Hotomane quā malè tibi constes. Sed admittamus ita esse, potēs ne ex eo aliquid notare & reprehendere? nōne vides huius Senatus authoritatem necessariam, tanquam, ut ex Sefellio diximus, aliquid tertium inter Regem & populum? non te puder, omnium leuissime, improbare, quod omnes probant? ecquis est mortalium qui non miretur huiusmodi politias, quæ ita sunt constitutæ, ut iure liceat & de principibus, regulis, magistratibus & optimatibus, infimo cuique questum iri, cum Rege æquo iure litigare, & ius suum exequi? esse ne potest aliquid sanctius in toto orbe? Audi, licetne subdito Germano aduersus Principem suum Germanum, ubi non iure, sed manu plerunque agitur, litigare, ubi voluntas Domini pro lege habetur? quid de Regnis exteris, in quibus quod Principi placuit, lex semper fuit? Cessa, per Deum, ridicula ista & inepta proferre, dignaque potius Rabelasio Epicuro, quā viro graui & alicuius iudicij. Melius Itali, melius ipse Machia-

uellus, qui diuturnitatem nostri Regni (superat enim ætate, duplo, omnia quæ in toto orbe fuerunt, sunt, eruntque.) Senatui huic tribuit: nec mirum si tãquam ad sedem Astreæ illius virginis, quæ è cœlo ad nos solos deuolauit, Reges nostri piissimi, & illius cultores diligentissimi, Basilicam illam regiam opere magnifico extruxerint, illique, quod maius est, sese summisserint, ut Leo ille Atrienfis testatur: in quo maiorem gloriam illos consequutos existimo, quàm si armis Imperium totius orbis sibi asseruissent: quid enim est vincere, si iustitiam tollas? nam leges eas esse veras, non quæ ad bellum, sed quæ ad iustitiam respiciunt, Plato lib. primo de legibus docet: Legislator, inquit ille, ita leges condere debet, ut non ad aliud, quàm ad amplissimam semper virtutem respiciant: is enim, ut idem inquit lib. 3. Beatus non est, sed miser, qui iniustus & contumeliosus est, etiam si sanitatem habeat, & diuitias, perpetuamque tyrannidem, inuictasque præterea corporis vires, & animositatem, immortalitatemque possideat, nihilque ex iis perpetiatur, quæ vulgo mala dicuntur: multos enim, ut ait ille eodem lib. primo, mercenarios inueniri, qui externo in bello intrepidè pugnant, quorum plurimi feroces, iniurij, cõtumeliosi, paucissimisque exceptis, omnium amentissimi. Itaque consultissimè Reges nostri, quibus hoc Salomonis semper curæ fuit, Per me Reges regnant: tam amplam sedem delegerunt, qui etiam in templis fuerunt semper magnifici, Religionem, pietatem ac iustitiam æqualiter colentes, tanquam duo funda-

fundamenta certissima & firmissima, sine quibus nullum Regnum, nullaque respub. diu stare possunt: sciebant & nouerant quid prioribus principibus acciderat, de Merouingis & Carlouingis loquor, dum multa per cōtumeliam subditis inferunt, quibus familiare fuit, vt coactus dixi, edicta sua, quamuis iniusta, membri amissione & oculorum euulsione sancire. At proh dolor, quæ causa est, cur inuideas amplissimas istas ædes & augustissimas nostris Senatoribus, Magistratibus & Iudicibus? Quid de te Plato lib. 6. de legibus, qui iuxta templa, Magistratuum, Iudicūque, palatia struere iubet? Partim, vt inquit ille, tanquam iudicantium Deorum ibi sint delubra. Non erubescis damnare, quod omnes, etiam barbari, probant? Quare ergo nobis proponis Ægyptias Herodoti fabulas, & similia, quæ propria sunt, vt iam dixi, cuiusdam Epicuri, cum de re seria sermo sit? At verò quæ de huius Parlamenti origine ait Hotomanus, & an illius mentio aliqua sit in legibus Caroli Magni, & similia, magis suam detegit impudentiam, quàm doctrinam: quid enim opus est huiusmodi legibus, quæ an fuerint Caroli Magni, aut alterius legislatoris, ambigitur? Et si fuerint, penitus exoleuerunt (ne de earum æquitate aut iniquitate differam) quæ certè magis erant leges hominum agrestium & ferocium, aut militum, quàm Philosophorum: tantum abest, vt nostris æquari possint, quemadmodum lector iudicare poterit earum lectione: ab hinc enim duobus aut tribus lustris typis mandatæ sunt, à quodam antiquitatis studioso,

non tamen ad eruditionem. Itaque sufficiat monuisse lectorem, nil sanctius iustiusve inueniri posse in toto orbe ista nostra politia, & institutis, ut res ipsa indicat, & si locus hic postulat, & res longiore non egeret oratione, comparatione cum externis politiis facta, certè Hotomanus cogeretur discedere à tam mala & perperā cōcepta opinione. Nulla enim melior nostra, bonorum omnium iudicio, inueniri poterit, licet adducas innumeras Germanas: ibi enim multæ sunt toparchiæ, & dynastiæ, ut dixi, & totidem politiæ: & si quid ætas nostra immutauit, ut res humanæ se habent, vel si in hoc cœtu videamus quosdam assumptos, & in dies assumi, contra morem maiorum, & fortassis malis artibus, ut veritati locus sit, nihil hoc ad institutum tam pij & sancti Senatus pertinet: & si quid hac parte, licentia temporum peccatum sit, id vno momento, repub. nostra seditionibus vacua, purgari poterit, Rege nostro piissimo & iustissimo, non ad bellum, quo omnia humana & diuina pessum eunt, sed ad pacem & iustitiæ cultum animum adiiciēte, ut breui, Deo propitio, speramus. Non est ergo cur Budęum virum omniū doctissimum vitia sui temporis culpantem in ius voces: ille nec tibi nec tuis suffragari poterit: dolebat vir pius & ægreferebat ignorationem & ignauiam suorum temporum: & certè ne videar velum veritati iniicere, non sine causa execrabatur, ut omnes boni execrantur, litium multitudinem, earum propagationem illis tribuens, quorum fortassis magna pars lites ex litibus ferebat: id ad
probos

probos non pertinet, nec institutum vitiat, quod iterum cum Sefellio & omnibus bonis pium & sanctum assero. Sed audi Hotomane, qui originem litium & sycophantiarum semen (quo certè Gallia scater) Papæ Clementi V. & iuris Ciuilis & Canonici interpretibus tribuis, proponenobis aliquod remedium huic morbo, in toto orbe Christiano frequenti, & in Gallia frequentissimo: propone, inquam, & te audiemus: alioquin quid iuuat tantopere vlulare aduersus lites, & clamore superare Thersitem? Certè insanientis hoc est, non medentis. Ne quæso detegamus pudenda patrum: illi certè scierunt, & vt ferebant tempora, litibus mederi nitebantur. Atqui litigare, vt dixi ex Cæsare & Marcellino, nobis adeò frequens & dulce est, vt Barbaris ad occidendum, trucidandum, & rapiendum aliena bona, accepto argento operas suas & industriam locare: cogis me pandere & posteritati mandare quæ subticenda semper duxi. Dicit prætereà Hotomanus: At tempore Caroli Magni non erant parlaméta, ergo nullæ lites, aut saltem paucæ: nempe ius erat in armis. Tantus enim illis temporibus fuit nobilitatis fastus, vt cæteri mortales, quos Romani paganos vocabant, illi seruire cogerentur, essent nullius pretij, vt nullius olim erant, Cæsare authore, lib. Commentariorum suorum sexto, vbi ille ait, In omni Gallia eorum hominum qui aliquo sunt numero atq; honore, genera esse duo: nam plebs penè seruatorum habetur loco, quæ nihil audet per se, nulli adhibetur consilio: qua in seruitute & Merouingis & Carlouingis plebs detinebatur, vt

ex Turonensi & Aimoino satis constat: non ergo licebat illis aduersus tam graues Dominos lites mouere: in his enim, vt inquit Cæsar, eadem omnia erant iura, quæ Dominis in seruos: à qua tandem seruitute liberati sunt beneficio Capeu- ingorum, quibus semper peculiare fuit, Iustitiâ colere, nulla personarum habita ratione: non est ergo quòd paucitatem illam litium modera- tioni horum principum tribuas, quos fuisse pios & iustos nemo negabit. Sed rursus ait Hotoma- nus ex Ionuilleo, Tempore diui Ludouici pauca erant lites: fateor: tunc nulli aut pauci erant sedi- tiosi: ius princeps ille pius dicebat, & cæteris mandabat. Sed postea litibus crescētibus, auctus fuit numerus iudicantium, & quod Reges per se non potuerunt exequi, iudicibus mandarunt, quos statarios ob id fecerunt, ne tam grauibz sumptibus litigantes premerentur, si coram Re- ge & in ipso comitatu Principis lites persequi coacti fuissent. Sic historia Romanæ aiunt Ro- mulum, primum Romanorum Regem, iudicare solitum, quædam aliorum iudicio permittere: eiectis Regibus, Cōsules eorum loco suffecti iu- dicabant, vt refert Liuius lib. 2. quorum Impe- rium imminutū postea fuit, creatis xvj Tribunis plebis: adeò, quantum ad politias attinet, res hu- manæ mutabiles sunt & inconstantes. Sed cum viderent etiam opus esse magistratu, qui absque prouocatione necis & vitæ potestatem haberet, Dictator creatus est: inuenti præterea multi alij Magistratus, nempe Prætores vrbanī & peregrini, quorum nunquam fuit certus numerus: erant
Ædiles

Ædiles : mox aucta repub. & auctis negotiis, alij minores magistratus additi sunt, Triumviri nocturni, monetales, agrarij, capitales: & in nostris libris mentio fit iudicij centumviris, imò ipsum Senatum Romanum ius aliquando dixisse testatur Tacitus. Sed longius vagari me cogit Hotomanus, quàm decreueram : itaque, vt ad eum redeam, Nihil tempore Ludouici factum quod posterij Reges non factitarint, quotiens bellorū fuit vacatio: id faciebant Carolus v. & vii. Lud. xi. & xii. & post eos Franciscus ille primus literarum parens, Henricus filius : fecitque Carolus vltimus tanta dexteritate & acumine ingenij, vt nihil suprà. Ait præterea Hotomanus, huius Parlamenti Regem authorem esse, ad eumque cogendum rescripta quotannis 2. Idus Nouembris mitti à Principe: quod verum est : quem enim alium authorem habere posset, nisi eum qui lex est? vt ait Aristoteles : non tamen illa ratione qua vtitur Hotomanus, rescriptum illud annuum de cogendo Senatu mittitur, alia est ratio mihi nota. De constitutione Pulchri, qua cautum fuisse ait Hotomanus, vt in Parlamento trifarij generis sederent Prælati, Barones, & mixti Clerici cum laicis, & laici partim ex Equitibus, partim ex promiscuo genere hominum deligerentur: non planè obseruauit Hotomanus vsum loquendi istorum temporum, non enim Clerici dicebantur quemadmodum iure pontificio vocantur: sed Clerici, id est iuris periti, vt ex ipso Froissardo manifestum fit, qui sæpissimè refert Regem misisse vnum Clericū Parlamenti, vnum Clericum

eorum qui rationibus expungendis præficiuntur: sed hæc logomachia curiosis relinquatur: fuisse autem vicissitudine temporum formam illam mutatam, & cautum ut non assumantur & appetantur ad cætum illum, nisi qui eruditione & virtute pollerent, sine aliquo discrimine, id non sine ratione factum fuisse, nemo est qui nesciat: & utinam quæ hac de re instituta & sancita probè sunt, Aulicorum quorundam nequitia non fierent irrita, certè staret Respub. nec fortassis tot seditionum procellis agitata fluctuaret. At res humanæ ita sunt comparatæ, & ita rerum omnium inest quædam vicissitudo, ut quemadmodum temporum vices, ita & morum vertuntur, ut inquit Tacitus. Itaque, ut finem faciam, plura infinitaque præteream quæ dici possent: Nolo negare multa esse immutanda, quæ iniquitate temporum irrepsert in nostram rempub. vitia enim virtutibus immixta sunt, & illas secum trahunt: nolo inquam negare, maiorem eorum artificum qui lites sectantur numerum esse, quàm sit è republica, quos viuere aliena substantia & ditari non inficior, sed emendare non est facile: nam, ut est apud eundem Tacitum, lib. 3. Corporis morbos veteres, & diu auctos, nisi per dura & aspera coerceas: corruptus simul & corruptor æger & flagrans animus, haud leuioribus remediis restringendus est, quàm libidinibus ardeat: & si velis quod nondum vetitum est, timeas ne vetere. Olim parsimonia pollebat, quia sibi quisque moderabatur: itaque nos pudor, pauperes necessitas, diuites satias in melius mutet.

Non

Non est nouum, nec Hotomanus primus est, qui aduersus caufarum patronos inuectus est. Silius Romæ Consul Tiberio imperâte multa ad hanc rem & grauiora dicit, vt idem Tacitus lib. 11. Ab istis enim, inquit ille, inimicitias, odia, & iniurias foueri, vt quomodo vis morborum pre-tia medentibus, sic fori rabes pecuniam aduocatis ferat: sed illi responsum fuit, neque Eloquentiam gratuitò contingere: omitti curas familiares, vt quis se alienis negotiis intendat: multos militia, quosdam exercendo agros tolerare vitam: nihil à quoquam expecti, nisi cuius fructus antè prouiderit. Plura etiam Marcellinus: maiora Plato: Sed vt à me suprâ dictum est, quia lites sunt in Gallia frequētissimæ, & Hotomanus nullum remedium earum dirimēdarum profert, istis carere non possumus, quorum vsu pernecessarium norunt qui experiuntur: ne quis, vt dicit Tacitus, inopia aduocatorum potentioribus obnoxius sit. Plura ego, sed quia non est nostri instituti, hæc sufficiant. Ex quibus manifestum esse omnibus existimo, vt superius diximus, totam Hotomani orationem plenam esse seditionis, sycophantiæ, mēdacij, rebellionis: nihil in ea pium, nihil homine Christiano dignum, nihil denique præter verborum fucum. Nostra verò fortassis minus elegans videbitur: quia, vt inquit Plato, lib. primo de legibus, hoc non agimus, vt elegantiam vel ruditatem verborum obseruemus, quod multi facere solent: sed vt recta ratione errorem detegamus, eumque tollamus: veritate tamen nititur, qua superior futura est: nam ea

oratio quæ veritati dat operam, incomposita debet esse & simplex. Proinde, vt tandem finis nostræ Responsioni imponatur, licet non desint, quibus aliena carpere quàm sua edere sit facilius, vt impiis multa ad conuiciandum & calumniandum in promptu esse non dubito: ita piis (iis enim libellum meum dicatum volo) non pauciora ad cauendum superesse scio. Quibus si hunc laborem meum (quem reipublicæ causa suscepi) placere sensero, abundè mihi satisfactum esse, omnibus testatum volo.

*Errata quædam, partim scribæ, partim
operarum, sic emendabis.*

Pagina 19. versu 2. lege, Lupi Ferreriensis. Pag. 32. ver. 10. passum. Ead. pag. ver. 4. à fine, pro 3. pone 30. P. 41. v. 14. lege, prodis. 66. 6. inferiores non fuisse. 120. 9. eruditionis tuæ op. 131. 6. à fine, iurisconsulti Hotom. 136. 20. sint, prætermissa volui. ead. 22. tum exhedra. 137. 19. Aufouald. 28. Leudes. 29. cum Masol. 138. 4. Aegane. 20. petiisse, ibique Brun. 140. v. 3. à fine, Plectrude. & 141. ver. pr. Plectrudis 142. 8. potuit enim Ado tam imp. 143. 27. in cunis.

IN



IN HOTOMANVM ET EIVS
FRANCOGALLIAM, IO.
Combellei apud Aruer-
nos Præsidis.



VPPOSUISSE nothos partus, atque
impia mentis
Semina cùm spargas, non, Hotoma-
ne, pudes?
En tibi qui fucos aperit Matharellus,
& ipse

Te patrem, ille tuus filius ore refert:
Francogallorum mentito nomine, motus
Augere (exorta seditione) paras.
Sic Catilina suos voluit suadere Quirites,
Dum strueret patriæ tristia damna sua.
At Reges coluisse suos, non vltima laus est
Gallorum, atque illis insita certa fides.
Hosce tuos mores, Gallos? Quis denique Gallum
Te putet? Atque vtinam mens tibi Galla foret.
Vos igitur Galli, externum ne admittite librum,
Sed nec & authorem, cùm sit vterque nothus:
Sic nec Hoto posthac dicaris, sed Nothomanus:
Tūque liber, Falso gallia, nomen habe.

AVGVSTINI PREVOTII, REGIS

SENATVSQVE AMANVENSIS ET

à libellis, Carmen in laudem Respon-

sionis AN T. MATH. Aruerni

ad Franc. Hotomani Fran-

cogalliam.

Postquam ciuilis temeraria praelia motus,
 Et cummulata nouis sunt noua fata malis,
 Alterna tandem sperabat pace potiri
 Gallia, natorum cæde cruenta parens:
 Cum passim dirum effundens, Hotomane, venenum
 Horrifonam reparas rursus ad arma tubam.
 Historiæ specie tragicum mentite furorem,
 Gallica in extinctas spargis in arua faces.
 Vilia ventosi populi suffragia laudans,
 Regali hæredem deiicis è folio.
 Et modò supremos audaci voce Senatus
 Sordibus immersos diuitiisque fremis.
 Denique pro veris vanissima somnia miscens,
 Grande nefas mira calliditate tegis.
 Ingrati contra crudelia vulnera alumni
 Poscebat medicam patria læsa manum:
 Ocyus exurgens Alcides Gallicus alter,
 Diuini vires exerit ingenij.
 Doctaque facundus Matharellius ora resoluens,
 Conficit artifici noxia scripta stylo:
 Incluta magnanimæ melius primordia gentis,
 Et veteres ritus iuræque auita docens.
 Qualiter oppositas Titan pulcherrimus umbras,
 Densaque flammiuomis nubila pellit equis.
 Turpia veridicæ retegunt mendacia chartæ,

Candida

*Candida fucatum pagina vincit opus.
 Dij facite vt positis concordi fœdere bellis,
 Induat antiquum Gallia nostra decus:
 Auctorisque pij longum celebretur in æuum
 Nomen, & æterno dignus honore liber.*

LEONICVS POEMENIVS I. C.
 IN COMMENDATIONEM
 Scriptoris.

HVius in Authoris meritas erumpere laudes
Qui volet, exiguum non meditetur opus:
 Nam sibi propositum sic vulnerat eminus hostem,
 Sanet vt appositus absque cruore notis.
 Dum patrios ritus, leges, ac iura tuetur,
 Militiæ sequitur turius arte genus.
 Pro patria pugnans, patriæ plus proderit vnus,
 Quàm ferro hostiles qui populantur opes.
 Arma togæ cedant igitur, iam palma Minervæ
 Detur, & ex calamo lecta corona iuuet.

C. CASTELLOCLARI IN SE-
 natu causarum patroni.

Bella manu, lethumque gerens, furialis Erynnis
 Per populos latè primùm bacchata feroces,
 Cærule Danubij ac Rheni qui flumina potant,
 Subsedit nostris, eheu, infœlicibus oris.
 Hinc contempta iacet Regum veneranda potestas,
 Qua stetit incolumis multis res Gallica seclis.
 Hinc coniurati patriam rescindere ciues,
 Infidas armani fraterna in funera dextas:

L iiij

*Aut passim latos vastant cultoribus agros,
Aut miseros cingunt, dira obsidione, penates.*

*Proh scelus indignum, cur impia vertitis arma
In Patriam & sæuo miscetis cuncta tumultu?
Vos mater, grauida hîc primùm gestauit in aluo,
Hîc primùm dulces hausistis luminis auris,
Quem furiis agitati funditis ecce cruorem,
Cognato vobis cruor est de corpore ductus.
Parcite, per, si qua est pietas, immanibus ausis,
Nec patrias verbis leges temerate nefandis,
Vellite nec priscum decus inuiolabile Regum,
In terris aliud quo non augustius ullum:
Ab Ioue sunt Reges, regni ducuntur ab illo
Patribus à primis ad seros sceptrâ nepotes:
Spem licet ex tam multis vna aut altera fortè
Degener antiquis soboles mentita fefellit.*

*Sed tamen, ô Reges, antiquæ ab origine gentis
Tradita sceptrâ quibus longo sunt ordine auorum,
Nec sanctam violate fidem, nec libera iura:
Nam pulchrum vitam pro libertate pacisci
Tunc populus ducens, furit, & fera fertur ad arma,
Præceps, hybernis tumefactus vt imbris, amnis
Oppositas sternens, violento gurgite, moles,
Funditur, & noto iam non se continet alueo.
Denique debentur pœnis vlttricibus omnes,
Qui sæuos populis sese exhibuere tyrannos:
Et fas, atque nefas, vertere vt cuique libido.*

*Hæc tua mens, scriptis hæc est sententia doctis,
Rara fori, Matharelle, & seclî gloria nostri,
Quis patriæ temerè, non iura mouenda tueris.
Ex quo tu merito æterna celebrabere fama,
Donec sanctus honos Regum laudèsq; manebunt.*

Dij

Dij tibi dent, HENRICE, feros compescere motus,
 Et comitata tuos fœlix Concordia gressus,
 Dum noua nunc folio figis vestigia anito,
 Dulcia restituat pacatis ocia bellis:
 Sic quando densa caligine nubila cœlo
 Ventus agit, vastum & Neptunus concutit æquor,
 Exoriente Helenæ tranquillo sidere fratrum,
 Æquora mota silent latè, fluctusque recumbunt:
 Pallidus extemplo nautis de pectore terror
 Pulsus abit, lætæ volitant pelagôque carinæ.

IOAN. PISSEV. YSSIODOR.

AD ANT. MATHAREL-
 lum. V. C. Carmen.

Quod solus solers Augustæ munera tractas,
 Quando opus arguto reddere iura foro:
 Hic tibi conspicui primus sit fructus honoris,
 Sunt tamen hæc meritis cuncta minora tuis.
 Sanctarum siquidem calles enigmata legum,
 Quin & cauta fori retia, decipulas.
 Non piate fugiunt priscorum dogmata patrum,
 Nec veterum sacri Pontificum canones.
 Restat, quæ tanto studio multoque labore
 Parturis, hæc nobis iam latitare domi.
 Ergo age rumpe moras, vanumque omitte timorem,
 Ingenij pereant ne monimenta tui.
 Tu specimen nobis isto, Matharelle, libello
 Edis præclarum, quid valeant humeri:
 Dum coniuratum prostras fœliciter hostem,
 Indixit bellum qui patriæ & superis.

IN RESPONSIONEM ANTONII
MATHARELLII ARVERNI, RE-
ginæ Matris à rebus procurandis
Primarij, Ioannis Bonefonij
Aruerni Carmen.

Nescio qui gelidum Rheni proiectus ad amnem
Exul, in augustos Reges, sacrumque Senatum,
Mille venenatæ vibravit sibila linguæ:
His populum aucupii mulcens, cum indigna profanum
Audiat in Proceres vulgus maledicta libenter.
Cui tamen incanto obtrudit mendacia mille,
Historiæ speciem, nugæ commentus aniles.
Impius, immeritos qui sic Regesque Patresque
Vulneret, an demens ficto qui tegmine fraudes
Posse latere suas & inania somnia credat?
Quæ subito aduertens noster Matharellius, arte,
Ingenioque sagax, animum sub vulpe latentem
Detexit, vanus ne quem seduceret error.
Non indigna tamen maledicta refundere in illum
Nec placuit dentem mordaci rodere dente.
Illa decent animosque leues, rabiemque caninam.
Sat fuit arcanas in vulgus promere fraudes,
Maiorum melius ritus & iura docentem.
Quantum nostra tibi, Matharelli, Gallia debet,
Qui confers omnes in publica commoda curas?
Cui non vlla dies, nec vitæ deperit vlla
Portio: das studiis, causis quodcunque recedit.
Nec tibi sola tuis ut consultoribus adsis,
Et caueas, cura est: populus quoque cura docendis
Est tibi victuris æterna in secula libellis.

IN



IN ANTONII MATHARELLI

RESPONSIONEM AD FRANC.

Otomani non Francogalliam,
sed Francocalumniam.



VALIS Aloïadas fratres furor im-
pius egit,
In sua conari mittere vincla Io-
nem:
Mercurius vinctum vafra quem
soluit ab arte:

At sceleris vindex factus vterque sui est.
Nam mutata Deam ceruâ Diana fugaci,
Illorum ante oculos dum noua cerua fugit:
Ambo coniectis, per mutua vulnera, telis,
Errore errorem ritè luère suum.
Talis & ecce nouos, hinc Otos, hinc Ephialtas,
Fert furor in Reges à Ioue progenitos.
Nam quis Aloïadas Græcorum voce vocatos
Nesciat errantis nomen habere Patris?
At vi regnando dicta quis ab Iphimedîa
Non videat vitium matris habere suæ?
Nam quòd & in superos hastas iacerent, Ephialtas
Fabula non ficto nomine ficta vocat.
Vulnera quòd facerent Oti de vulnere dicti,
A quibus Otomanus nomen & omen habet.
Otomanus nomen vesania cui dedit Oti
In Regem ausuro stringere tela suum.

Scilicet vt vinclis (si Diis placet) alliget illum,
 Cui ius regnandi Léxque, Deúsque dedit.
 Lex in regna mares succedere quæ iubet olim,
 Quam Deus & signis comprobat vsque nouis.
 Nam quoties sacro Rex purgat ab vlcere, Regem
 Legitimum toties hunc Deus esse probat.
 Sed qui vera negant miracula, posse negare
 Non mirum est Regem, posse negare Deum.
 Et quia vincla Iouem non in sua mittere possunt,
 Pro Ioue nunc Regem velle ligare suum.
 Nunc quoque Mercurius, Matharellus, callidus alter,
 Ex Oti vinclis eripit ecce Iouem:
 Otomani vero mendacia teste refutans,
 Assertor patrij Iuris, & Imperii.
 Et bona semper auis, (si quid credatur Homero)
 Tutari patriæ iura decúsque suæ.
 Quod probat HENRICVS Rex felicissimus vnus,
 Dum pia pro patria Dux gerit arma sua.
 Regis & exemplum tu nunc, Matharelle, sequutus,
 Per tua quod facies clara trophæa ratum.
 Auspice præsertim Regina Pallade bellum,
 Huraldóque, iniens, auspice palladio.
 Vt fuerat Martis quæ laurea, fiat & Artis:
 Nam decet intonsum ramus vterque Deum.
 Restat vt Otomano, paritérque nouis Ephialtis,
 Idem qui priscis, exitus eueniat:
 Vt sese alternæ perimant errore sagittæ,
 Fabula quod fuerat, fiat vt historia.

IO. AVRATVS POETA REGIVS.

LVDOVICI AVRELIANI IN
Senatu caufarum Patroni.

Afflicta sat erat patriæ, miseræque parenti,
Natorum rabiem, totiesque in crimina versas
Crudeles sensisse manus, sat vulnera mille
Visceribus subiisse suis, & robore multo
Prostratam propriis velut interiisse sub armis.
Expletum post omne scelus, postque omne nefandum
Quod potuit peperisse manus, post omnia dira,
Post flammæ, variâsque neces, nihil insuper armis
Esse putabamus reliqui, nisi pectore toto
Viribus exhaustis optata insistere paci.
Prouentu scelerum verum noua prælia surgunt,
Dumque silet ferrum, lassatâque dextera ferro,
Dum galcæ horrendo cristarum vertice pendent,
Atque ensis, toties male fusi sanguinis author.
Ipse animus fera bella mouet, martemque capeßit
Mens hominum, nostrâsque petunt (miserabile dictu)
Imperij iustas armata volumina leges.
Fit calamus, fit charta nocens, fit perfida Gallis
Gallica desertrix Pallas, mentemque rebellem
Phæbus habet, pariterque suo cum fratre Camæne
Hostibus his nihil intactum, quod tempore longo
Sanxerunt leges, vsus firmavit & ætas,
Quodque patres habuere ratum, & sapientia prima
Maiorum, euertisse placet: non parcitur vni
Augusto capiti Regis, quærenda potestas
Est alia, arcendique procul qui iura ministrant:
Vtque fuit patriis laribus crudeliter acta
Gallorum Pietas, sic disturbanda vicissim
Iustitia est veneranda soror, quo cuique fruisce

Ingenio liceat, nullámque agnoscere legem.
Heu ! scelus indignum, quæ ferrea charta cruentas
Tam potuit perferre notas? quo vindice tandem
Illa manumissa est, nostrúmque erupit in orbem?
Authorem dixisse nefas, sine vulnere nomen
Essc nequit patriæ, licet hunc studiosa Trebati
Commendet, Paulique domus, legúmque Senatus.
Sed quorsum placuit veteres in publica damna
Authores armasse viros? quorsúmve libellis
Quod fidei restabat adhuc subducere Regi?
Pontificem certè iuris iura ipsa prementem
Inuiti aspicimus, moniti præclarior esse,
Vix respirantis patriæ misererier, atque
Amplecti lassam bellis, mæstámque solari,
Quàm Musa hostili, funesta & Pallade, totam
Fardare, & regni assuetos inuertere vultus.
Non bene curatur morbi medicamine morbus,
Nec nisi damna potest damnosa inuersio rerum
Confusúmque Chaos miseris infundere Gallis.
Tú ne putas nostros ætati reddere prisca
Posse viros? lapsam & regni reparare ruinam?
Imperius certos fines, exordia certa
Fixit & ætates, qui Iuppiter imperat vnus.
Sceptráque purpurea modò quæ viguere inuenta
Debile nunc perimit senium, labuntur & annis.
Fiunt regna senes, & proxima funera lento
Fune trahunt, ægróque suo vix corpore sistunt.
Quæque semel fluxit non est reuocabilis ætas.
Gallica sic senuit virtus, liquefecit & ille
Consilij armorúmque vigor, quo stante, trementem
Conspexere patres nostro sub nomine mundum.
Nunc casso fractóque seni quod fortè remansit

Imperio,

Imperio, est alia penitus ratione regendum,
 Quàm dum substiterant iuuenili in pectore vires.
 Siq̃ patriæ extremas tabulas & naufraga vela
 Se regere afflictis quondam memorabat Achiuis
 Demades, Argiue non vltima gloria linguæ.
 Sic quoque Romuleæ facundia maxima gentis,
 Sepe suum fertur dictus monuisse Catonem,
 Quòd patria labente, suo nihil ille Quiriti
 Parceret, austerus nimium, rigidusque satellites
 Priscæ virtutis, iamiam per tempora lapsæ.
 Sed quò transuersum me carminis arripit ardor?
 Mé ne tuam falce indocta succidere messem?
 Non ita si sapiam, nec adhuc mihi tanta pusillo
 Indoctoq; homini, MATHARELLE, audacia surgit:
 Hoc opus esse tuum agnosco hæc præcepta docere,
 Cui Titan meliore luto præcordia finxit.
 Aude igitur dignum Brutis, patriæque, tuoque
 Munere, quod nostri laudent, relegantque nepotes.

F I N I S.

PRIVILEGII SENTENTIA.

REGIA Auctoritate cautum est, ne quis alius præter Federicum Morellum, Regium Luteriæ Typographum, hanc ad F. Hotomani famosum libellum, cui titulus est Francogallia, D. ANTONII MATHARELLI, Reginæ Matris à rebus procurandis primarij, Responsionem, ante sexennium ab hac prima editione excudat, né ve vendat. Qui secus fecerit, libris, & pœna in sanctione æstimata multabitur. Priuilegium Parisiis irrogatum, ac consignatum xxvi. mensis Mart. Anno, M. D. LXXV. Subscriptum de Consilij sententia,

THIELEMENT.

